

Дунё адабиёти хазинасида

Аҳмад Лутфий Қозончи

**БИР ВИЖДОН
УЙГОНУР
(роман)**

**Роҳила РЎЗМОНОВА
таржимаси**

**Ташкент
"Истиқлол"
2006**

"Қайнона", "Ўгай она" каби романлари билан китобхонларимиз қалбидан жой олган Аҳмад Лутфий Қозончининг ушбу романидаги нур ва соя кураши, ҳакалак отган нафси аммора билан сабит қаноат аро зиддият, қуюндан босиб келган қабоҳат билан нурдай покиза эзгуликнинг моҳияти ёритилиб берилган. Асарда гуноҳи азим ўпқонига қулаган ота фоъсиаси, йўқчагина жисмига улуғ тоддай сабр-тоқатни жо эта олган онанинг изтироблари, қалби кўр ота билан штоатгўй она орасида сарсон-саргардон боланинг руҳий изланишлари тасвирланган.

Асар китобхонда нурли, покиза бир туйғу уйғотади. Киши беихтиёр ўйлаб кетади: бузилиб кетаётган дунёни поклик, ҳалоллик, қаноат, меҳр-оқибат асл ўзанга солиши мумкин. Мазкур роман ўз китобхонини топишига ишонамиз.

Сўзбоши муаллифи:
филология фанлари доктори, профессор
Абдуғафур РАСУЛОВ

Муҳаррир:
филология фанлари доктори
Баҳодир КАРИМОВ

Тақризчи:
филология фанлари номзоди
Абдумурод ТИЛАВОВ

Мусаҳҳиҳа:
Севара ПЎЛАТОВА

© Тошкент, "Истиқлол", 2006

ҚАДР КЕЧАСИДАГИ БИР МҮЖИЗА

ХХ аср ўзбек адабиётининг донишманд шоирларидан ҳисобланмиш Мақсуд Шайхзода ёзган эди... "... товушлар бутун оламдан, сувдан, ойдан, қишидан, кўкламдан, диёрлардан, азиз ўлкамдан жош келгайлаш шоир дилига, гўзалликнинг иш артелига" ("Шоир қалби жаҳонни тинглар") Менимча, ХХ асрнинг охирию XXI аср бошларида ҳар бир ўзбек китобхони қалбига-гўзалликнинг иш артелига" бунчалик кўп, бунчалик хўб бадиий асарлар кириб келмаган. Фридрих Ницше, Пауло Коэльо, Эдгар По, Пу Сунънинг, Габриэль Маркес, Улов Хауче, Радек Йон, Хута Гагуа, Явуз Баҳодир ўғли, Василий Шукшинларнинг ҳар бири олам аро олам яратганлардан.

Жаҳон адабиёти дурдоналарини ўзбек тилига таржима қилиш ўнлаб таржимонлар учун ижод, маҳорат мактаби бўлмоқда. Таржимонлар орасида Қодир Мирмуҳамедов, Иброҳим Faфуров сингари пирлардан тортиб Олим Набизода, Роҳила Рўзмонова, Гулчехра Мамажон сингари "гўзалликнинг иш артелига" илк маҳсулотларини топшираётганлар ҳам бор.

Роҳила Рўзмонова эзгу ният билан Аҳмад Лутфий Қозончи романини таржима қилиб, китобхонлар ҳукмига ҳавола қиляпти. "Бир виждон уйғонур" номли асар дидактик-маърифий мавзуда. Дарвоҷе, бундан 15-20 йил муқаддам социалистик реализм методида яратилган асарларни ўқишига мажбур қилинган китобхон бугун дунёвий, тасаввуфий, фантастик асарларни ўқимоқда, ўзлаштирумокда.

Аҳмад Лутфий Қозончи-бугунги турк адабиётининг оқсоқолларидан бири. У ҳар бир мутафаккир сингари оламу одамнинг ўсиш, ўзгаришларини қозик кузат-

моқда. Унинг, "Бир виждон уйғонур" романида тас-вирланишича, оламни хаосдан, инсонни чигаллик-лар гирдобидан соф эътиқодгина олиб чиқади. Романда нур ва соя кураши, ҳакалак отган нафси ам-мора билан событ қаноат аро зиддият, қуюндай бо-сиб келган қабоҷат билан нурдай покиза эътиқод-нинг моҳияти ёритилиб берилган. Асарда гуноҳи азим ўпқонига қулаган ота фожиаси, йўқчагина жисмига улуг тоғдай эътиқодни жо эта олган онанинг изти-роблари, қалби кўр ота билан итоатгўй она орасида сарсон-саргардон боланинг руҳий изланишлари тас-вирланган. Сурури бей шайтоннинг малайи бўлиб ўтди: на динни-диёнатни, на покиза аёлинни, на бе-баҳо неъмат-ёлғиз ўғлини қадрламади. У туну кун, қишин ёзин ичди, оғзидан атрофдагилар кўнглини вайрон қиласидан емирувчи сўзу гапдан бошқаси чиқ-мади. Даҳшатлиси шундаки, у нурдай покиза аёли-ни, фариштадай бегуноҳ фарзандини ўз измига сол-моқчи бўлди. Аёли-Садоқат хоним ақлли-хушли, эътиқоду қаноатли эди: на уриш, на сўкиш, на дўқ-пўписа уни заҳарлади. Бола оғзига эса заҳардай май қўйилди, қулоқларига сўкиш, ҳақорат сўзлари жой-ланди. Ҳаётнинг одил қонуниятини қарангки, бола отасининг арагини ичди, эшитган сўкишларини ўз эгасига қайтарди. Тумай ўши даражага етдики, ота қабри тепасида ўзи сингари арокҳўр билан маишаг қилди, қабрнинг тоза тупроғини ичкилик билан ҳаром қилди. Саодат хоним эри туфайли кун кўрмаган эди. Ўғли эридан бадтар бўлди. Бечора она куйиб-куйиб кул бўлди. Суянган эътиқод, бебаҳо бойлиги-Куръони-каримни бағрига босиб ҳаётдан кўз юмди.

Аҳмад Лутфий Қозончи романининг гўзал, ибратли томони шундаки, Сурури бей ва Саодат хонимлар-нинг ўғли Тумай қайта тирилади, инсонийлик йўли-

га киради. Романинг энг қизиқарли жойи, менимча, Тумайнинг нурга, покликка, эътиқодга дуч келиши билан боғлиқ. Бўкиб ароқ ичган Тумай изғиб юаркан, юрак-бағри куяди-сув ичгиси келади. Ҳеч қаерда сув йўқ. Жоме масжида чироқ порлаб ёниб турибди. Ўша ерда бўлиши аниқ. Аммо Тумай масжидга ёт одам: унинг отаси ҳам, ўзи ҳам Аллоҳнинг уйига қадам босмаган. Чанқоқлик шу даражага етадики, Тумай кўрқа-писа масжид ҳовлисига киради, тўйиб сув ичади. Қараса, ичкарида фаришта монанд одамлар ибодат қўлмоқдалар. Унинг хаёлига чароғон масжид, фариштадай одамлар жойлашиб қолади. У масжид атрофида юрган бир одамдан сўрайди:

-Ярим тунда одамлар масжидда нима қилиб юрибдилар? Нега ҳамма ёқда чироқлар ёқилган?

-Бугун қадр кечаси-ку...

Тумай қадр кечасида илк бор қалб кўзини очди, ақлини пешлади. Унинг руҳида янги бир ҳолат ниш ура бошлади.

Ичмасам нима бўларкин? Фариштадай одамлар ичмаганликлари боис Худонинг уйида эмин-^з ин юрмаятиларми? Тумайда ҳавас, орзу пайдо бўлди.

Муаллиф Тумай ўз исмини Мурод дея ўзартирганини ёзар экан, қаҳрамон қайта туғилганидан хабар беради. Мурод ҳарбий хизматга боради: садоқат билан хизмат қиласи, дўст ортириш хузурини туюди. У ҳалоликни бош мақсад, ҳаётининг маънё-мазмуни қилиб белгилайди. Пул, маълумки, ҳамиша инсонга панд берган. Лекин Мурод пулни ўз ўрнида ишлатиш билан обрў-эътибор топа боради. Ҳарбий хизматни биргаликда ўтаётган Салимга топган тутган пулини бериб, дўстини мушкул ҳолатдан қўткаради. Акиф бей пулини йўқотади. Ўша пулни толиб олган Мурод излай-излай бойлик эгасини топади,

омонатни топширади. Акиф бей Муродни фарзандидай севиб қолади, дўконига ишга олади, сармояларини унга ишониб топширади.

Мурод ичиб, тентираб юрганида хизрдай покиза бир қария уни тўғри йўлга солмоқчи бўлган эди. Ниҳоят, ўша Иброҳим отани топди. Бечораҳол бу ота Мурод берган пулни сира олмайди. Йигит бу отахон ҳолидан ҳамиша хабар олиб туради.

Диёнат, поклик Муродга ҳалол, бокира қизни рўпара қиласди. Фарида хоним қашшоқ яшади, йиртиқ кийим кийди. Аммо қизи Алияга гўзал тарбия берган эди. Акиф бей ўртада туриб, Алияни Муродга хотинликка олиб берди.

Роман китобхонда нурли, покиза бир туйғу уйғатади. Киши беихтиёр ўйлаб кетади: бузилиб кетаётган дунёни поклик, ҳалоллик, қаноат, меҳр-оқибат асл ўзанга солиши мумкин. Мазкур роман ўз китобхонини топишига ишонаман.

*Филология фанлари доктори, профессор
Абдуғафур РАСУЛОВ*

Бисмиллаҳир роҳманир роҳийим.

МУҚАДДИМА

Чекка қишлоқлар ва шаҳарлардаги айрим маҳаллаларда яшаётган болакайларнинг кўпчилиги тарбия нималигини асло билмайди. Куфр сўзларни айтиши, катталар ёнида сигарет чекиши табиий бир ҳолга айланган. Улар танбеҳ бериб, тарбияга чақирган катталарни сўкишдан, ҳатто тошбўрон қилишдан ҳам қайтмайдилар. Ўзларининг бемаъни қилиқларидан завқ оладилар. Булар вақти келиб отасига қўл кўтаради, беадаблиги билан гуурланиб юради. Чунки улар кўча таҳсилини олаётган безори болалардир.

Бир авлод етишмоқда. Маданият ва техникадан бироз хабардор. Аммо ахлоқ ва фазилат, одоб ва тарбиядан мутглақо бехабар... Аждодларидан олинган маънавий меросни унугтан.

Бир қарасанг, ота ҳам, ўғил ҳам қилич кўтарган. Аммо фарқ шундай-бири Чаноққалъага ҳужум қилган душманларни даф этиб ҳурриятни сақлаб қолди, шарафли жанг қилди. Иккинчиси эса ўз ватанига қарши қилич кўтармоқда.

Гўзал аҳлоқлари билан бутун инсониятга танилган буюк бир миллат бугун ўзини йўқотадиган ҳолга келиб қолмадими? Дарвоҷе, бир силкиниб ўзига келгач, мен бундай эмасман, бундай бўлмаслигим керак, дермикин?

Бир кун келиб ҳозирги авлодлар ичидан ҳам "ақл ва виждан ҳукмига бўйин эгадиган мард бир отанинг ўғли", "тўпигини ҳам бегонага кўрсатмаган

ҳаёли аёлнинг қизи" бўлишни шараф деб биладиган инсонлар етишиб чиқадими?!

Чексиз неъматлар эгаси Аллоҳнинг раҳматига ишонамиз, эл-юрт ва миллатни севамиз; бу миллатнинг аслига қайтиши ва шон-шарафлар билан яшашига умид қиламиз.

"Эй мулклар соҳиби Аллоҳим!

Сен мулкни ким сўраса, унга берасан. Мулкни кимдан истасанг, ундан олиб кўясан. Истаган кимсангнинг қадрини, шон-шуҳратини юксалтирасан.

Истасанг акси бўлади. Ҳар қандай эзгулик Сенинг қўлингда. Шубҳасиз, Сен ҳамма нарсага ҳақиқий Қодирсан".

"Кечани кундузга айлантирасан, Кундузни кечага алмаштирасан. Ўликни тирилтирасан, тирикни ўликка айлантирасан. Истаган кишингта чексиз ризқ ва неъмат берасан".

Куруқ тупроққа ҳаёт бериб, ундан гул ва майсалар ундирган Аллоҳнинг раҳмати билан ўлик қалблар тирилади.

Аллоҳнинг чексиз карами ҳосиласи бўлган китобимиз сабабли кимдир тўғри йўлга кирса, мақсадимизга эришган бўлар эдик. Марҳамат, китобни ўқинг. Холис ниятли дўстларимизга тўғри йўлда муваффақиятлар тилаб қоламан.

Аҳмад Лутфий Қозончи

I

Эски масжиддан Болтали масжидига тўғри бориб, чап томонга қайрилган биринчи кўчанинг номи кулоққа ёқимсиз эшитилади-Дор кўчаси. Кимнинг ҳаёлига келган экан, бундай атамоқ, масалан унга Гул кўчаси деб ном берилса, гўзал бўларди, дея ўйланлар ҳам бордир.

Бу совуқ ном одамни қўрқитади, кўнгилларни вас-
васага солади. Баъзан чироқсиз зим-зиё бу тор кўча-
дан ўтаётган киши: "Орқамдан бирор келмаяптими-
кин?", - деган ваҳимага тушиши ҳам ҳеч гап эмас".

Ёмғирли кунларда бу кўчада юриш кони азоб.

Аммо фира-шира қоронғу тушгач, шу кўчадан ўзга-
ча бир завқ-шавқ билан ўтадиган бир одам ҳам бор.
Бошига катта шапка кийган бу одамнинг бўйи паст,
ўзи семиз ва елкалари бироз букри. Юзида қора доғ-
лари бор. Бурни беўхшов, катта лунжлари осилган,
ишончсиз, ўйноқи кўзлари кўм-кўк, чала-ярим қош-
лари сийрак ва бир қараганда бошдан ҳам каттадек
таассурот берадиган кулоқлари катта кўринади. Булар
унинг бошида кўрилган аниқ белгилар... Бундан та-
шқари унинг жуда ёқимсиз бир юриш тарзи бор-
бошқаларни назарга илмагандек қадам ташлайди. Бу
кимсанинг исми - Суури бей. Ҳар оқшом кўлтиғига
қисиб олган шишаси билан гавжум кўчаларга кир-
май, шу Дор кўчадан ўтишни афзал кўради. Бу одам
оғир, вазмин қадамлар билан, гёё орқасида хизмат-
чилари елпиб келаётган вазирдек дабдабали ҳаракат
этарди.

Баъзи одамларга фақат эгаллаб турган мансаб ва
даражаси учунгина "бей" дейишади. Аслида ҳақиқий
"бей"лик билан улар орасида жуда баланд қорли тоғ-
лар борлигини ҳамма билади. Уларни номигагина бей

деб чақиришганда ҳам: "Нимаси бей экан бунинг?"
дэя эътиroz билдирувчилар топилади.

Суури бей ҳам шундай бейлар тоифасига киради.
Ҳеч ким унга чин маънода бу сифатни қўшиб чақирмайди.
Жуда ярашади, деб ўйловчи ягона кимса ҳам
унинг ўзидир. Аслида худди жонли ҳайкалга ўхшаш
бу Суурига бейлик ёки афандилик елимлаб ёпиштирилса ҳам ярашмайди.

Унинг ички дунёси, руҳи ва аҳлоқи бейлик ва
афандиликка худди ўт билан сувдек зид келади.

Бейлик Суурининг катта шапкаси, дазмолланган
кўйлагию бўялган туфлисига муносибdir, аммо ўзига,
асло... Чунки, иши муттасил ичкилик ичиш, қимор
ўйнаш ва аҳлоқсизликнинг барча тури унга оид. Шунга қарамай яна бей, афанди аталар эмиш.

Бу ердаги фариб одатлардан бири шуки, одамлар
кийим-кечак ва зеб-зийнатга қўп эътибор қаратади.
Бирор кийган қимматбаҳо кийимлари учун ҳурмат
қилинади. Агарда уларни эски кийимларда кўришса,
эшикларидан қувиб солишлари турган гап.

Суури бей жуда золим одам. Асоси сархушлик ва
аҳлоқсизликка таянган шу золимлиги сабаб саодат ва
хуррият унинг уйида ҳам ҳибсга олингандир. Тўғрироғи,
унинг уйида гўё ҳибс қилинган бир Саодат
борки, барча тортган азобини эшикма-эшик айтиб
чиқса кўпгина оилалар саодатдан маҳрум бўлиб қоли-
шади. Ҳа, исми Саодат бўлган бу аёл, афсуски, бу
дунёдан қидирганини тополмади, орзуларига эришол-
мади. Унинг золим эридан эшитмаган ҳақорати, чек-
маган дарди қолмади. Агар Саодат хонимнинг ўрни-
да бирор сабр тоши бўлса, аллақачон бир неча марта-
лаб чил-чил парчаланган ёки ювош бир кўпрак бўлса,
бу ҳақоратлардан, албатта, кутурган бўларди. Саодат
Хоним эса чеккан азобларини ичига ютди, унсиз

йиглади ва фақатгина руҳи эшитадиган даражада ин-
гради, холос.

Гоҳида у аллақачон суюклари ҳам чириб кетган ота-
си унга нима учун бу исмни қўйганини ўйлар, ота-
сининг ойдин орзулари билан ўз ҳаёти орасидаги фа-
рқни кўз олдига қиёслаб қийналарди. Отасининг бу
орзуси ақалли бир марта тушида бўлса-да, ҳақиқатга
айланишини жуда-жуда истарди. Аммо, ҳайҳот, бу
кетишида, орзу ўз ҳолида қолиши аниқ. Кексайған сари
яхшиланиб борар дея умид этилган Суури бей кун-
дан-кун кутурмоқда.

Сабр косаси тўлганда баъзан: "Отажон, тур мозо-
рингдан, Саодат исмли қизингнинг ҳолига қара!" дея
фарёд чекмоқчи бўлар, бироқ бу сўзлардан на ўзига
ва на бошқаларга бирор фойда йўқлигини ўйлаб яна
жимиб қоларди. Ёшлигида суюнган дарахтлари бир-
ма-бир қўпорилган эди, яъни отаси, онаси ва акаси
аллақачон фоний дунёдан кўз юмиб, бокий оламга
кўчган эди. Саодат эса яккаю ёлғиз... Бир эри бор. Ун-
дан фақат зарар келади, яхши гап, бирор фойда ку-
тиб бўлмайди. Қўйни пуч ёнғоқча тўлгани қўёш ча-
рақлаб чиқишидек аниқ эди. Суури бейдан яхшилик
кутмаслик ҳақида истаганча гап айтиш мумкин эди.

Саодат хоним бу уйга келгандан бери бирон марта
бемалол овқатланган эмас. Ота уйида кўрмаган, ҳатто
номини ҳам эшитмаган ичкиликлар доимо дастур-
хонда қалашиб турарди. Бир-бирини кувиб ўтаётган
йиллар, ой-кунлар уларнинг дастурхонига бирор хай-
рли ўзгариш олиб келган эмас. Аллоҳнинг неъматла-
рига тўла дастурхон ўлакса ҳидни тарқатувчи шиша
очилиши билан бутун файзини йўқотар, гарчанд
қорни очиб турган бўлса-да, иштаҳаси бўғилган Са-
одат бир-икки луқма олар-олмас дастурхондан қўл
тортишга мажбур бўларди.

Унга биргина нарса тасалли беради-ҳамма нарсанинг, яхши-ёмоннинг ҳисоб-китоби бор... Ҳа, албатта, кўй ҳам, эчки ҳам ўз оёғидан осилади. Ҳар бир амал учун жавоби бериладиган кун келади. Шу боис Саодат хоним ҳар нарсага рози...

Бу уйда сабр тошларидан ҳам бардошли бўлишига мана шу фикр ва ишонч сабаб бўлганди.

Овқатдан сўнг ширакайф Сурури бей ёқимсиз ва ҳириллоқ овозда қўшиқ айтиб, қўшниларни безовта қиласар, бу ҳол ҳудди бойқушнинг сайроғига ўхшарди. Устига-устак, оғзидан турли куфр сўзлар чиқади. Бунга қандай дош бериш мумкин? Эрининг бу қилиқлари боис Саодат хоним қўшнилари юзига қаролмасди. Қўшнилари бу аҳлоқсизликдан бир неча бор шикоят қилиб чиқишган, аммо буларнинг ҳеч бирини Сурури бей инобатга олмай, ҳар оқшом айни шу ҳолатни такрорлар эди.

Сурури бейнинг ақл-хушини жойига келтириш, оғзига тарсаки тушириб жимитишни ўйлашар, фақат ишчувалаб кетишини ўйлаган қўшнилар бошқа муаммоларга дуч келмаслик учун индамас эди. Кошки Сурури бей бу ҳолни тўғри тушунса, уларнинг ҳаракатлари қўрққанлари учун эмас, балки бир бало чиқмаслиги учун эканини ўйласа... Буларни ўйлайдиган мия қаерда? Хотинига жиндай раҳми келиб, бироз мурувват кўрсатадиган эркакми у? Сурури бейдан буни кутиш кундузи кўқдан юлдуз қидиришдек гап.

Уйида ҳам бемалол намоз ўқий олмайдиган Саодат хоним хотиржам ибодат этишни жуда-жуда истарди. Аммо унинг ибодатини қўрган Сурури бей ҳақоратлашга тушиб кетар, ўлиб кетган отасини сўкиб, қизга берган тарбияси учун гўрдан олиб гўрга тиқарди. Саодат хоним эса сўнгти нафасигача Аллоҳга қул бўлиш тарбиясини олган, бу йўлда ҳар қандай

азият ва жафога бардош бериш йўлини танлаганди.

Сурури бей эса Саодат хонимнинг намоз ўқишини маданиятдан ортда қолиш деб ҳисоблар, ибодатни кунда беш маҳал бемаъни ётиб туриш дея ақлига сифидиролмасди. Маданиятли, замонавий инсон бўлишкерак, бунағанги қуруқ, бефойда фикрлар таъсирида юриш, намоз ўқиш нимаси?!

Оҳ, муаммолар шу билан битса, кошки. Сурури бей ҳам бошқа замонавий маъмурларга ўхшаб хоними билан зиёфатларга бориб, кўчаларда кезишни истарди. Аммо олам борган сари тараққиётга юз тутар экан, инсоният илфор ва замонавий яшаш тарзига ўтар экан, ҳижобга ўраниб олиб: "Ўлишимни билиб очиқ-сочиқ юриб нима қиласман?!" дегувчи хонимга гап уқтиришнинг имкони йўқ эди.

Сурури бей бу борада жон куйдирив, ширин уйқудан воз кечиб намоз ўқишининг, ҳар иш орасида ҳам ўргага Аллоҳга бандалик фикрини тикиштириб, ётиб туришнинг бефойдалиги ҳақида тили осилгудек бўлиб тушунтиromoқчи бўларди. Бироқ ҳам Саодат хонимнинг: "Мен йўлимдан қайтмайман, гапиришдан фойда йўқ" дейиши билан насиҳатлар ҳавога учарди. Насиҳат билан ишнинг ҳал бўлмаганлигини кўрган Сурури бей усулни ўзгартирап, хоними ибодатга кириши билан ҳақоратни бошларди. Бироқ ҳеч нарсага эриша олмади. Баъзан Саодат хоним намоз ўқиётгандада атайлаб рўпарасидан ўтар ёки унинг қархисида туриб олар, ёки намоз пайтида бирор ғавғо чиқариб, бақира бошларди. Сурури бей намозни ташлатишга муваффақ бўлмагач, умидини узди. Аммо бу умидни узиш Саодат хонимни ибодатда бемалол тинч кўйиш дегани эмасди. Сурурининг фикрига кўра, Саодат хоним одам бўлмайди, маданиятли кишининг хоними бўлишни ўрнига қўя олмайди. Уйга келиб, хо-

нимни жойнамоз устида кўрса, ҳақоратларини бошларди. Саодат хонимнинг эса ҳузур-ҳаловати бузилиб, яна виждони қийналарди.

Суури бей аёлинин ёнига олиб бошқа дўстларига ўхшаб сайр қилолмади. Шу ҳолатда узоқ қолиш ҳам мумкин эмасди. Шу боис, Оврўпо миллати аёлларини мисол қилиб, барча аёлларнинг уларга тақлиди ҳақида гапиравди. Ўзининг ҳам бошқа мансабдорларга ўхшаб керилиб юришга ҳақи борлигидан сўзларди. Маданий миллат бўлиш учун оврўполикларга хос кийиниш зарурлигини тушунтиришга ҳаракат қиласди. Аммо ўжар хотин бу гапларни эшитмайди. Эшитишни истамайди ҳам. "Маданиятли бўлиш менинг кийинишимга боғлиқ бўлса, илоҳим бўлмасин ундей маданият", дерди Саодат хоним. "Ор-номус ва ҳаёни бой бериш эвазига келадиган маданият кимга керак? Бошқалар билганини қилсин, хоҳлаганча юрсин, аврат жойларини яширмасин. Аммо мен бунга йўл қўймайман. Менга берилган тарбия бошқа". Саодат хоним Суурига шу жавобни берарди.

Хотинини гап билан йўлга солиш имкони бўлмаётган кунлардан бири эди. Суури бей ҳеч бир сабабсиз favfo кўтариб Саодат хонимга ташланди ва дарҳол аввалдан тайёрланган режасини ишга солди. Бу режа асосида уни зўрлаб бўлса-да, йўлга солишига ишонарди.

Намозшом вақти маҳалла масжидидан чиққанлар Суури бейнинг уйидан келаётган дод-фарёдларни эшитиб тўхтаб қолишибди. Яна жанжал бўлаётганди. Яна бу бечора аёл - Аллоҳ билади - зулмнинг қай тури билан юзма-юз келаётган экан. Шу маҳал бейнинг дарвозаси очилди. Аввал Суури кўринди, орқасидан соchlари эрининг қўлларида чанглланган, ташқарига чиқмаслик учун фарёд чекаётган Саодат хонимнинг

гавдаси... Саодат хоним эшикка ёпишиб олган, аммо эрининг қўлларидағи соchlари ортидан судралишга мажбур эди. Ўзларига ҳайрат ва нафрат билан қараб турган одамларга қаратса, худди ғолиб кўмондондек керилган Суури бей хотинининг соchlарини чангалағанча шундай деди: "Гувоҳ бўлинглар, мен хотинимни боши очиқ ҳолда ташқарига олиб чиқдим...".

Шундан сўнг Суури бей ўзининг қайсарлик қилаётган аёlinи тепиб юборди. Бечора аёл ерга думалаб туғди. Маҳаллага шарманда бўлдим, дея андиша қилиб, қип-қизарган, соchlаридан кўра виждан ва қалби азобланган Саодат хоним базур ўрнидан турди. Буюк бир ғалабага эрищдим ва энди ҳеч бир тўсиқ қолмади, деб шодланаётган эрига қараб: "Номусингни бир пул қилдинг разил, эшшак!" деганча уйига кириб кетди. Шу пайт Суурининг бу бемаъни қиликларига чидолмаган одамлардан бири:

- Бу ишни қилиш учун инсон одоб ва ҳаёдан буткул маҳрум бўлиши керак, - дейишдан ўзини тўхтатолмади.

Суури бей:

- Мен билан ишинг бўлмасин. Фазабимни кўзғама, - деган жавобни берди. Ҳалиги одам нафрат билан:

- Қани кўрамиз, шу ғазабланиш қандай бўлиши ни ўргатаман, сенга! - деди.

Суури бей сукут сақлашга мажбур бўлди. У ҳеч нарса демасдан ичкарига кирди. Ичкарига кирганда Саодат хоним қичқириб йиғларди. Суури бей бунга эътибор бермади. Чунки уни илк йиғлатиши эмас, ҳатто, иккинчи, учинчи, бешинчи, ўнинчи йиғлатиши ҳам эмасди.

Ҳеч нарса бўлмагандек, совуққонлик билан:

- Мана хотингинам, энг катта тўсиқдан ҳам ўтиб

олдик. Сени очиқ ҳолда кўрмаган киши қолмади. Бундан кейин ҳам мени ранжитиб, дўстларим олдида уялтирасанми? - деди.

Беадаблик ва даъюсликнинг бундан ортиғи бўлиши мумкин эмас.

Саодат хонимниң юзи маъсум ва маҳзун бир аҳволда эди. Кўзларидан оққан ёшлар ёноқларига тушмоқда эди:

-- Бир кун буларнинг аламини юз баравар, балки, ортиғи билан оламан. Аллоҳнинг ҳузурида ҳисоблашиб учун чақириладиган кунга тайёргарлигингни кўр...

Сурури бейга бу гаплар таъсир қилмайди:

- Яъни, мен у дунёда жавоб бераманми, хотингинам?

- Албатта.

- Ундей бўлса, бу дунёда қарзим яна бироз ортса, қандай бўларкин? У ерда тўлайман, ахир. Қани бу оқшом кўнгли маҳзун эрингни бир севинтиргин. Биргаликда бир кезайлик. Зараби йўқ, вақти келгач, сенга ортиғи билан тўлашга тайёрман!..

Сурури бейнинг очиқдан-очиқ охиратни масхаралаб, инкор қилаётганини Саодат хоним жуда яхши биларди. Аммо виждони қийналарди; ор-номус туйғуси унинг дилини ўртарди.

Ноилож юрагини бўшатиш учун шундай деди, холос:

- Раббим менинг оҳимни эшитади. Мен Унинг адолатига ишонаман. Золимдан мазлумнинг ҳаққи олиб берилишига имоним комил. Бугун сен ишонмаётган, масхаралаб кулаётган жазо куни келгач, сен, албатта, пушаймон бўласан.

Ўшанда мен қоп-қора юзингни кўраман. Мен бу дунёда зулмга учраганларнинг биринчиси эмасман,

сен ҳам золимларнинг охиргиси эмассан. Дунё қанчалар мендек мазлумларни ва қанчадан-қанча сендеқ золимларни кўрган. Сен ишонмаган ўша кун келгач, илоҳий адолат, албатта, сенинг ёқангдан тутади. Ўшанда сен бошингни қайси тошга уришни билмай қоласан.

Суури бейга бу сўзлар ҳам таъсир қилмасди. Аммо Саодат хонимнинг гапларига ўзича жавоб беради, ёқимсиз бир овозда:

- Ҳе, хотингинам-а! Демак, у ерда эридан шикоят қиливчи бир Саодат хоним бўлар экан-да? Бошқа аёллар шикоят қилишмайдими? Хўш, эркаклар аёллар устидан шикоят қилимайдими? Биз эркаклар азалдан жиннимизми? Тилимизни ҳакка чўқиганмики, бизнинг ҳам даъвойимиз бор деёлмасак?

Суури бей шу зайлда тутақиб, дераза ёнида у ёқдан бу ёқقا юрарди. Уфқقا бош кўйган күёшнинг қизиллари аста-секин йўқола бораради. Балки бироздан сўнг ҳамма ёқни зулмат қоплар. Агар ўша узоқдаги юлдузчалар бўлмаса, бир соатдан кейин атрофга қуюқ қоронгулик чўкиб, бирор-бировни танимайдиган ҳолга келарди. Аммо Суури бей бу ҳақда ўйламай, деразага қараб фўдранди:

- Қандай яхши мамлакат. Аёллари истаганча эрларидан шикоят қиласди, ўзларича чирана оладилар, кейин эса куйганингча куй.

Суури бей ортига ўтирилиб Саодат хонимнинг тепасига келди. Эгилиб:

- Ўшанда, яъни мен ёнаёттанданда сен ҳам томошабин бўлиб ўтирмайсан, менинг мазлум ва маъсум хотингинам!.. - деди разаб билан ва бир муддат жавоб учун унга тикилиб турди. Саодат хоним ҳамон йифлар, у эса гапида давом этарди:

- Бунақаси кетмайди. У маҳкамада мен ҳам даъвлашаман. Ўшанда кўп гапларни айтаман. Мен ҳам

шикоят қиласман, мени дўстларим орасида камситиб, маданий ҳаёт завқидан бебаҳра қолдирганинг учун сенга бор вужудим билан жазо талаб қиласман. Қачон, кел энди сен билан бир май ичайлик, дединг? Ақали номига бўлса-да, шундай таклиф қилган эмассан. Хўш, мен одам эмасманми? Менинг эркаклик шаънимни ҳеч ўйладингми?!.

Сурури бей бироз овозига майинлик бериб дедики:

- Яххиси, кел сен билан шу ерда ҳисоблашамиз. У дунё маҳкамасида бир-биrimизга хўроздек ташлангандан кўра шу ерда муаммолизни ҳал қилайлик. Сен тушунган аёлсан. Мана сени очиқ-сочиқ ҳолда кўрмаган одам ҳам қолмади. Ўзинг бир ўйла. Агар хўп десанг, ҳурмат билан яшашга сўз бераман. Ҳам оиламиз тинч бўлади, ҳам у ерда шарманда бўлиб юрмаймиз. Нима дейсан? Маъқулми?

Саодат хоним:

- Сен даври даврон суриб қол. Албатта, бизнинг ҳолимиздан кулиб, масхаралаганлар устидан биз куладиган кун ҳам келади, - деди ва ташқарига чиқиб кетди.

Золим ва беодоб, ҳаё ва раҳм туйғусидан буткул маҳрум бўлган бу одамдан ҳаққини олиши учун, мазлум дуосининг қабулига ишонган ҳолда Рабби - Аллоҳ таолога чин дилдан ёлвора бошлади. Кўз ёшлиари тинмади, қўшниларига қайси юз билан қарашни билмасди.

Шу дамда маҳалладаги ҳар бир уйда бу аёл ҳақида баҳс бораарди. Бундай беҳаёлик қархисида қолган виждан эгалари уйларида оила аъзоларига нималарни тушунтираётган эканлар, ким билади...

Саодат хоним бу фалокатдан сўнг ортиқ яшай олмасди. Қўлларини очиб, бу дунёда бундай иффатсиз яшагандан кўра ўлим яхшилигини айтадигандек

кўкка термулди. Аммо бундай қилмади. Ичидан бир овоз: "Сенинг қанча яшашингни Аллоҳ белгилайди. Унинг ишларига аралашиш одобдан эмасдир", - деди. Бу азобли ҳаётга чидай олмаслигини жуда яхши билгани учун очилган кўлларини туширмади. "Ё Раббим ящашим хайрли бўлса менга умр бергин, йўқса номус ва иффатли ҳолимда ҳузурингга чақиргин", дея дуо қилди. Саодат хоним дуосини жону дилдан узок тақрорлади...

Оҳ, қани, дунёда номус душманлари бўлмаса...
Беодобликни, шармсизлик ва ахлоқсизликни шараф деб билувчилар бўлмаса... Номус ва иффат билан яшани энг олий саодат деганлар бу дунёда айбланмаса. Афсуски, бу дунёда Сурури бей ва унинг бир тўда беадаб улфатлари бор. Саодат хоним ва унга ўхшаганлар эса ўша бемаъниларнинг тамоман тескариси...

Мана, кишини ўйга толдирувчи, руҳини қийнаб, ҳаёт лаззатини ҳис қилишдан маҳрум қилувчи тушунча.

Агарда охират тушунчаси бўлмаса... Илоҳий адолат, бирорвга заррача ҳақсизлик учун жавоб бериладиган ҳисоб-китоб ишончи бўлмаса, рам ва азоблар Саодат хонимни ичдан еб битирарди. У охиратда, албатта, бу азоблар тугаб, мазлумнинг ҳаққи олинишига, ҳаёси учун айблангандарнинг у ерда шарафланишига ишонар ва шу ишонч берган куч билан сабр қиласиди. Ҳар кун янги бир шаклда ҳузурига келаётган зулмининг аччиқ зарбаларига шу ишонч берган умид билан бардош берарди.

Сурури бейларни шод қилган, Саодат хонимларни хўрлаган бу ҳаёт, агар ўша умид бўлмаса, яшашга муносиб кўринмасмиди?!

Саодат хоним шу маънавий тубанлигини яна бир бор намойиш этган Сурури бейнинг зулми яна

қачонгача давом этишини ўйларди. Аслида, иккисининг бир иола бўлиб яшаши хатоларнинг энг каттаси эди. Ақлли киши бундай турмушга рози бўлмасди.

Саодат хоним диндор бир оиласи ҳам диндор эди. Сурури бейнинг оиласи ҳам диндор эди. Аммо у отонасининг йўлидан юрмади.

Қилингандан насиҳат ва танбеҳлар унга таъсир қилмади.

Ўғлининг бундай бемаъни хулқ-авторини кўрган ота, унга эсли-хушли, покиза ва диндор бир жуфти ҳалол олиб беришга ҳаракат қилганди. Натижада Саодат хоним умр бўйи саодат кўрмаслик юки билан шу уйга келин бўлиб келганди.

Сурури бейнинг отаси ўз қизини Суурига ўхшаш бирор кимсага узатишга рози бўлармиди? Асло...

Куёвнинг олижаноблигига эмас, қайнотанинг диндорлигига алданиб қизини берган ота, бутун умр қизини азобга ташлаб кўймасдан, бу ўйсиз курилган оиласининг барча ташвишини Сурури бейнинг отаси билан бирга тортишга маҳкум...

Бу уй пешонам экан, деган Саодат хонимнинг сабри қачонгача етаркан? Азоб дафтариининг сўнгги саҳифаси қачон тугаркан? Бу шундай бир саволки, жавобини вақт ҳукмига ҳавола қилишдан бошқа чора йўқ.

Сурури бейнинг ўта аҳмоқона ҳаракати шу кунгача аниқ-ноаниқ бўлган обрўсини мутлақо йўқотди. Маҳалла кексалари саломлашиш у ёқда турсин, ҳатто саломига алик ҳам олишмас, кўзлари тушиши билан тескари қараб ўтишарди. Аммо Сурури бей бу ҳолдан ранжимас ва андиша қилмасди. Маданиятдан ортда қолган бир-иккита жоҳил билан саломлашмаслик унинг учун унча аҳамиятга эга эмас. Кунлар шу тарзда ўтиб борарди.

II

Арслон боласининг ўзидек арслон бўлишини орзу қилади. Суури бей ҳам биттаю битта фарзанди Тумайнинг отасига муносиб бўлишини, бу дунёдан кайф-сафо билан яшаб ўтишини истайди. У ўғлининг онасига ўхшаб, бемаъни туйгуларга асир бўлиб қолишини асло истамайди.

Дин тушунчасининг қадимги асрларга оид, маданий ҳаётдан маҳрум миллатларни қўл остида сақлаш учун керак бўлган ўткинчи қоидалар эканлигини, маданият ва ҳаёт ривожида, аслида уни мутлақо тарк этиш кераклигини сингдиришга ҳаракат қиласди. Миллатлар истиқболига тўсиқ бўлган, ҳузур ва роҳатда яшашга қарши фикрларни эшитиб қолса, дарҳол дин ва диндорлар билан боғлашга интиларди. Бу иши билан ўз вазифасини бажаргандек ҳузурларди. Аzon товуши эшитилса, башараси бужмаяр, қошлари чимириларди.

Тумайга эшиттириб:

- Бу балодан қутуладиган кунлар қачон келади-а?..
Билмадим, бу миллат қачонгача шу қолоқ ҳолда яшаркан?! - деб гап бошларди. Суури бей бир кун келиб ўзидек маданиятлилар кўпайишига жуда-жуда умид қиласди. Ўшанда диндорларнинг ҳолига вой бўлади, дерди.

Мабодо уйидан чиқиб кетаётганда маҳалла имомига дуч келса, ишим чаппасига кетади, дея ўйлаб жаҳли чиқарди ва:

- Ҳали сендан қутуладиган кунларни ҳам кўрамиз, - дегандек қараб кўярди.

Бир куни азон айтилди. Аллоҳнинг ўлуғлиги, Ундан бошқа илоҳ йўқлиги таъкидланиб, намозга, на-

жотга чорлов бўлди. Аzon шундай туйғулар асосида гўзал бир оҳангда айтилгач, Сурури бей муаззин ҳам эшитадиган баланд овоз билан ўзига-ўзи гапирди:

- Ҳих, шу экан-да, тушундим азоннинг нималигини...

Муаззин бу сўзларни эшитди. Ичи ёна-ёна айтган азони билан Сурури бейга ўхшаганларни мамнун қила олмаслигини биларди. Шу сабаб ҳеч овозини ўзгартирмасдан:

- Модомики, тушунган экансан, у ҳолда масжидга кир, - дея жавоб берди.

Сурури бейнинг жони чиқиб кетай деди. Мақсади муаззинни ранжитиб, уни кулгили бир ҳолга тушириб томоша қилмоқчи эди. Кутилмаган бир жавобга дуч келди. Аммо дарҳол ўзини қўлга олди. Ҳозир таҳорат олиб келаман, дея намозга шошаётган мусулмондек бу ердан узоқлашди. Аммо, унинг ўлгунга қадар масжидга оёқ босганига ҳеч ким гувоҳ бўлмади.

Сурури бей ҳаётининг шу тахлитда кетишидан мамнун эди. Азоннинг туркча айтилиши, Куръон ўқиганларнинг таъқибга олиниши, масжид имомларига, диний вазифада ишлаётганларга камгина маощ берилиши ва шунга ўхашаш ҳаракатлар унга маъқул келаётган эди.

Бундай кам иш ҳақи олган имом кун кўриш учун ё тиланиши ёки бошқа иш топиши ёки оч-наҳор яشاши керак. Буларнинг ҳар бири, Сурури бейнинг ҳисобига кўра, яхши натижалар эди. Унинг фикрича, маҳалла имоми оч қолган болаларини тўйдир иш учун ўзи унга келиб тиланиши ва ҳолидан арз қилиши керак. Сурури бей эса уни ҳақоратлаб кувиши керак.

Дин одамларининг эътибордан тушиши диннинг ҳам эътибордан тушиши демакдир. Бу кетишда майдон

қандай қилиб бўлсада, ўзи ва ўзига ўхшаш маданиятли кишиларга қолади. Сурури бейнинг ўғлини ўзига ўхшатишга интилишида ҳам ана шу тушунча бор эди.

Сурури бейнинг ўйлари ўз ҳолича қолди. Маҳалла имоми унинг эшигини қоқмади. Шундай кунлар бўлдики, имом сўнгги чақасига нон олгач, пул сўраган ўғлига бўм-бўш чўнгтагини кўрсатди. Кўзларига ёш келди. Аммо дини исломга ҳақорат билан қарайдиган Сурури бейни ҳар кўрганда, сир бой бермай ўтиб кетарди. Сурури бей эса унинг камбағаллашиб, унга арзи ҳол қилишини кутарди. Бир куни имомни ўзига яқин олгандек, эшигимга келар, деган мақсадда атайлаб салом бериб ўтди ва ҳол-аҳвол сўраган бўлди. Аммо имом барибир ундан ёрдам сўрамади.

Тумайнини замонавий қилишга ҳаракат қилаётган Сурури бей баъзан дастурхон ёнида ҳали оғзидан она сути кетмаган болакайни чақириб, соғлифингга фойдали бўлади, кучли ва бақувват бўласан, дея яrim қадаҳдан бир нималар ичиради. Гарчи кичкина болакайнинг ичолмаслиги аниқ бўлса-да, Сурури бей бунинг йўлини қилар эди. Тумай отаси узатган биринчи қадаҳни ичгач, бўғриққанча бу заҳри қотилни бошқа оғзига олмаслигини айтди. Саодат хонимнинг жаврашларини эса эшитадиган киши йўқ эди...

Куз оқшомларидан бири эди. Даҳшатли шамол увиллаб, кишини қўркувга соларди. Уйда ёлғиз ўтирган одам бу даҳшатли шамол ва увиллашдан қўрқиши аниқ. Тараклаб синаётган идишлар саси ташқарига ҳам эшитилмоқда. Уйқу вақтидаги бу жанжалга уй деворларидан томоша қилаётган қизикувчан қўшниларга ўхшаб булутлар ортидан мўралаб турган юлдузлар ҳам томошабин эди.

Сурури бейнинг жанжали кўчадаги ваҳимадан қолишмасди. Устига-устак ўша ваҳший увиллашлар

унга илҳом бергандек эди. У оёқда тура олмайдиган даражада сархуш эди.

Саодат хоним уни тўхтата олмаслигига кўзи етгач, эрини разил ҳолида ёлғиз қолдириб, ўз иши билан машгул бўла бошлади. Тумай эса қўрққанидан онасининг тиззаларига ёпишиб олган эди.

Сурури бей дараҳтни ниҳоллигида эгилтириш осон кечишини яхши билар эди. Шу сабаб ўғлига ўзининг кунлик одатларини ўргатиш ҳаракатида эди.

Онасининг тиззасига ёпишиб кўркувдан титраётган Тумайнинг бундан хабари йўқ эди.

- Тумай!

- Лаббай!

- Кел, болажоним! Ёнимда ўтириш!

Ёнига бориб ўтирган Тумайга дарҳол қадаҳ узатди.

- Ич, ўғлим.

- Мен ичолмайман, отажон, ичолмайман.

- Нега ўғлим? Нега ичолмайсан? Сен соғлом, бақувват бўлишни истамайсанми?

- Истайман.

- Аааа!.. Соғлом ва бақувват бўлишни истайсан-у, ичолмайсанми? Бунақаси кетмайди? Демак, сен бақувват бўлолмайсан, касал бўласан.

- Аммо бу жуда аччиқ, отажон. Ҳам жуда бадбўй. Сиз ҳам ичганингизда юзингизни буриштирасиз-ку!

- Шунақа, аммо болам, аччиқ бўлса ҳам ичаман, чунки соғлом бўлайин дейман. Заарали бўлса, мен ичармидим.

- Ичмағеринг, аммо, мен ҳали жуда кичкинаман. Катта бўлсам ичаман.

- Кичик ёшда ичолмасанг, кейин қандай ичасан? Мени хафа қилма, йўқеа отанг бўлмай қўяман. Бола отасининг хурмати учун ярим қадаҳ дорини заҳар бўлса ҳам ичиши керак. Мен сенга оловни ушла ёки

ўзингни деразадан ташла, деганим йўқ. Фақат шу қадаҳни ичиб юборгин, дедим холос. Ичмасанг, сенга нон йўқ. Оч қоласан. Бундан кейин мени ота дема.

Сўнгги гаплар Тумайга жуда қаттиқ таъсир қилди. Отаси уни оч қолдиради. Бунга чидаш қийин. Кўзлари ёшланиб, истар-истамай олди, бир қултум ичди.

Томоги куйиб кетгандек бўлди. Қадаҳни қўйди:

- Мана, ичдим, отажон, бўладими?

Саодат хоним бақириб берди:

- Бўлди, бас, етар, Сурури. Ўзингни барбод қилганинг етмагандек, болани ҳам бузяпсанми?

Аммо Сурури бей Саодат хонимга шундай ғазаб билан қарадики, натижани ўйлаган Саодат хоним жимишга мажбур бўлди.

Сурури бей яна ўғлига юзланиб:

- Йўқ, ўғлим. Яна бироз ичгин. Қани, арслон болам, ягонам менинг! - деди.

Бу сўзлар ортида, агар истаги бажарилмаса, калтакланишини билдирувчи бир ифоданинг борлигини, Тумай, жуда яхши билиб турарди. Шу сабаб қаршисидаги заҳарни олди, ёш тўла кўзларини юмиди, бир кўтаришда охиригача ичиб юборди. Сурури бей севинч билан:

- Браво, ўғлим! Билардим, менинг ўғлим отасига ўхшаб эркак бўлишини...,-дея уни олқишлиди.

Олти-етти ёшлардаги Тумай ана шундай бир муҳитда ўсаётган эди. Сурури бей вақт ўтиб ўғлининг ўзига ўхшишидан фуурланар, отасига муносиб фарзанд бўлишидан фаҳрланиб кўярди.

Тумай ўрта мактабни битириш арафасида машғулотларга кечикиб келадиган одат чиқарди. Сурури бей меҳнатининг меваси кўрина бошлади. Бир замонлар отаси унга мажбуrlаб ичирган бўлса, энди бир нечта шишани бўшатиб улоқтирадиган ҳолга келди. Диний

билимдан мутқало бехабар Тумай отаси каби диндорларга нафрат билан қарайдиган бўлди. Уларни эски фикрларга ўралашиб қолган, ҳақиқатни англашдан йироқ, алданган бечоралар, деб биларди. Маданият асрода ҳамон дин, хурофотлар билан машғул бўлиш, оқил кишига маъқул иш эмас. Саодат хоним бир ҳайит кунида ўғлини ҳайит намозини ўқиш учун масжидга юбормоқчи бўлди. Бироқ бутун умидлари чиппакка чиқди.

Суури бей ўзига ўхшаган ўғлига гурур билан боқаркан, вақт чархпалаги айланиб, ҳолат унинг зарарига ўзгаришини билмасди. Бу паҳлавон йигит яхши бир кўчакезар бўлади. Аммо отасига яхши фарзанд бўлармикин? Тумай бей отасига ҳурмат туйғуларини қаердан олсин? Суури бей бу масалани ўйлаб кўрмаганди. Охирги йили бир синфда иккинчи йил такрор ўқиётган ўғлига енгилгина сабоқ бермоқчи бўлди. Тумай бей гапни қисқа қилинг, дегандек афтини бужмайтириди. Насиҳат эшитишга тоқати йўқлигини билдириди.

Суури бей вазият ёмонлашмаслиги учун сўзини тўхтатди. Ҳолатни Саодат хонимга тушунтириб, она сифатида насиҳат қилишини сўради. Аммо Саодат хоним унинг гапига кўшилмади:

- Шу пайтгача мен нимага аралашган эдимки, аралашсам?! Ўқимаса ўқимасин. Шу кунгача қайси айтган гапимга қулоқ солган эди, - дея жавоб берди.

Саодат хоним ҳақли эди.

Тумай шу тарбияси билан ўқиб ким бўларди? Ахлоқи яхши эмас, ўзи жоҳил. Юқори мансабларга ўтмаслиги учун ҳам ўқимагани яхши. Акс ҳолда ахлоқсизлик кенгроқ ёйилиб кетади. Масалан, Суури бей ўқиган одам. Аммо нима бўлди? Агар ҳозир бирор мансаб эгаси бўлса, бугунгидай ишларини юз

чандон кўп қилиши, турли разишликларни амалга ошириши аниқ эди.

Тумай бей ахлоқсизликлари сабаб ўрта мактабдан далолатнома билан ҳайдалиши арафасида турган кунлар эди. Сурури бей ҳам ўғлидан норози бўла бошлади. Энди уни ёмон йўлдан қайтаришни ўйлаб қолганди.

Сурури бей алданганди. Диндан, маънавиятдан узоқ ўғли отасига ҳурматли, орзуларини амалга оширадиган бўлиб улғайиши мумкин эмасди. Аммо эртага отасининг бошига бало келтириши ҳам аниқ.

Сурури бей ҳаётдан хурсанд эмас. Бир вақтлар ёнига ўтиргизиб, мажбурлаб ўғлига ярим қадаҳ ароқ ичи-рарди, энди эса шишаси билан кўтаради. Кетма-кет шишалар бўшайди.

Ўғли ҳар куни камида икки шиша ичади. Сурури бейнинг маоши эса бунга етмайди.

Энди нима қилсин? Бир-икки пиёла камайтирма-са бўлмайди. Аммо ўғли буни идрок эта олармикин? Кўр ҳўқиқ бурчакни сувганидек, кетма-кет юмала-ётган шишаларга Сурури бей ичи ёниб қарап, бу нарса хизматларининг меваси эканини ўйлаб, бошимга балони ўзим сотиб олдим, дер эди.

Отаси бир куни ўғлига ичкиликни камайтириш ҳақида насиҳат қилгандек бўлди-ю, "Бу гапни яна бир марта такрорласанг, ўзингдан кўр," - деган маънодаги ёвқарашга дуч келди.

Орсизлик шунчалик ҳам бўладими? Одобсизлик ҳам бунчалик бўлмас... Пул Сурури бейдан чиқади,- ичиш эса севимли ўғилнинг иши. Қандай ажойиб-а... Қандай аъло мамлакат. Оҳ-оҳ пул бошқадан, ичиш Сурури бейдан бўлса нима бўларди...

Дардини Саодат хонимга очди. Ўғлига аҳволини ту-шунтиришини, икки қадаҳга қаноат қилишигини, отасини бунчалик ранжитмаслигини насиҳат қилиши-

ни айтди. Саодат хоним виждонсиз эрининг ёлворишиларига мийигида кулганча табассум билан қараб:

- Суури бей, нега бундай деяпсан? Ўғлингни ўзинг истагандек қилиб катта қилдинг! Бир пайтлар калтаклаб, ичишга мажбурлаган ўғлинг энди сен зўрламасанг ҳам истаганингдан кўпроқ ичса, севиниб фуурланмайсанми? Яна нима керак сенга? Ким сендеқ саодатга етишибди? Ким ўғлидан сенчалик мурувват кўрибди? Ким ҳам сенга ўхшаб экканини ўрибди? Мен сенинг ўрнингда бўлганимда, ўғлимнинг шу даражага етишганидан севиниб дўстларимга зиёфат қилиб берардим, - деди.

Саодат хонимнинг бу гаплари Суурига ханжардек санчилди.

Кейинги пайтларда Суури бейнинг ҳаёти кундан-кун ёмонлашиб бораётганди. Пул осмондан тушмайди. Ҳар кун борадиган майхонасига қадам қўйганида кулиб қарши олувчи юзлар ўрнини совуқ қараашлар эгаллаганди. Ҳатто, Суури бей ўзига бир тиланчига қарагандек назар солишларини ҳис қилиб туради. Майхоначи ярим совуқ, ярим самимий бир тарзда:

- Нима керак? - дея сўради.

"Бу қандай савол? Қандай ёқимсиз сўз? Нима керак, бу нима дегани? Нега аввалгидек кириши билан унга шишани узатишмаяпти?"

Суури бей зўрға жавоб берди:

- Ҳар оқшом нима керак бўлса, ўша...

Майхоначи шишани Суури бей олдига қўйди. Суури бей эса ўзига хиёнат қилишдан қўрқкан севгилисига боққандек шишага қараб:

- Сиздек пул гадолари, сизни.., - дегандек майхоначини ҳақоратлаб у ердан узоклашди.

Илгарилари уйига олиб борган шишасининг камида ярмини ўғли иcharди. Шунчалик ҳам орсизлик

бўладими? Уйга бир тийинлик фойдаси тегмайдиган, отаси келтирган шишани ўзиникидек ичиб, отасини ўйламаётган ўғлидан ғазабланиб борарди.

Сурури бей ана шундай хаёллар оғушида азобланаркан, бир кун хаёлига келган бир фикрдан севинчи ичига сифмай кетди.

Бу фикр унинг ёнаётган қалбига сув сепди, руҳига енгиллик бағишилади.

Оқшом уйга қайтаркан, йўлда шишанинг ярмини исса, ким нима дейди? Шунда уйга бориб қолган ярмини бўлишарди. Сурури бей шу пайтгача шундай қилмагани учун ўзини койиди. Нафсини айблади, кейин эса ўзини-ўзи овутди.

Қуёш ботиб, атрофни ўраб бораётган қоронфилик, ёниб турган катта-катта чироқлар, шом вақтини билдираётган аzon саслари кўнгли иймон нури билан мунаvvар инсонларни масжидларга чорларди. Аллоҳга банда эканини кунида беш маҳал ибодати билан исботлайдиганлар турли дунё ташвишларини бир четга йиғишириб масжидга шошиладилар.

Сурури бейнинг ҳайрон бўладиган жиҳати ҳам шу эди. Ичида еб-ичиш мумкин бўлмаган бир иморатга ҳар куни шому-саҳар югуриш ва ётиб туриш... Сурури бей учун бундан ортиқ бемаъни иш йўқ. Бироқ ибодатни ва итоат Сурури бейга тушунтириб бўлмайди. У уйига яқинлашиб қолганди. Ҳозир масжиддагилардан кўра кўпроқ ўзини ўйлаши керак. Атрофга кўз югуртириди. Яқин орада ҳеч ким йўқ. Зоро, намозхонлар ҳам масжидга яқинлашиб қолишган. Ҷарҳол шишани очиб оғзига олиб борди, ичди, ичди...

Ақдли одам мана шундай бўлади. Инсон турли вазиятларда ҳам ўзини ўйлаши ва ўзини устун кўя билиши керак.

Куч-қуввати бундан ўн икки йиллар аввалгидек бўлганда эди, ўғлига ярим шиша эмас, бир қултум ҳам бермасди. Аммо, афсуски, энди бермайман деса, кўлидан тортиб олади.

Сурури бей уйга қадам қўяркан, вужудига енгилгина кайф тарқала бошлади.

Дастурхон бошига ўтиргач, шишанинг яримлигини кўрган Тумай газабланиб отасига бошдан-оёқ разм солди. Сурури бейга ноқулай бўлди.

Ниҳоят Тумай бей:

- Ярмини ичиб олдингми, қари кўппак?!. -деди отасига.

Бу гапдан отанинг боши ерга узилиб тушгандек бўлди. Бу бош, мен айборман, дейишни истарди.

Иш шу билан тугамади. Ҳолбуки, Сурури бей муаммо шу билан ҳал бўлишини кутганди. Ўғил отага итоат доирасидан чиқиб бўлган. Сурури бейнинг сўнгти кунлари қафасга тушган арслондек ўтаётган эди. Ҳам оила бошлиғи, ҳам ўғлига хизматчига ўҳшаб яшаш осон эмасди. Тумай бей энди отасини истаганча ҳақорат қиласиди. Бир вақтлар уни кучоғида опичлаб юрган ота бу эмасдек гўё.

Сурури бей шишанинг ярмини ичиб қўйибди. Аслида қолган ярми ҳам ўзига тегишли. Аммо Тумай бу хатодан кўз юмиши мумкинми? Бугун кечирган тақдирда ҳам, иккинчи, учинчи марта тақрорламаслигини ким айти олади? Тумай бир нарса демоқчи эмас, аммо демаса яна бўлмайди. Чунки бу ҳолат доимо тақрорланиши мумкин, бунинг олдини олиш учун ҳозироқ унинг қулогини бураб қўйиш зарур. Шу бугун гапирмаса бўлмас экан.

Отасидан ярим шишани сўраганининг боиси шунда эди. Лаблар жавоб учун очилмади.

Сурури бей ўзини ҳимоя қилиш учун бир оғиз сўз айтмади. Орадан тўрт-беш дақиқа ўтди. Жимликни яна

Тумай бей бузди ва иккинчи савол берилди:

- Гапирсанг-чи? Биз нима ичамиз?!

Сурури бей бошини оғир-оғир силкиди, сўнг Тумай бейга қараб:

- "Бор кет, кўр шайтон", - дегандек ўқрайиб, сўнг ерга қаради. Бу ҳолат Тумай бейни оловлантириди:

- Нега бошингни силкийсан, қари кўпрак, мен жавоб беришингни кутяпман, кар бўлиб тур деганим йўқ.

Энди буниси ортиқча. Беадабликнинг ҳам чегараси бўлиши керак, отага ҳам шундай дейдими?! Фазаб билан бошини кўтарди:

- Оғзингга қараб гапир, эй бола!..

Сурури бейнинг гапи ўғлига заррача таъсир қилмади. Бир неча ойдирки, ҳокимиятни қўлига олган ўғил учун бу сўзлар етарли эмас.

Аксинча, унинг фазаби кўзғалди. Қари бир кўпракнинг Тумай бейга бундай дейиши катта жасорат эди. Бу хизматчининг амирига, қулнинг соҳибига ҳақоратидек гап эди. Унга кимлигини билдириб қўйиш, жазолаш лозим. Кулгудан ўзини тўхтата олмади. Кейин Сурури бейга қараб тикилиб:

- Менга қара, насиҳатингга ҳожат йўқ. Оғзимга мен қараб гапирайми, йўқса қаршимдаги жаноб падари бузрукворми? Бироз бу ҳақда ўйлаб кўрсанг, ёмон бўлмасди.

- Уятсиз, мен сенинг отангман!

- Отага қаранг! Сен аввал овозингни ўчирасанми?

- Ўчирмасам, нима бўлади?

- Зўрлаб ўчиришга мажбур бўламан!

Ота бола ўргасидаги бу баҳс Саодат хонимни карахт қилиб қўйди. Лаблари бир нималар дея пиҷирлар, аммо буни ўзи ҳам тушунмасди. Нима қилиш керак, қай бирига гапирсинг?! Иложсиз ҳолда турган жойида қотиб қолди.

Ота ўғил яна бир-икки оғиз гап талашишди. Бу гаплар саҳнанинг иккинчи пардаси учун муқаддима эди. Тумай бей қаршисида ўтирган Суури бейга қўл кўтарди. Суури бей эса ўзини ҳимоя қилиш учун ўғлининг билагидан маҳкам сиқди. Аммо бу ҳимоя кўпга чўзилмади.

Тумай бей дарҳол иккинчи қўли билан отасининг қулоғига ёпишди. Қулоғи узилгудек бўлди. Боши орқага итарилди ва Суури бей орқага йиқилди. Иш шу билан тугамади. Бир томондан фарзандидан калтак ейиш алами, бошқа томондан эшитган ҳақоратлари қўшилиб, Суури бей ўрнидан сапчиб турди. Тумай бей ҳам сабоқни ярмида чала қолдиришни истамади.

Умр бўйи ичган ичкиликлари сабаб чириган вужуд ўғлининг зарбасига дош беролмади. Бақувват қўллар ҳукмига ўзини топширди. Гавдаси чириган дараҳтдек ағдарилди. Саодат хоним ўзини йўқотиб қўйган эди. Шундай бўлса ҳам, ўғлига яқинлашди. Тумай бей онасини кўксидан итариб юборди. Кейин эса отасини ўзи истагандек жазолай бошлади.

Ўша кеча Суури бей ҳаётида жуда катта бир ўпирлиши юз берди. Фарзандидан калтак ейиш алами уни эсанкиратиб қўйди. Фишт қолипдан кўчган эди. Ўз қўли билан етиштирган, калтаклаб ичишга мажбуrlаган ўғли мана энди ичкиликдан маҳрум қилган куни отасини калтаклашдан ҳам қайтмаяпти. Натижа бундай бўлиши асло хаёлига келмаганди.

"Маданиятли" ўғил, ваҳшийлардек ташланиб онаси кўз ўнгида уни хароб қилди.

Бундан кейин унга бир оғиз гапириб бўлмайди. Тизгин қўлдан чиқди. Бугун ота бутунлай мағлубијатга учраган, ўғли эса бир ҳамла билан бутун ҳокимиятни қўлга олган эди. Уни қайта бўйсунди-

риш, ёмғирда туриб хўл бўлмасликка интилишдек имконсиз иш. Очиғи уни итоат қилдириш у ёқда турсин, сулҳ тузишига ҳам ота бажонудил рози.

Хотинининг кўзи олдида ўғлидан калтак ейиш... Бу жуда мудҳиши фалокат эди. Бу фалокатни кўпчилик бошдан ўтказган, аммо бирортаси муносаб тарзда англаб етмаган. Бу дардни бошидан ўтказганлар ҳис қилади. Улар ўз уйларида мусоғирга ўхшайдилар. Бугун бўлмас эртага, албатта, эшиқдан ҳайдалади. Улар уйларига қадам кўйишаркан, бетавфиқ ўғил уйда борйўқлигини деразадан мўралаб текшириб кўрадилар. Кейин эса уйларига кириб омонатгина ўтирадилар. Бу уйда нон уларга марҳамат сифатида берилади. Улар учун энг тўғри иш, аввалроқ ўлиб кетиши.

Сурури бей ҳам бир неча ойдирки, ўз уйида бегона, мусоғирдек яшайди. Ўғлидан еган калтаги ярага туз сепгандек бўлди. Бундан ортиқ ҳақорат бўлишини хаёлига сиғдиролмасди.

Эртага нима бўлади? Тумай бей қилган ишидан пушаймон бўлиб отасидан кечирим сўраб ёлворадими? Ёки иш бундан баттар бўладими?.. Сурури бей учун бу саволларга жавоб топиш ўта мушкул иш эди. Миясида шунга ўхшаш саволлар чарх уради. Баъзан умидланар, аммо бу умидлари ҳам сароблигини англар эди. Бир пайтлар ўғлига мажбурлаб ичкилик ичирганини эслаб ўзини лаънатларди.

Баъзида у сакраб туриб ўғлидан аламини олмоқчи ҳам бўларди. Аммо афсуски бундай қила олмасди. Чунки бу бемаъни хаёлдан бошқа нарса эмас эди...

Сурури бейнинг соchlари оқарган эди, аммо, туннинг бу қадар узун бўлишини билмасди. Бир пайтлар ўқиган: "Дардга мубталодан сўра туннинг узоқлигини...", деган мисра ёдига тушди. Бу кеча... ҳа бу кеча уни кўз юмдиргани қўймади.

Суури бей тортаётган азоб бошқача эди. Ҳар дақиқа бошини сарак-сарак қилас, ички дунёси остин-устун бўлиб рухи кўкларга учиб кетгудек эди.

Бу хосиятсиз кечак тугаб борар, унинг ҳам ўйлашга мажоли қолмаганди. Кўзлари ўз-ўзидан юмилиб кетаётганди. Эндиғина кўзи илинганд бир маҳалдá азон товуши эшитилди. Мўминлар ибодатга чақирилмоқда. Суури бей ижирғанди. Муаззиннинг бутун аждодини бўралаб сўкди. Кейин эса бу маҳлуқлардан қачон қутуларкинман, дея гудранганча кўзларини юмди.

Куз фасли эди... Улкан дарахтларга тўла бир боғ... Дарахтлар остида дунёни бир чақага олмайдиган даражада бепарво, фақат ёнидаги шишасини бўшатиш билан овора бўлган бир одам. Бутун олам завқи унга берилгандек. Ҳаёт лаззати унинг вужудига сингиб кетгандек. Ёнида эса ўйнаб юрган кичкина бир болакай.

- Тумай, Тумай, кел ўғлим.
- Нима дейсиз, дадажон?
- Кел, сенга нима дейишимни биласан.
- Хўп бўлади, дадажон.
- Ол, ўғлим, шу қадаҳни мен учун ич.

Бола ортга чекинди:

- Дадажон, бу сассиқ. Сиз ҳам буни ичганингизда юзингизни буриштирасиз.

- Ааа. Аааа, дадасининг айтганини қилмаслик тўғрими? Ақлли бола ҳам шундай қиладими, ўғлим?..

- Мен уни ичомайман, дадажон. Сиз мен учун ҳам ича қолинг.

- Қара унда мен сенга буни қандай ичираман?

Тумай отасининг ўрнидан тураётганини кўриб қоча бошлади. Отаси ярим ҳазил, ярим жиддий таҳдидлар билан қадаҳни кўтариб кела бошлади. Бола боғнинг у

четига бориб улгурди. "Бузоқнинг қочгани сомонхонагача", - дея отаси қўлида қадаҳ билан кувлай бошлади. Ота ўғлини куваётганди. Ниҳоят, етишига уч-тўрт қадам масофа қолди. Ота:

- Тумай, тутиб олсам калтаклайман, - дея бақирди. Бола эса таҳдидларга кулоқ солмасдан қочаверди. Ота бир ҳамла қилди, аммо пешонаси бир дараҳтга урилди. Кўли билан пешонасини ушлаб кўрди. Озгинна қон чиқди. Бу орада Тумай бофнинг бир четидан туриб:

- Ичмайман, ўлдирсангиз ҳам ичмайман, - дея бақираётганди.

Сурури бей туш кўраётган эди. Уйгониб кетди. Бу туш унга иккинчи бир зарба бўлиб тушди. Шу тахлит тонг оттирди. Аммо, ўғли кўчага кетгунга қадар ётогидан чиқмади.

Ўша оқшом дастурхондаги шишанинг тўлалигини кўрган Тумай бей севиниб:

- Офарин, хўroz, иш мана бундай бўлибди! - деди.

"Хўroz" -ҳақорат сифатида ишлатиларди. Тумай бей бу сўзни отасига нисбатан жуда кўп ишлатган.

Бу хитобдан сўнг Сурури бей енгил нафас олди ва дастурхон ёнида нина устида ўтиргандек бехузур ўтиришдан кутулди. Кечагина ҳақоратлар ёғдирган ўелининг шунчалик тез кечириши, афв этиши, албатта, севинчли ҳодиса эди.

Шунингдек, унутиб бўлмайдиган бир хусус, шунча ҳақорат ва калтакларнинг юракда қолдирган ярасини бундай илтифотларсиз кетказиб бўлмасди. Сурури бей барча ҳодисани бўлмаган, ёлғон эди, деб хаёл қилишга уринарди.

III

Тумай бей кичиклигига отасидан олган сабоқларни яхши ўзлаштирганини ҳар дақиқа исбот қиласарди. Баъзизда тонгга яқин сархуш бўлиб уйга қайтар, баъзан эса ўртоқлари ташлаб кетарди.

Ўйнинг аввалги тўкин-сочин ҳолати қолмади. Энди нон олиш ҳам мушкул муаммога айланади. Уйда бозорга олиб чиқиб сотадиган нарса ҳам тугади. Бир пайтлар имомнинг ўз эшигига тиланиб келишини хаёл қилган Суури бейнинг ўзи шу ҳолга тушадиганга ўхшаб қолди. Кўшнисига тилагани ўз бошига тушаётганди. Уни қийнайдиган масала бу ҳолатнинг умр бўйи давом этиш-этмаслиги эди.

Ҳаётининг бу тарзда ўтаётганидан шикоят қилмаётган ягона шахс бу Саодат хоним эди. Унинг ҳаётида катта ўзгаришлар бўлмади. Зулмкорлар алмашди, холос. Аввалги золим Суури бей, кейингиси эса Тумай бей. Бир вақтлар бу уйда сўзи қонун ҳисобланадиган бир Суури бей эди. Энди эса ҳокимиятдан тушган, амр кутиб яшовчи шўрлик Суури бей... Бечоранинг шу аҳволга тушиши кимнинг ҳам ҳаёлига келибди?

Суури бей ўғлидан қандай кутулиш мумкинлиги ва қолган икки кунлик умрини қандай ўтказишни ўйларди.

Суури бей мана шундай хаёллар оғушида эзиларкан, ундан ҳам кўпроқ эзилаётган Саодат хоним унинг кўзига гўё бепарводек кўринаётганди. Бу аёл ўзига қандай таскин беради? Бу қайгули ҳаётга қандай аҳамият бермасдан яшайди?

Ўнинг ёнига бориб ўтирди. Сўнг бир-икки йиллик аламли ҳаёти ҳақида гапириб, бу дарддан қандай куту-

лиш мумкинлигини сўради. Биргалиқда бош қотириб, бирор, кутулиш йўлини топиш кераклигини таклиф қилди. Саодат хоним унинг бу гапларини тинглагач:

- Сурури бей, мен учун бу уйга келганимдан бўён ҳеч нарса ўзгарган эмас. Ҳа, сен бу уйнинг бошлиғи эдинг, даражангдан тушдинг. Кечагина сен амру фармон берардинг, энди эса ачинарли ҳолдасан. Аммо мен учун ҳеч нарса ўзгаргани йўқ. Аввал сендан азијат чекардим, энди эса ўғилдан. Жазирама офтобда куйиш билан аланга ёнида куйиш... Иккаласининг ҳам моҳияти куйиш эмасми? Нима фарқи бор? Эримдан зулм кўрдим нима-ю, ўғилдан кўрдим нима..., - дея жавоб берди ва яна давом этди:

- Кеча-ю кундуз заҳмат чекиб тарбия қилган фарзандинг зулми сени ажаблантираётгандир. Шуни билгинки, менинг ўғлим сен берган қадаҳни ўз истаги билан ичган куни мен учун ўлган эди.

Аммо, сен, ҳа, сен жуда мағрур эдинг, Сурури бей!Faflatda қолдинг. Сен ҳали ҳам тушунганинг йўқ. Бу чекаётган азобларинг бир замонлар намозим, эътиқодим ва ўқиган китобларимни масхаралаб, обрўйимни бир пул қилганинг эвазига жазо эжанини билишинг керак. Мана ўғлинг, мана сен. Энди орзу қилганингдек яша.

IV

Сурури бей ўғлидан хабар кутиб ўзини еб бити-паркан, хасталаниб ётиб қолди. Қаровсиз қолган вужуд, чегараси йўқ ўйлар, узоқ уйқусизлик, чексиз ҳақорат ва калтаклар Сурури бейни ерга михлаб қўйди. Уч кундан бери оғзига луқма олмаганди, иштаҳаси йўқолиб, ошқозон йўли ёпилганди. Шунча қўрган азобларига қарамай Соадат хоним унинг ёнида зикр қилиб, Аллоҳга ёлвориб ўтиради.

Сурури бей эса унинг бу ҳолатидан жаҳли чиқиб:

- Шунча йилдан буён одам бўлмадинг, ақл кирмади сенга. Кўлингдаги тасбеҳдан нима фойда бор, тушунмайман. Шу пайтгача нима фойда кўрдинг? Бундан кейин нима фойда кўрасан?!.- деди

Соадат хонимга масаланинг яна очилиши ёқмади. Сурури бейнинг ҳеч бўлмаса сўнгти кунларида тавба қилишини орзу қиласади.

Жавоб берди:

- Яна шу мавзуни очдинг. Менинг ҳам ўз ишончим бор. Мен эртага Парвардигорим ҳузурига боришимга ишонаман. Ишонганим боис, Унинг кули эканимни тан олиш, Уни унугтаслик вазифамдир. Бу вазифани бажармасам ҳузур-ҳаловат топишим имконсиздир.

Сурури бей тушунмас экан-да, дегандек афтини буриштириди:

- Яна бошладингми?!... Яна хурофот гаплар билан жаҳлимни чиқаряпсан. Шунча йил бирга яшаб замонавий кишининг аёлига ҳеч ўхшамадинг ўхшамадинг-да. Ҳозир маданият асли. Сенинг шу сарқитларни тарк этганингни қўрмасдан ўлар эканман-да.

Соадат хоним тортишмаслик учун гапни бошқа ёққа бурди:

- Уч кундан буён ҳеч нарса еганинг йўқ.

Сурури бей бошини ёстиқдан базур кўтариб, алланимани эслагандек Саодат хонимга тикилди ва бармоғини томофига тақиллатиб:

- Сен менга ичишдан гапир. Ҳеч нарса емаса, ҳеч гап бўлмайди одамга. Бор, қара, ўғлингнинг шиша-сида бирор қултум қолган бўлса олиб кел, томофимни ҳўллаб олайин,- деди.

-Ҳеч бўлмаса, энди ичкиликни ташла, тавба қил, Аллоҳга ёлвор... Имомни чақириб келайин, унинг ёрдамида...

Сурури бей Саодат хонимнинг гапини бўлди:

- Жим бўл, имом эмиш-а... Эшикдан қадамини босганини кўрсам, ҳайдаб соламан. уни. Менинг уйимга ақидапараст кирмайди. Маданиятли инсон бўлиб яшаган Сурури бей охирида шунга бош қўшадими? Ақлсиз экансан. Бирор докторни чақир, келиб кўрсин.

Саодат хоним ўрнидан турди. Рўмолини олиб ташқарига чиқди.

Сурури бей ортидан гап қотди:

- Ўран, яхшилаб ўраниб ол. Эҳтиёт бўл, сочингнинг бирор толасини бирор кўриб қолмасин. Йўқса, жаҳнамда ёнасан, севгили хотингинам...

Кейин эса: "Сени шундай қилганинг, шундай тарбия қилганинг...", дея ўзи билгандек бемаъни сўзлар айтиб фудранди.

Ўн беш дақиқа ўтмаганди ҳамки, эшик очилди. Тумай бей хуштак чалганча кириб келди. Кайфияти йўқлиги кўриниб турарди. Зеро, бу уйда унинг очиқ чехрасини кўриш мумкин эмасди. Келиб стулга ўтирди ва сигаретини устма-уст тортди. Сурури бейга мутлақо алоқаси йўқдек эди. Гўё ҳеч ким йўқ уйга киргандек. Бир муддат сигарет тутунини томоша қилиб тургач, гапирди:

- Яшаб бўлмас бу разил дунёда оғиз мазаси билан... Оооҳ, оҳ.

Саодат хоним сўради:

- Нега яшаб бўлмас, ўғлим. Нима гап? Яна нима бўлди?

- Яна нима бўлди, дейсизми? Нима бўларди, сизга ҳеч нарса бўлгани йўқ. Бўлаётганларнинг сизга мутлақо алоқаси ҳам йўқ. Аммо менга келсак, ҳа, менга келсак, уяламан. Биргина шишанинг пулини беролмасдан, дафтарга ёздириш, майхоначининг совуқ қарashi остида эзилиш осонми? Албатта, буларнинг сизга ҳечам қизифи йўқ, севимли онажонгинам!

Тумай бей шундай дея онасига тикилди.

Саодат хоним индамай қўя қолди.

Тумай бей дераза ёнига бориб бир муддат ташқарини томоша қилди. Кейин каравот четига ўтириди ва Сурури бейга ҳайратланиб қаради.

- Ҳаа, бизнинг падар бей касалми? Биз ҳам одаммиз, ҳеч ҳол-аҳвол сўраш йўқми? Қандайсан, қари кўпрак?

Сурури бей бошини тескари ўғирди, жавоб бермади ва ингранди. Тумай бей савол беришда давом этди:

- Шундайми? Ўзингни қандай ҳис қиляпсан? Куйруқ титраяптими, йўқса?

Сурури бей инграб:

- Яхши эмасман, ўламан, ўғлим, - деди.

Тумай бей қаҳқаҳа отиб:

- Қачон? Сен осонликча ўладиган одаммисан?

Тўққизта жонинг бор сенинг, - деди.

- Устимдан кулма, ўғлим. Оғир касалман.

Тумай бей ўрнидан туриб, хонада у ёқдан бу ёққа юргач:

- Сен ҳозир менга касалман демагин, қани бармоқларни ишлат.

- Тушунмадим.
- Тушунишинг қурсин. Пул бер, деяпман.
- Пул йўқ, ўғлим. Қўлимдаги бор икки қурушни докторга беришим керак.

Тумай бей ғазабланиб:

- Яаа, докторга пул бериш шунчалик муҳим, шундайми? Докторнинг келиши шартми?-деди.
- Касалим жуда оғир. Ҳабар жўнатдим, ҳозир келиб қолади.

Тумай бейнинг сабри тугади.

- Сен қандай касалсан? Касал эмассан. Бу найрангларингни менга ўтказолмайсан. Доктор келиши билан уйдан қуваман. Доктор чақириш учун кимдан рухсат олдингиз?!

Саодат хоним аралashiшга мажбур бўлди:

- Етар, ўғлим. Касал одамни бунчалик хўрлама.
- Нима бўлганда ҳам отанг, ахир.

Тумай бейнинг ғазаби қайнади:

- Сен аралашма!..
- Отанг ҳақиқатдан касал, ўғлим. Уч кундан буён оғзига бирор нима олгани йўқ.

- Аҳмоқлигидан. Қўлини бирор ушлаб турибдими?

Кўр эмас-ку, емаса. Кимга ноз қиласди?

- Касал одам бирорга ноз қиласмиди, ўғлим?

Тумай бейнинг қони қайнади:

- Сен ўзи кимдан рухсат олдинг? Гапиришга нима ҳаққинг бор?

Кейин отасига ўгирилиб:

- Менга қара, қария! Бу оқшом менга пул керак.

Хоҳласанг ўзим ишингни ҳал қилиб қўяман, - деди.

Шу пайт эшик тақиллади. Саодат хоним бориб очди.

Кимдир:

- Сурури бейнинг уйими? - дея сўради. Бир дақиқадан сўнг қўлига сумка кўтарган бир одам кириб келди. Сумкасини ерга қўйиб, ўтиришга жой

қидиргандек атрофга кўз югуртирди. Шу пайтда Тумай бей унинг ёнига келиб, қўлларини қўксига қўйганча:

- Сиз кимсиз ва нима истайсиз? - дея сўради. Одам ажабланди. Чунки ҳаётида илк маротаба бундай саволга дуч келаётганди. Ҳайратланиб Тумай бейга қараб:

- Докторман, касалингиз бор экан, чақирган экансизлар келдим, -дея жавоб берди.

Тумай бей эсига тушгандек кулимсираб:

- Ҳа, ҳа, ҳааа. Аммо ҳурматли доктор, касалимизнинг аҳволи яхши, ҳожат қолмади. Кетишингиз мумкин, - деди.

- Аммо жуда оғир касал дейишганди. Шифохонага келолмайдиган даражада оғир эканини айтишганди.

- Тушуниб турибман. Аммо аҳволи яхши. Баъзан оғриқ тутиб қоладиган одати бор.

- Ҳа, ҳа.

- Шунақа. Қўриб турганингиздек, ҳаммаси жойида. Ҳадемай туриб кетади.

- Аммо, келдим. Истасангиз бир қўриб қўяйин.

- Кераги йўқ. Овора бўлманг.

Бу гапдан сўнг докторнинг кетишдан бошқа иложи қолмади. Тараддулана бошлади.

Бир томондан уйгача келиб бўш қайтиши, иккинчи томондан қўлга тушадиган даромаддан айрилиш, бундан ҳам баттари кутилмаган ҳайратли "илтифот" докторни ажаблантириб қўйди.

Саодат хоним унинг сумкасини кўтараётганини қўриб ёлворди:

- Илтимос қиласман, доктор бей, бир кўринг!

Тумай бейнинг тепа сочи тик бўлди. Бу орада доктор Сурури бей томон юра бошлади. Касалнинг ёнига келиб, унинг юзини кўргач Тумай бейга ўгирилиб:

- Дўстим, бу одам жуда оғир касал. Кома ҳолатига яқин, - деди.

Саодат хоним жавоб берди:

- Ҳа, доктор бей, уч кундан буён туз totgani йўқ.
Тумай бей тишларини фижирлатиб, онасига
ўшқирди:

- Ўчир овозингни! Бунинг азобини мен
тортишимни билмайсанми?!

Сўнг докторга қараб:

- Доктор, сиз унинг гапларига аҳамият берманг.
Кўрасиз, беш дақиқадан кейин ҳеч нарса кўрмагандек
бўлиб кетади, - деди.

Доктор Тумай бейга тикилиб, дона-дона қилиб:

- Адашяпсиз, азизим. Беш дақиқадан сўнг, балки
иш мутлақо бошқача тус олар, - деди.

- Нима демоқчи эканингизни тушунолмадим.

- Айтмоқчиманки, бу одам жуда оғир касал. У
саноқли кунларини, балки саноқли дақиқаларини
яшаётгандир.

Кейин эса Тумай бейнинг жавобини кутмасдан
сумкасини очиб, ичидан асбобларини чиқара бошлади.

Ишнинг бундай тус олишини истамаган Тумай бей
амирона оҳангда:

- Менга қара, доктор бей! - деди.

- Нима дейсиз?

- Сенга берадиган бир тийинимиз ҳам йўқ. Иста-
санг, касалга қара.

Буниси энди ортиқча эди.

- Тушунмадим!

- Тушунмайдиган гап гапирганим йўқ, менимча.

- Мен сизнинг бу гапингизга тушунмадим. Бун-
дай муомалани тушуниш мумкин эмас. Мени нега
бу ерга чақирганингизни тушунтириб беринг. Нега
мени чақирдингиз?

Саодат хоним гапга аралашди:

- Сизни бу ерга биз чақиргандик, доктор бей. У
пайт ўғлим йўқ эди.

Тумай бей онасиға ўқрайиб қарагач:

- Булар ўйламасдан иш қилишади, - дея гап бошлади. - Докторга берадиган пуллари борми-йўқми, буни ҳисоб-китоб қилмайдилар. Булар ўзларини миллионер деб ҳисоблашади. Ҳолбуки, буларнинг бутун сармояси қўлларидаги бир неча қурушдангина иборат. Агар уни ҳам сенга берадиган бўлсак, бу оқшом миям жойига келмайди.

- Яъни?

- Яъни, мен бу оқшом бир шиша ароқсиз қоламан.

Бунақасини тушида кўрса ҳам ишонмасди. Аммо, ишонишга мажбур эди, чунки кўз ўнгидаги бўлаётган ҳодисалар хаёл ёки туш эмасди.

- Аммо... Аммо бу одамнинг ҳаёти бой берилади.

- Бу борада адашяпсан, деб ҳисоблайман. Бегона бўлганинг учун сенга шундай туюляпти. Бунинг қандай хунарлари борлигини билмайсан. Балки, сен ҳақдирсан. Орзуманд бўлсанг, ана қараб кўравер.

Доктор ҳайратланиб бошини қимирлатди ва секингина яхши деганча, ҳолсиз, ўғлининг бу одобсизлиги қаршисида яшашдан кўра ўлимни афзал кўрган Сурури бейга ўгирилди.

Бироз у билан машфул бўлгач, Тумай бейнинг ёнига келди:

- Беморда ҳеч қандай умид йўқ, деёлмайман. Аллоҳдан умид узиб бўлмайди. Шунингдек, боя айтганимдек, аҳволи жуда оғир. Агар ололсангиз дори ёзиб берайин. Менга қулоқ солсангиз, ёзиб берган дориларимни дарҳол олинг. Кейин пушаймон бўласиз. Сиз икки кун ичмасангиз ҳеч нарса қилмайди.

Тумай бей бу гапдан бир сесканди. Доктор: "Сиз икки кун ичмасангиз ҳеч нарса қилмайди" деркан, шунчалик табиий оҳангда гапирдики... Унга бошдан оёқ термулгач:

- Демак, мен ичмасам ҳам бўлади, шундайми, доктор бей? Мен уч-тўрт кундан буён бир шиша ароқни майдалаб келяпман... Бу гапинг билан ярамга туз сепгандек бўлдинг... - деди ва бурчакдаги шкафдан тагида озгина ароғи қолган шишани чиқариб докторга қўрсатди:

- Қара! Уч-тўрт кундан бери шуни эплаб келяпман. Мен шу ҳолда эканман, дорига пул беришларига йўл қўймайман.

- Жуда ғалати!.. Жуда ғалати...

- Нимаси ғалати экан?

Доктор Сурури бейни қўрсатиб:

- Шу одам сизнинг отангизми?

- Ҳа, отам.

- Аммо, мен сизда отага на ҳурмат, на қайфуриш ҳиссини кўряпман. Мен ота-онангизнинг ўрнида бўлсан, бу ҳолдан ўлимни афзал билардим. Онам ёки отамнинг касалдан қутулиши учун бутун давлатими ни жон-жон деб берардим. Сиз эса бу одамнинг ўз пулига дори олишига ҳам рухсат бермаяпсиз. Менимча, инсон ўлим тўшагида ётган душманига ҳам бундай муомалани раво кўрмайди. Афсус, минг афсус... Ким билади, бу қария сизни қандай умидлар билан вояга етказган, нималарни орзу қилган экан-а...

Тумай бей докторнинг гапини бўлди:

- Мен аслида насиҳатни ёқтиромайман. Шундай бўлса ҳам, ҳурматинг учун эшийтдим, жаноби доктор бей. Шунингдек, бу гапларингни бошқаларга айтишингни тавсия қиласман. Тўғри гапларингдан айб қидирмайман...

Шу пайт Сурури бейни қаттиқ йўтал тутди. Ўпкаси тўкилиб тушаётгандек эди. Тумайнинг қўлидаги шишага ишора қилаётганини кўрган доктор Тумай бейнинг қўлидаги шишани юлиб олди ва Сурури бейнинг оғзига солди. Аммо ичолмади. Томоги бўғи-бейнинг оғзига солди.

либ, шишани қўйиб юборди. Нафас олмоқчи бўлиб бир неча марта ҳаракат қилди. Кўзлари бирдан олайиб кетди. Юзи аввал қизарип, кейин қўкара бошлади. Шу орада турли ғалати овозлар чиқара бошлади. Унинг бу ҳолатини кўрган доктор уни нафас олдиришга ҳаракат қилди.

Саодат хоним эса турган жойида карахт бўлиб қолган эди. Вазият жуда ёмон. Югуриб бориб сандини очди. Кўшнилардан бири ҳаждан келтирган кичкина замзам шишасини олиб кела бошлади. Бу вақт ичиди докторниңг ҳаракатлари фойда бермаган, Сурори бей тинчиб, боши қийшайиб ёстиққа тушган эди. Саодат хоним ичкари кирганда иш тамом бўлган эди. Тумай бек эшик ёнида қўлларини қовуштирганча турарди. Онасини кўриб сўради:

- Қўлингдаги нима?
- Замзам!
- Нима қиласан?
- Отангга ичiramан.
- Отам кетди.

Англолмай сўради:

- Нима қилди?

Тумай бей такрорлади:

- Кетди.

Бу сафар англади. Жойида қотиб қолди. Кўзлари Сурури бейни қидирди. Сурури бей узала тушиб ётар, кўзлари пастга тикилганди. Кўзларининг ранги ўзгариб, осмон рангини олганди. Аввалдан беўхшов бўлган юзи баттар хунуклашиб одамни сескантирадиган ҳолга келганди.

Кўлида замзам шишасини очиб, сувини Сурури бей устига сепмоқчи бўлди. Аммо бундай қилолмади. Чунки ароқ ҳиди гупиллаб турган бу хонада замзамнинг аҳамияти йўқ эди. Бутун умрини ароқ ичиш билан ўтказиб шу билан фурурланган, дин, имон,

ахлоқ ва фазилат тушунчаларидан маҳрум, сўнгги нафасида ҳам бўғзида шароб билан ўлган кишига замзамнинг нима кераги бор? Томир-томиригача ароқ сингиб кетган бу одамнинг кийимлари устига замзамдек муборак сувни сепишга зарурат йўқ.

Сурури бей тавба қиласдан ўлди... Саодат хоним мана шуни ўйларди. Сўнгги нафасида бўлса ҳам бир бора тавба қилса, ўз ишларига пушаймон бўлса, дея умид этганди. Аммо у ҳисобга олмаган жиҳат- инсон қандай яшаган бўлса, шундай ўлим топиши эди.

Умр бўйи истеҳзо қилиб, масхаралаб келган эътиқодга ўлаётганда хурмат кўрсатиши мумкинми?

Саодат хоним ўзига, уйлангандан буён саодат юзини кўрсатмаган, унинг пок ва иффатли ҳаёт кечиришига йўл қўймай, бурчак-бурчакларда ўқиган намозларини масхаралаган Сурури бейга ҳасрат билан узоқ термулиб қолди. Сўнгра кўзларидан оқаётган ёшни енглари билан артди. Ҳа, шу онда дунёга қайтиб келмайдиган бўлиб жонсиз ётган одам бир пайлар ўзини мислсиз олижаноб, афандилик доирасининг доимий ва табиий соҳиби ҳисоблайдиган бечора Сурури бей эди...

Доктор хайрлашганча чиқиб кетди. Тумай бей эса жасади совий бошлаган отасининг кутилмаган ўлимига қайпуриш кераклигини аста-секин фаҳмлай бошлади. Тўғрироғи уйларига илк маротаба келган ўлим моҳиятини шу кунгача жиддийроқ ўйлаб кўрмаганди. Сурури бей нафас олишдан тўхтаганда унинг ҳаёти асло давом этмаслигини тушунди. Ҳа, умрини кайф-сафода ўтказган ва сўнгги кунларда туғилганига пушаймон бўлган Сурури бей мутлақо қайтиб келмайдиган бўлиб кетганди.

Тумай бей ана шуларни аввалроқ тушунса, икки кундан сўнг абадий айриладиган отасига бошқача-инсоний муносабатда бўлишига ишонарди. Уни бу

даражада хўрламаган бўлар эди. Аммо фишт қолипдан кўчиб бўлган ва Суури бей ўлган эди.

Тумай кейинги пайтларда деярли тилига олмаган сўзининг бутун маъноларини тушунган ҳолда ҳай-қирди:

- Отам, отам!.. - дея Суури бейнинг танасини қучоқлаб йифлай бошлади. Ҳайҳот- бу жасад унинг отаси бўлишдан жуда йироқ эди. Энди, фақатгина кўмилиш ва тупроқ бўлишдан бошқа нарсага ярамаган вужуд унга ота бўлганда нима каромат кўрсата оларди? Эгилиб уни бир марта ўпмоқчи бўлди. Аммо Суури бейнинг юзи шунчалик қўрқинчли тусга киргандики... Ўполмади, бу юз унга жуда совуқ бўлиб туюлди. Аммо икки қулоққа кўзи тушиб, юраги ортига тортиб кетди. Чунки яқингинада бу қулоқлар Тумай бейнинг қўллари билан чўзилганди. Ўшанда юлингудек бўлган бу қулоқлар энди қотиб совуган эди.

Суури бей ювилди, кафанланди ва умрининг охиригача ўзига ватан ҳисобланган уйидан видолашмасдан айрилди. Маҳалладошлар кўнгли ярим аёлининг хотири учун ўлган кишининг оиласига ёрдам қилишни ўзларига бурч деб билдилар ва жасадни кўтариб масжидга олиб бордилар. Йўлда учраб билганилар Суури бейни яқиндан танигани боис бошларини сарак-сарак қилишарди. Билмаганлар эса Аллоҳ раҳмат қилсин, дер эди.

Суури бей мусаллага қўйилди. Руҳига фотиҳа ба-фишланди. Шу пайт, маҳалла кексаларидан бири ўзига-ўзи гапирди: "Ҳееней бечора Суури бей, бунақа тобутга солиб, боғланмагунингча масжидга кирмадинг!.. Нима бўларди, ҳаётингда ўз оёғинг билан кирсанг?!".

Қария аслида тўғри гапираётганди. Умри давомида масжидга алоқадор барча қадриятларни ҳақоратлаган

кишининг ўлгандан кейин мусулмонлардек бу ерга келтирилиши мантиқсиз иш эди. Балки, Суури бейнинг васият қилишига имкони бўлганида, дўстларига шу ишни қўлмасликларини тайинлармиди?! Зоро, уйига имом келса қувишини ўзи айтмаганмиди?

Мана, энди эса имомнинг ёнига келтирилди. Бу ҳолат Суури бей учун аччиқ мағлубият ҳисобланарди.

Жаноза намози ўқиларкан, Тумай бей ўзига ўхшаган бир нечта ўртоғи билан бир четдан томоша қилди. Маҳзун эди. Ҳатто, ёнидаги ўртоғига суюниш эҳтиёжи ҳам бордек эди. Бу ҳолат унинг отаси учун қайфураётганини билдириб турарди. Дўстлари унга тасалли беришга интилишар, аммо Тумай бейнинг юраги сел бўлиб оқаётганди.

Ишнинг энг қизиқ ва ажиг томони, унинг мозорга кўйилишидан кейинги талқинда эди. Мозор бошида турган ва: "Ҳаёт экан Аллоҳдан бошқа ҳеч бир Илоҳ йўқлигига ва Муҳаммад алайҳиссалом Аллоҳнинг Расули эканига шаҳодат келтирганингни хотирла, эй Суури!.. Хотирлаки, сен Раб сифатида ягона Аллоҳга, пайғамбар сифатида Муҳаммадга (с.а.в.) дин сифатида Исломга, китоб сифатида Қуръонга, қибла сифатида Каъбага сифингандинг, биродар сифатида мусулмонларни танлагандинг. Жаннатнинг борлиги ҳам ҳақиқат, жаҳаннамнинг борлиги ҳам бир ҳақиқат ва қиёмат, албатта, келади. Аллоҳ қабрлардагиларни тирилтиради... Эй Суури, шу эътиқодингни хотирла ва иқрор бўл" деган мутакаллим ва имом ва мухотоби бўлмиш Суури бейнинг ҳоллари мутлақо бирбирига зид эди...

Суури бей сокин ва ҳайбатли қабристонга қўйилди. Шу орада ўртоқларидан бири унинг инсонийлиги ва фазилатлари, доимо хотираларида яшashi ва унтутилмаслиги ҳақида бир-икки оғиз гап гапирди. Қабри устига бир гулчамбар қўйилди. Кейин эса уни амали

ва амалининг ҳисоби билан ёлғиз қолдириб кетиши. Одамлар Суури бей мозорига қараб, бу ерга яқинда кимдир қўмилганини билиб олади ва ёнидаги гулчамбарни кўриб, унинг маданий инсон эканини англайдилар. Бундан бошқа?.. Ҳа, бундан буёғига эса қабрдаги кимсанинг икромга муносиблиги ёки жазога ҳукм қилиниши дунёдагиларнинг истаги, фикри ва тушунчаларига боғлиқ эмас.

Кора тупроқ вақт ўтиши билан Суури бейни ўзига ўхшатади, эсаётган шамоллар унинг суюклари тупроғини совуради; унинг тупроғидан турли майсалар униб чиқади, ҳатто қуриб тўкилади. Аммо энди ундан бирор хабар келмайди, ҳатто устида бир-бирлари билан талашаётган кўпракларга ҳам "кет", дейёлмайди. Ҳаётлигида маданиятли инсон бўлиб, бурни осмонда бўлганларнинг ҳам бурнилари ерга ишқаланади. Бир одамни бағрига олган бир уюм тупроқ фотиҳа ўқиши учун келганларга қараб: "Кеча мен ҳам сенингдек эдим, эртага сен ҳам мендек бўласан!" - дейди. "Пушаймон бўлмаслик учун ҳозирланиб келишини, зулматдан қўрқса нур (ёруғлик) учун тайёргарлик кўриш лозимлигини" самимият билан тавсия қиласди. Аммо тавсияга ким қулоқ солади?

Шудамда майит ўлароқ келган Суури бей ҳам ким билади неча марталаб бу ерга келган, қанча дўст, биродарларини қўйиб кетган...

Суури бей ўз ҳолига қолдирилди. Орадан ҳеч қанча вақт ўтмай қаттиқ эсган шамол гулчамбарни афдарди, қабр устига хазон сепиб кетди. Зиёратга келган киши бир гулчамбарга, бир қабрга қарай-қарай у ердан узоқлашди.

Лабларидан "мусулмон бўлса Аллоҳнинг раҳмати ёғилсин" деган гаплар чиқди.

Қабристонни ўраб турган девор ичкарига севинч ва шодликни киргизмайди. Эшиқдаги маънавий

кўриқчи ичкарига фақат алам, изтироб ва фам-қайф-уни киргизади. Бу ерга қайгули қиёфада кириш, кўз ёшлари билан чиқиш шарт. Бу ер коинот гултожи ўлароқ яратилган одамнинг тупроққа айланиши учун курилган бир тегирмондирки, ҳар бир ҳовуч тупроғи яхши-ёмон, гўзал-хунук, ёш-кекса- умуман турли инсонлар хокидир.

Қабристон- дунё ҳаётининг сўнгги ва мажбурий бекати.

Дунё салтанатида мириқиб даврон сурган ҳам, эзилиб қийналган ҳам охири шу манзилга келади. Оғзидан она сути кетмаган гўдаклар бели буқчайган қариялар билан шу ерда дўст бўлади. Етим ва бечораларини оч-ялангоч ташлаб келган бағри куйган ота-оналар жигарпораларини шу ерда кутиб оладилар. Илк инсон яратилгандан буён бу ерга одам ёғилади, аммо тупроқ асло тўймайди.

Тумай бей қабристондан чиққач, қаерга боришини билмай гангиди. Дўстлари унинг фам-қайфусини майхона тарқатишини айтишди. Кетма-кет ичилган шишалар бир соатдан кейин Суури бей ҳақидаги изтироб юкини енгиллаштирди, яна-да тўғрироғи уни унугтирди. У қайгуни тарқатиш учун ичарди, бироқ унинг кайфияти ўзгариб турарди. Ҳозир уни яна фам босди, лекин сабабини ўзи билмайди.

Баъзан қўшиқ эшитар, гоҳида юраги тўлиб, тўйиб-тўйиб йифлар, баъзида чуқур ўй-хаёлга берилиб қоларди.

Суури бей қўмилган кун. Ўғли эса уйига сархуш ҳолда кетаётганди.

Тумай бей отасидан айрилиш аламини икки кун ўтиб ҳис қилди ва бир улфати билан қабр бошига бориб ичишни бошлади. Бир неча йиллар аввал уйда бирга ўтириб ичишаркан, отаси онасининг жаҳлини чиқариш учун: "Агар мен ўлсам дўстларинг билан қабрим бошига бориб ичишни унутма ва менинг тупроғим устига ҳам бир қадаҳ тўқ", деганини эслаб, ҳам унинг руҳини шод этиш, ҳам шу баҳона майхўрлик қилиш учун мозор бошига келган эди. Улфатига шу васиятни айтиб, бирга ичиш учун олиб келди.

Қабр бошида чордона қуриб ўтирилар. Улар қадаҳларни тўлдириб ичишар, ора-орада Сурури бейни ёдга олишарди. Ўртоғи кўлидаги қадаҳдан бир култум ичиб:

- Отанг ҳурматли инсон эди, Тумай! Инсонийлик у билан кетди, десам ёлғон бўлмайди. Жуда тўғри айтган эканлар. Бу ернинг нашъаси ўзгача. Сукутга чўмган мозорлар, устида униб, қуриган ўтлар, даҳшатли жимжитлик... Аминманки, бу ердан олган за вқимни ҳеч қачон майхонада ололмайман. Балки шу дамда Сурури бей амакининг азиз руҳлари ҳам биз билан биргадир-а?!-деди.

Сўнг қадаҳни яна бир кўтариб давом этди:

- Аааҳ, аҳ, биз бунақанги тушунадиган отани энди тополмаймиз. Тақдир деб шунга айталилар-да, азизим! Кейин эса қабрга эгилиб бақирди:

- Нур ичиди ёт, Сурури бей амаки! Валлоҳи сендеқ отам бўлганда эди, дўпшимни осмонга отардим.

Тумай улфатининг гапини боши билан тасдиқлаб ўтириди.

- Қандай баҳтлисан, Тумай! Кошки, менинг отам ҳам ана шундай тушунадиган одам бўлса. Эрталаб

тонгда туради, қўлида китоб... Шуни ўқийди. Маъносини ҳам тушунмайди ўзи! Масжиддан уйга, уйдан масжидга қатнашдан бошқа иши йўқ. Шу ҳам ҳунарми? Ўтган куни бошимни қотирди.

- Нима қилдинг?

- Яхшилик билан гапга бошладим. Мени эл-юрт ичида ёмонламаслигини айтдим. Дўстларим олдида тенг бўлишими кераклигини тушунтиридим. Кунда бир шишага етгулик пул беришини айтдим.

- Нима деди?

- Э-э. Бирдан оловланиб кетди. Заҳарни ич. Сенга бир чақа ҳам бермайман, деб чиқиб кетди. Мен айтдимки: Менга қара, кўпираверма. Совун кўпигидек пасайтириб қўяман. Сен йигит бўлмаганмисан? Ёшлигингда йўлинг майхонага тушмаганми?

- Тўғри. Ким билади ёшлигига нималар қилган...

- Аммо кўтпак асло гапимга кирмади. "Сенга ароққа пул бергандан кўра, ўлганим афзал, буни шараф деб хисоблайман!" - деди. Мен эса:

- "Сенга ачинганим учун эмас, берган эркакча жавобинг учун ташлайман сени, эй қария", - дея жавоб бердим.

Атрофга бир кўз югуртиргач дедики:

- Ўзимга ҳоким бўлганимга шукр қиласман. Йўқса бу ерда мазза қилиб ўтирасмаслик.

- Жуда тўғри иш қилибсан, Ражаб!

Ражаб Тумай бейни тинглайдиган аҳволда эмасди.

Тупроқни муштлаб, эгилиб бақирди:

- Ҳеий қора тупроқ, бизнинг қарияга навбат қачон келади? Қачон бизларни курсанд қиласан?! Бизнинг уйга йўлинг тушмайдими? Уйимизда бемалол ўтириб ичадиган кун ҳам борми, ўзи?!

Тумайга қараб:

- Сўз бераман. Бизнинг қария кетгач, бир зиёфат

бераман. Бу ерларни иккимиз яна бир зиёрат қила-
миз. Нима дейсан?-деди.

- Ундей дема... Қара, мен кечадан буён дардимни
унутолмаяпман. Мен ҳам шундай ўйлардим. Тезроқ
ўлса-ю, қалтирашини кўрмасам дердим. Аммо ундей
эмас экан. Ҳозир юрагим ёниб кетяпти. Бечора отам,
жойингда тинч ёт. Ҳузур ичида ёт. Сенинг ўрнинг бўш
қолмайди, ўғлинг сенинг йўлингдан боради. Мана
vasиятингни жон дилдан бажаряпман, - деди ва қўли-
даги қадаҳдан бир миқдорини мозор устига тўқди.

Худди шу пайт узоқдан бир овоз эшишилди. Қулоқ
солдилар: Ҳа, кимдир шеър айтиётганди. Ўрнилари-
дан туриб қарадилар. Оғир қадамлар билан бир қария
келарди. Бели букчайган, соқоллари оппоқ... Унчалик
узоқда эмасди. Атрофини ўраб турган ва унга, сен
қачон орамизга қўшиласан, дегандек боқаётган қаб-
рлар сукунатига диққат билан боқар, аввал узоқ йил-
лик дўстлари бу ерда ётиб, чириб тупроққа айланга-
нини ўйларди. Чарчагани билиниб турарди. Бироздан
кейин яна шеър ўқий бошлади:

Ёлғончи дунёга келиб кетганлар,
На сўзлашар, на хабарлашар.
Устларида гулу лола битганлар,
На сўзлашар, на хабарлашар...

Қария мафасини ростлади, атрофга яна бир назар
солди. Кимнингдир қабри тозаланган, кимникидир
ҳали янги, аммо ҳаммаси дунё билан алоқани узган. У
қабрларни бирма-бир кўздан кечириб, яна давом этди:

Кимнингдир бошида ўсади дарахт,
Кимнингдир бошида сарғаяр ўтлар.
Бири мъясум, бири гўзал йигитлар,
На сўзлашар, на хабарлашар.
Бирисининг тожи йўқдир бошида,
Бири олти, бири етти ёшида

На сўзлашар, на хабарлашар...

Қария асабийлашиб, бошини сарак-сарак қилди. Юзларида кетганлар яна қайтармиди, деган ифода бор эди. Дастрўмоли билан кўзларини артди. Ҳа, кўзларидаги ёшларни артаётганди. Кейин эса оғир-оғир қадам ташлаб кета бошлади. Шеърини давом эттирди.

Қария сўнгги мисра шеърини айта туриб, Тумай ва улфатига анча яқинлашиб қолганди. Икки улфат унинг шеърларидан ўзларича завқланишди; ҳам тинглашди, ҳам ичишди. Атрофга қараб келаётган қария бирдан тўхтади, кўзларини катта-катта очди. Қаршисида, тушда кўрса ҳам ишониш мушкул бўлган бир манзара. Янги мозор бошида икки йигит ичиб ўтирибди. Атрофни бадбўй ҳид эгаллаган...

Ҳа, бу туш эмас. Умрида кўрмаган, эшитмаган ва хаёлига келтирмаган манзарага ҳақиқатан гувоҳ бўлиб турибди. Чидолмади ва:

- Бу ерда нима қиляпсизлар? Ароқ ичяпсизларми? Гуноҳ эмасми, ўғлим? Марҳумларга хурматингиз йўқми? Сизлар ҳам бир кун шу ерга келмайсизларми?
- деди фазаб аралаш.

Дунёда шундай разилликларга дуч келишини билмаганди. Унинг гапларидан икки улфат уялмади. Қария давом этди:

- Ичишга бошқа жой тополмадингларми? Бу ерга яқинда маййит кўмилганга ўхшайди. Ҳали тупроғи ҳам қуримаган. Сиз эса бу ерда кайфингизни суряпсиз, ким билади, балки, тагингизда ётган бечора умрининг ҳисобини бериш билан машғулдир.

Тумай индамади, Ражаб гапирди:

- Қанақа ҳисоб ҳақида гапиряпсиз, отахон! Ўлди бу одам.

Кейин қадаҳни узатиб:

- Ақлинг бўлса, кел, шу ерда икки қадаҳ ол! Ум-

рингнинг охирида бўлса ҳам оғзингни маза қилдир!
Ўлгач, ичолмайсан!

Қариянинг юзи батамом ўзгарди. Шунча йилдан буён бундай одобсизликка дуч келмаган эди. Бунақаси бўлиши мумкинмас!..

- Менга ичишни таклиф қилгандан кўра, бу ердан кетишни ўйласаларинг бўлмайдими? Шу ерда ётганлар ҳам бир вақтлар сизлардек еб-ичувчи одамлар бўлган. Ҳар бир киши яхши-ёмон ҳаёт кечириб, шу қора тупроққа киради. Бу ерда сизларнинг ҳам яқинларингиз, қариндош-уругларингиз ётибди. Ҳозир уларнинг кўтчилиги қайfu ва пушаймонда. Ҳар бири ҳаётини қандай яшаганининг ҳисобини бериш билан машғул.

- Бу гапларнинг нима кераги бор? Бу одамларнинг ўлганини биздан кўра яхшироқ биласан-ку?! Нега ўзингни ҳам алдаб, бизни ҳам хуноб қиляпсан?..

- Нима, ўлгандан кейин ҳаммаси тугайди, демоқчимисан? Дунё ҳаётининг ҳисоби йўқми? Инсон ҳаётда ўзича, ҳайвондек яшамайди-ку!..

- Яхши, улар мендан нимани сўрайди? Кўриб турганингдек, бу ерда сен, мен ва Тумай бормиз. Ер остида эса жасаддан бошқа нарса йўқ. Шунчалар торки, бу ерга бошқа бирор сифмайди ҳам, овора бўлиб кириб ҳам ўтирумайди. Қисқаси, аравани бўш олиб қочма, қария. Ё келиб биз билан ич ёки йўлингдан қолма. Ўликларнинг ҳисоби билан шуғулланишдан бошқа ишинг йўқми сенинг?!.

- Мен аравани бўш олиб қочаётганим йўқ, ўғлим. Бу одамларни дунёга ким келтирди, ким яшатди ва ким ўлдирди? Саволни ҳам ана Ўша беради.

- Кўп лоф гапирдинг, қария. Шу ёшга кирсанг ҳам жоҳиллардек лоф уряпсан. Хурофотта берилиб юрибсан. Инсон дунёга ота-онаси сабабли келади. Нон, сув,

ҳаво ва бошқа турли нарсалардан озиқланиб яшайди.

Қария унинг гапини бўлди:

-Яхши қандай ўлади? Бу одам қандай ўлди? Дунёда ейдиган нарса қолмади, қуёшнинг иссиғи таъсирсиз бўлиб қолди, сувлар қуриди, шунинг учунми? Агар шундай бўлса нега сен, мен ва бошқалар бирга ўлмадик?

Бир-икки дақиқа жавоб кутгач, яна давом этди:

-Жавоб беринг, менга, нега? Ўзингизни алдаманг, ўғлим. Аллоҳ, коинотдаги ҳамма нарсага, инсонларга ҳаёт беради ва истаган вақтда олади. Унинг амрига қарши чиқиш ва бўйин сунмасликка ҳеч кимнинг ҳаққи йўқ. Бугун Аллоҳнинг борлигини ва қудратини инкор этиш эртага инсонни ҳисоб ва жазодан қутқаролмайди. Шу ерга кўмилган минглаб одамлар, сизнингча, сукут ва оромда. Аааҳ, ораларидан бири тилга кириб бошдан кечиргандарини айтса борми...
Бу ерда кўмилган одам ким?

Тумай жавоб берди:

- Отам...

- Қачон ўлганди?

- Кеча...

- Нега буғуноқ келиб бу ерда ароқ ичяпсизлар? Бирор фотиҳа ўқисангиз ёки ўқитсангиз бўлмайдими?

- У тириклигида бунақа нарсаларни ёқтирамаган. Ҳурофотчи эмас. Бир умр шу ишлардан йироқ юрди. Менга ҳам қабри бошига келиб ичишни ва бир қадаҳ устига тўкишимни васият қилди. Мен ҳам унинг орзусини рўёбга чиқариш ва руҳини шод этиш учун келиб ичяпман. Унинг ҳаққини ҳам тўқдим. Мана...

Қария ҳайратдан қотиб қолди. Кечагина кўмилган жасад бошига келиб унинг руҳини шод қилиш учун ичилган шароб, ҳатто, унинг устига ҳам тўқилган, бу васият қилган ота... Буларни ақлига сифдиролмади.

Ўлган киши... Қабрим устида ароқ ич, бир қадаҳ мен учун ҳам тўқ, деган одамга муносиб жазо берилади, албатта... Аммо, бу ёшгина навқирон йигитлар балки қутулишар... Вақтида тўғри йўлни топишлари ва яхши инсон бўлишлари мумкин-ку!...

- Афсус, ўғлим, кўп афсус! Унумагинки, у ердунё эмас. У ерда дунёвий қонунлар ўтмайди. У ерда фақатгина Аллоҳнинг айтгани бўлади, бошқа бирорнинг ҳукми ўтмайди. Отанг ўз хоҳиши билан ўлмаганидек, ўлгандан кейинги ҳолати ҳам унинг қўлида бўлмайди. Бу тўккан шаробинг, унинг азоби ортишига сабаб бўлади, холос. Агар менга қулоқ солсанг, шу ишингдан дарҳол воз кеч ва зинҳорбазинҳор бундай қила кўрма. Тур, тур бу ердан ва дарҳол бу ердан кет. Отангни бошқа безовта қилма, - деди ва гапларининг етарли бўлганига қаноат ҳосил қилиб узоқлашди. Яна шеър ўқиб йўлида давом этди.

Тумай қариянинг сўзларидан қаттиқ таъсиранди. Ҳа, у ер-дунё эмас. У ерда дунё қонунини эшитиши ҳавас қилганлар, бу ҳавасни тарқ этишга маҳкумдир. Ичиш керакми, йўқса шу ерда нуқта қўйиш керакми? Буни ҳал этадиган аҳволда эмас. Қабрлар унинг кўзига энди бошқача бўлиб кўрина бошлади.

Шу пайт улфати гап бошлаб қолди:

- Кўзинг чиққур қари эшшак. Мазза қилиб ўтиргандик. Расво қилди-я!..

Тумай:

- Кайфим тарқаб кетди. Кел, шу ишни битираильик. Бу қабрлар мени чўчитаяти. Гўё тошлар остидан ўликлар чиқиб олдимиизга келаётгандек, томоғимдан бўғаётгандек. Менимча, отам ҳам ҳозир қийнаётгандек. Менга: "Бас, ўғлим, бундай қилма", деб бақираётгандек.

Ҳой, Аллоҳнинг ғазабига учрагур, қария. Қанийди, шу ерда бир адабингни берсайдим, - дея шишада

қолган-қутганини тўкиб ўрнидан турди. Шишаларни ҳам тўғри келган томонга улоқтириди.

Улар қабристон дарвозасидан чиқаётган маҳалда бир тўда одамлар тобут кўтариб келишаётганини кўришиди. Бир четта чиқиб одамларнинг ўтиб кетишини кутишиди, кейин йўлларида давом этишиди.

Мазза қилиб майхўрлик қилиш ниятида келишган эди, бурунларидан чиқди. Лашнати қария...

Тумай бей уйга кеч қайтди. Бу пайт Саодат хоним Куръони каримни ўқиб жойига кўяётганди. Бу китобни ўқиб завқ олар, руҳи хузур топарди.

Аллоҳнинг муқаддас қаломи... Самимият билан ўқиганлар учун ҳар бир ҳарфи ўн савоб бўлган шарафли Мусҳаф... Инсоният учун ягона ҳидоят манбаи, хузур ва саодат манбаи бўлган илоҳий китоб... Аввал бу китобни ўқирди, ўқишидан завқ оларди. Энди унга ошиқ бўлди. Ундан бошқа ҳеч бир нарса унга таскин беролмайди. Ҳаётида кўрган барча азобларини шу китобни ўқиши, ҳатто, юзини кўриши билан унугарди.

Тумай бей ичкарига кирганда у китобини ёнбошига кўяётганди. Онасини бу аҳволда кўрган Тумай ғазабланиб:

- Яна шу китобни ўқидингми? Безор бўлмадингми шуни ўқишидан?! - деди.

Саодат хоним жавоб берди:

- Менинг бир диним бор, ўслим. Динимнинг асоси шу китоб. Бу китоб бўлмаса, мен яшай олмайман.

- Кўриб турибсан, мен яшаяпман. Яна ҳурматим жойида...

- Ҳа, отанг ҳам шундай яшаганди. Аммо сен айтиётган ўша ҳурмат бу дунёда қолади. Бир кун келиб инсон фақатгина суюк, эт ва қондан иборат эмаслигини, унинг руҳи ҳам борлигини англаб етсанг, шу китобга эҳтиёж ҳис қиласан. Инсониятни турли

фалокатлардан сақлаб қолувчи ягона китоб мана шудир. Аммо, сенга ўхшаган "маданиятли" кимсалар буни қаердан ҳам билишсин?!

Тумай бей онаси билан баҳлашишни ўзига эп кўрмай хонада у ёқ-бу ёққа юргач, стулга бориб ўтириди.

Сигарет тутатиб, тўғри Саодат хонимнинг юзига пуфлагач:

- Бугун отамнинг мозорига боргандим, - деди.

- Яхши иш қилибсан, у ерда нима қилдинг?

- Ўртогим билан ичдим.

- Яхши қилибсан. Отанг ҳам ҳаётлигига шуни истарди. Бирор қадаҳ унга ҳам тўқдингми?

- Ҳа, тўқдим.

- Албатта, сендеқ фарзандни етиштириб, яна нима ҳам кутиш мумкин. У ҳам ниҳоят экканини ўрди. Албатта, маданиятли отанг сендан фотиҳа кутмайди. Фақат бироз ўйлаб иш қилгин. Отангнинг мозорини майхонага айлантиришингни истамайман. Маданиятли кишида бироз мурувват туйғуси ҳам бўлади. У ерда ичаётганингда ҳеч ичингдан бир овоз ўзингни айблаб, уялтиrmадими? Яъни, бу ишни қилаётганингда ҳеч сиқилмадингми?

- Сиқилсам, ичармидим? У ерда ҳам сенга ўхшаб фикрлайдиган бир қарияга дуч келдик. Келиб бизга маъруза қилди. Тўғри гапирди. Айтган гапларининг бир қисмини истамасам ҳам айтаман. Оқшомдан бўён кулоқларимда жаранглаб туриби: "У ер-дунё эмас. У ерда дунёning қонунлари ўтмайди". Лаънати қария. Жони жаҳаннамда бўлгур, эшшак, лаънатлар ёғсин сенга... Уни ўша ерда таъзирини бермаганимдан ғуна-қанги пушаймонманки... Қандай яхши ичаётгандик-а...

- Аллоҳ ўша қариядан рози бўлсин. Иншааллоҳ, ақлинг киради. Ақлинг киришига сабаб бўлади унинг сўzlари...

- Нимага хурсанд бўляпсан? Қўрқма, мен бу ҳаётимдан мамнунман. Ҳеч қандай куч мени йўлимдан қайтаролмайди.

- Аммо сенинг боринг шу дунёда қолади. Бир кун пушаймон бўлиб бармоқларингни тишлайсан. Аллоҳнинг ҳузурига кирадиган тешик излайсан. Ўшанда сени шундай қилиб етиштирган ва ҳозир ҳисобини бериш билан овора бўлаётган отанг қутқаролмайди. Мен эса совуқни совуқ, иссиқни иссиқ демасдан сенга хизмат қилдим. Раббимнинг ҳузурида сен ва отангга даъвочи бўламан. Шунча йил она ҳаққини адо қилмадинг, бирон марта онам демадинг, менга зулм қилдинг, жазоингни Аллоҳдан сўрайман. Умрим тугаб боряпти. Энди сен билан Аллоҳнинг ҳузурида кўришгунга қадар хонамга оёқ босма. Сен билан ўша ёқда ҳисоблашамиз. Бўлди, чиқ, кет хонамдан.

Тумай бей Саодат хонимнинг бу аччиқ сўzlаридан ҳаяжонланганини сездирмади. Бир неча дақиқа ўтиб ўрнидан турди-да, эшик томон юрди ва чўнтағидан бир қутича чиқариб Саодат хонимга узатди:

- Аччиқ сўzlадинг. Кел, битта сигарет чек, ақлинг кирсин, - деди.

Оҳ!.. Буниси ортиқча эди. Саодат хоним кучи етганида уни роса дўйпосларди. Аммо, афсуски бунинг иложи йўқ. Кучи фақатгина бир-икки оғиз гапиришгагина етди:

- Менинг ақлим жойида. Масхаралагунча, ўзинг ақлингни йифиб өл. Унутма, бир кун келиб шу қилиқларинг учун жавоб беришга мажбур бўласан.

Саодат хоним шундай дея йиғлай бошлади. Тумай бей бироз томоша қилгач, индамасдан чиқиб кетди.

Тумай бей ётоқхонасига кирганда, вақт алламаҳал бўлиб қолганди. Тўшагига чўзилди. Кўзларини юмди.

Шу заҳотиёқ қария кўз олдига келди ва дона-дона қилиб сўзлай бошлади: "Бу ерда кўмилган минглаб одамлар, сизча, гўё сукутда тургандек. Оҳ, қанийди, ораларидан бири тилга кириб, кўрган-кечиргандарини сўзлаб берса..."

Кўзларини очди. Худди шу овоз қулоқлари остида жарангларди: "У ер-дунё эмас, у ерда дунёнинг қонунлари ўтмайди. У ерда фақат Аллоҳнинг айтгани бўлади..."

Тумай бей сўкинди. Қариянинг бутун авлод-аждодини бўралаб сўқди. У қўрқа бошлаганди. Гўё атрофида минглаб руҳлар кезаётгандек... Йўқ, маданиятли инсон бунақа сафсагаларга ишонмаслиги керак. Аммо бунинг маданиятли бўлиш-бўлмасликка нима дахли бор. Шу пайт деразадан бир нима "тап" этиб тушди. Жойидан ирғиб туриб, қулоқ солди. Бир мушик миёвлаганча нари кетди.

Деразадан мушик сакраб тушган экан. Яна жойига ётди. Кўрпани бошига тортди, аммо уйқуси келмасди. Бирдан юраги тез ура бошлади. Уйга кирган заҳотиёқ ҳамма жойни текширганига пушаймон бўлди. Пешонасида совуқ терлар пайдо бўлди. Бутун кучини тўплаб, сакраб ўрнидан турди. Чироқни ёқиб қаради. Ҳамма нарса жой-жойида эди. Эркин нафас олди. Аввало ўзини айблади ва ишонч ҳосил қилиш учун каравотнинг тагига қаради, шкафни очиб кўрди, ҳеч нарса йўқ эди. Яна чироқни ўчириб ётди.

Кўзини юмиши билан қария пайдо бўлди. "Тур, тур, кет бу ердан", дерди. Шу гап миясида чарх урап, қария мозордан кетишини истарди. Бу орада онасининг касал ҳолида айтган гаплари қулоқларига эшитила бошлади: "Маданиятли кишида бироз муруват туйғуси ҳам бўлади. Энди сен билан ўша ёқда ҳисоблашамиз. Ҳонамга оёқ босма..."

Нафас олиши қийинлаша бошлади. Бўлди, бас, ортиқ чидаб бўлмайди! Кўзларини очиб-юмиши иш бермас, бир томондан қария бир томондан онаси миасини арраларди. Шунда ўргонинг қабристондаги ҳоли кўз олдига келди. Мушти билан ерга уриб: "Эй қора тупроқ, бизнинг қарияга қачон навбат келади, қачон бизни ҳам хурсанд қиласан, бизнинг уйга йўлинг тушмайдими?.." Ким унинг панжасидан кутулган? Кимнинг уйи унинг қаттиқ зарбасидан харобага айланмаган? Кечагина бирга ўтирган отаси мана мангуга қайтмас бўлиб кетди.

Бир шеър ўқирди. Тумай бей бу шеърни билмасди. Аммо беихтиёр қария томонидан ўқилаётганини ҳис қилди. Бу шеър уни суюк-суюгигача зирқиратиб юборди. Тумай бей қанча ҳаракат қилмасин, қарияни кўз ўнгидан кеткиза олмади. Қаерга қараса, қарияни кўра бошлади. Кўзларини юмиди очар, аммо фойдаси йўқ эди. Кулокларини бекитиб олса ҳам, унинг овозини эшитаверди...

Орадан қанча вақт ўтди Тумай бей билмайди. Ухлаб қолди.

Қаршисида отаси- Сурури бей... Усти-боши чанг-тупроқ. Юзлари сарғайган. Оёқда туришга ҳоли йўқ. Шунчалик афтода ҳолда эдики, юз ёшга қаригандек...

Тумай бей даҳшат билан отасига қаради:

- Ота, ота, сенмисан? - деди зўрга.

Сурури бей:

- Ҳа, ўғлим менман, - дея жавоб берди.

- Таниёлмадим. Жуда ўзгариб кетибсан. Бир кунда таниб бўлмас ҳолса келибсан. Юзинг нега бунчалик сарғайиб кетди?

- Мен бир кун чеккан азобимни сен кўрсайдинг, бу саволни бермасдинг.

- Нега, у ерда бемалол эмасмисан? Мен бугун

келдим, мозоринг бошида ичдим. Сенинг ҳаққингни ҳам мозорга тўқдим. Энди ҳар ҳафта сенинг ҳаққингни олиб бораман.

Сурури бей жон ҳолатда:

- Бас, бундай қила кўрма! Сен шароб тўkkанингдан кейин азобим икки карра ортди. Ўшандада менинг қай ҳолга тушганимни кўрсайдинг...

- Нега азоб тортяпсан? Нима қилдинг? Ким азоб берялти сенга?

- Бу ер сен тушунадиган ва биладиган жой эмас. Фақат: "Нега дунёда Аллоҳни танимадинг? Унга қул бўлмадинг? Нега Пайғамбаримизни (с.а.в.) раҳбар деб билмадинг? Нега Ислом динини қабул қилмадинг?" дейишиади. Буларнинг жавобини беролмаяпман. Ооооҳ, қанийди бир мартағина дунёга қайта кела олсам... Қандай яшашни шунчалик яхши билардимки...

- Жуда эрта кетдинг, ота. Кетадиган сендан бошқа одам йўқмиди? Сен билан ўтириб мазза қиласардик. Дунёning лаззатини тортардик.

Сурури бей ўғлини тўхтатди:

- Жим, жим, бўл! Энди мен бу сўзлардан жирканаман. Қанийди тирик бўлиб қолсам. Бир томчисини ҳам оғзимга олмасдим. Минг-минг пушаймондаман. Аммо энди бундан фойда йўқ. Оооҳ, дунёга бир марта қайта келсайдим. Ооооҳ, оҳ...

- Сен нималар деяпсан? Йўқса отамга ўшаган бир хаёлмисан? Менинг отам бу гапларни айтмайди, менинг отам хурофотчи эмас.

- Энди бошқача, ўғлим. Мен хаёл эмасман. Хурофот, эскичилик ҳаммаси тугади. Дут ёвий ҳаёт битди. Энди бу ерда дунёning қонунлари ўтмайди. Бу ерда истаганимиздек эмасмиз. Бу ерда бизни яраттан ва ўлдирғаннинг ҳукми ҳоким. Ҳамма нарса фақат Унинг истаги билан бўлади.

Тумай бей:

- Қария ҳам шундай деганди...,-деди.
- Тўғри айтибди. Қанийди унинг сўзларини тинг-лассанг...

Тумай бейнинг қулоғига аzon товуши эшитилди.

Қўлини силтаб:

- Безор бўлдим шу овоздан. Кечаси йўқ, кундузи йўқ. Вақт-бевакт бойқушдек сайрайди..., - деди ғазаб-ланниб.

- Мен ҳам сендек ўйлар эдим. Муаззинларнинг ҳеч бири қолмаганди. Ҳаммасини авлод-аждоди билан қолдирмай сўккандим.

- Энди-чи?

- Энди бунинг ҳисобини бераяпман. Кечагина уларни ёқтирмасдан сўкардим. Бугун жазосини олаяпман.

- Демак, тонгда бизни безовта қилганларнинг у ёқда хурмати баланд, шундайми?

Шу пайт Суури бей бетоқат бўла бошлади. Жойида туролмай қолди. У ёқ-бу ёққа алангларди.

- Нима бўлди, нега бетоқат бўляйпсан?

- Вақт бўлди, кетяпман. Ҳар аzon азобим бошланади. Тобора азобим ортиб боряпти. Ҳаётлигимда айтган куфр сўзларим кулоқларим остида жаранглайди. Ичган ичкиликларимнинг жазосини айттолмайман. Сенга берган тарбиям учун мени нималар кутаётганини биламан. Онангнинг ҳаққини тўлашга ҳам имконим йўқ. Тумай, болажоним, менга кулоқ сол, дунёдаги йўлимни тарк эт. Бу ерда чидаб бўлмайди. Ҳозир яна азоб бошланади. Бу ернинг қандайлигини билсайдинг. Оooooх, бир мартагина дунёга келсайдим...

Суури бей ўгирилиб, судралган кўйи чиқиб кетди. Фарёд солиб бақирди. Тумай бей ортидан юурмоқчи бўлди, аммо боролмади. Маҳзун ортидан қараб қолди...

Тумай кўзларини очганда соchlарининг учига қадар терлаб кетганди. Кўрган туши кўз олдида юз берса, бу қадар ҳаяжонланмасди. Тумай бей карахт бўлиб қолди. То тонггача кўзига уйқу келмади. Кўзи олдидан отасининг фарёдлари, қариянинг сўzlари ва онасининг кўз ёшлари кетма-кет ўтаверарди. Бунчалик кўрқинчли тунни кўрмаганди шу пайтгача. Ичишга қабристондан бошқа жой йўқдек, бориб мозор тошига тўқишириб ичиш... Ичмаса бўларкан. Тонггача қачон кўзини юмса, қария ва унинг ортидан мозор тошларини қўпориб чиқиб келаётган руҳлар кўринаверарди.

Ўша куни қаерга борди, нима қилди ва кимлар билан гаплашди - билмайди. Бу кеча ундан ҳам баттар бўлишини ўйлаб даҳшатга тушди. Йўлда учраган қарияларга кин ва нафрат билан қарап, ичида лаънатлар ўқирди. Улфатини кўргач, бироз енгил тортгандек бўлди. Унга бошдан кечирғанларини айтиб берди. Бу кеча уни ёлғиз қолдирмаслигини илтимос қилди.

Унинг бу илтимосига ҳожат йўқ эди. Чунки уни ўртоқлари майхўрликка чақиришганди. Бу хабар Тумай бейни бироз хотиржам қилди. Демак, у дўстлари даврасида бўлади. Ёлғиз қолмайди.

* * *

Хўролар қичқира бошлади. Яна бир янги тонг отмоқда.

Тумай бей дўстлари билан хайрлашаркан, яхши тунми ёки яхши кун тилаши лозимлигини биларди. У сархуш эди. Йўлга тушиши билан қария ҳам уни таъқиб қилишни бошлади. Қадамма-қадам таъқиб қилиб келаверди.

Оёқлари чалкашиб кўз олди қоронгулашиб кетди. Ўзини зўрға қўлга олиб олдинга интилар, боши қаттиқ оғрир эди. Меъда еган-ичганини чиқариб ташлашни

истарди. Аммо, шунча пулни қайд қилиб ташлаш учун сарфламаганди... Базур четта чиқди. Чидолмади. Мажбуран қайт қилди...

Кўзи бироз очилиб, енгил тортгандек бўлди. Юзини совуқ сувга ювса, ўзига келар эди. Масжид томонга йўл олди. Масжид ҳовлисига киаркан жирканди. Аллоҳга ибодат қилинадиган жой ва бир маст... Отасининг жаназасидан олдин ҳеч кирмаганди бу ерга. Умри давомида қадам босмаганди. Яна бу ерни, бу ерга келадиганларни ёқтирумас, улардан нафратланарди. Кирмаслиги керак эди. Шу тушунча билан ортга қайтди ва кета бошлади. Икки-уч қадам юриб тўхтади: У ҳам шу шаҳарнинг боласи. Бу ердаги сувда унинг ҳам ҳаққи бор. Ҳамма фойдаланадиган сувдан у ҳам фойдаланиши мумкин. Ортига қайтиб, масжид ҳовлисига кирди. Лекин пешонасидаги совуқ терни артишга мажбур бўлди. Ҳа...

Масжид ҳовлисига бир майхўр кирди. Ичкарида-гилар югуриб чиқиша-я... Битта ўзи неча кишига бас келиши мумкин? Бир балога дуч келмасдан бошқа сув излаш керак. Қайтди. Ақдлилик қилганди. Аммо икки қадам қўйиб жойида михланиб қолди. Миясига келган ботир бир фикр қонини қайнатиб юборди. Кўрқоқлик қиласманми? Қархисига дунё чиқса ҳам қайтмайди.

Энди у масжидга кириши щарт. Натижа мағлубият билан тугаса ҳам фурурини оёқ ости қилолмайди. Қўли беихтиёр чўнтағига борди. Сигарет олиб тутатди ва шу зайлда масжид ҳовлисига кирди. Ҳовуз томон юра бошлади. Тип-тиниқ сув кўнглини хушнуд қилди. Эгилиб юзини ювди.

Оҳҳ... Бироз енгиллашган эди. Шу орада масжидга бир-икки кишининг кираётганини кўрди. Улар оёқ

кайимларини ечиб, ичкари кирмоқда. Ичкарида уларни кутиб тургандек, буюк бир зот ҳузурига кираётгандек-эҳтиром ҳисси уларда яққол сезиларди. Ажабо, ичкарида нима қилишаркан?

Дераза ёнига борди. Тўрт-беш киши қатор тик турибди. Қўлларини қовуштириб бир нуқтага тикилишган, гўё бошларига қўнган қушни чўчитмасликка ҳаракат қилаётгандек жим ва ўйчан ҳолда туришарди... Энг олдинда қиёфаси бошқалардан фарқли бир одам. Ўта самимий овоз билан ўқир, овозидаги самимият қалблар- қўнгилларга инарди. Ҳеч бир мусиқа ё қўшиқдан бу қадар ҳузур-ҳаловат туймаган эди. Шудамда ичкарида сомеъ бўлиб, уларнинг орасига кириб, улар қаторида бўлишни истарди. Қисқа бир муддат давомида паришон ҳолга келган Тумай бей бу мусибатдан фақат уларга қўшилибгина кутулиш мумкинлигини англаб етди.

Олдинда турган одам ўқишидан тўхтаб, эгилди. Бошқалар унга эргашдилар. Улар ибодат қилмоқда эди. Бу ерда уларни кузатиб ёки қурол билан қўрқитиб турган бирор киши йўқ эди. Аксинча, уларнинг юзларидан бу ишдан лассат олётгани сезилиб турарди.

Бу одамларнинг мақсади нима? Ширин уйқуларидан воз кечиб, иссиқ ётоқларини тарқ этишга нима сабаб бўлган экан? Булар савдо-сотиқقا келишмаган. Тўрт девордан иборат масжиднинг гўзаллиги ҳам уларни мафтун этган эмас.

Бомдодни адо этиб чиққан намозхонлар гандираклаб кетаётган ярим маст кишини кўришди. У на борар жойини, на босган қадамини биларди. Ботин зулматида йўқолган ва топиши зарур бўлган виждонини қидириш билан овора эди. Йиллар давомида майхона ва қиморхоналарда овоз бермаган виждонини изларди. Виждонига мурожаат этиб, ўзининг Аллоҳга қул

эканини нега хотирлатмаганини, нега нотўғри йўлга бошламаганини сўрамоқчи эди.

Бироздан сўнг қуёш чиқади. Бу қуёш бошдан-оёқ ифлос бир маҳтуқнинг тавба суви билан покланишига гувоҳ бўлади. Тумай бейдаги сархушлик фақат ичкилиқники эмас, ичкилик унинг оёқларини чалкаштираётган бўлса, масжидда ўқилган намоз ва намозхонлардаги самимият уни ўйлантириб, руҳини тинчлантирар, ўзининг маънавиятсизлигини ҳисқилдирар эди. У ўйлаётган эди. Аммо, нималарни ўйлаши кераклигини билмасди. Фақат, улфатлари билан қадаҳ уриштираркан: "Менга ҳам уриштир", имоси билан қараб турган мозор тоши ва ёнида унга: "Тур, тур бу ердан, кет", деган қария кўз ўнгидан кетмади. Энди Сурури бей ҳақидаги қўрқинчли хаёллари ҳам тарқаб кетди.

Қаерга бораётганини яхши билмайди. Фақат ҳар бир ташлаган қадами ичидаги бўшлиқ томон бошлаётгандек бўлаверади. Зотан, ботинида улкан бир бўшлиқ борлигини англаб етган эди.

Эрталаб масжиддан чиқиб, Аллоҳ берган ризқларини териш учун дўконларига кетаётган мўминлар бу маст кишини кўриб, кўнгиллари хижил бўлди.

Унинг гандираклаб юрганини кўрганлар юзларини буриштирар ва ачинишганча ўтиб борарди.

Тумай бей мувозанатини сақлаш учун бир дақиқага тўхтади. Тўхташи керак эди. Акс ҳолда йиқилиши аниқ эди. Тўхтади ва атрофга қаради.

Нарироқдаги масжиду миноралар чироқлар ёруғида яна ҳам муҳташам бўлиб кўринарди. Гуноҳ қилганлар учун кеча-кундуз тавба эшиги очиқ эди. Тумай бей беихтиёр минораларга тикилиб қолди. Шупайт чироқлар ўчди. Тумай бей бу қандиллар фақат шу кеча туни билан ёнганини пайқади. Нега бу кеча

ёнган экан-а? Бу гўзал ҳаётдан анча йироқ бўлгани учун ҳам ҳеч нарсага тушунмас эди. Шунинг учун бирор нарсани ўзича ҳал қила олмас эди. Аммо, унда қизиқиш пайдо бўлди. Бир кишининг олдига бориб:

- Бир дақиқа, - деди. Йўловчи ундан ароқ ҳиди келаётганини сезди ва бурнини жийирганча нари кетди. Тумай бей ялтоқланиб гапирди:

- Менга қара, бир дақиқа.

Унинг кайфи борлиги аниқ сезилиб турарди.

Йўловчи сўради:

- Нима истайсан?

- Бир нарса сўрамоқчиман.

- Сўрама.

- Нимага сўрамайин, биродар?

- Чунки сен сўрайдиган нарса билан менинг алоқам йўқ, - дея ундан узоқлашди. Кетаркан: "Ла ҳавла..." дея бошланувчи бир дуони ўқиди.

Тумай бей у кимсадан хафа бўлмади. Яна унинг ортидан бақирди:

- Тўхта, тўхта, бир дақиқа!

Йўловчи тўхтамади.

Тумай бей бошқа бир кишини тўхтатди. У киши ҳам истамайгина:

- Нима дейсан? - деди.

- Нега минораларда бу кеча чироқлар ёниқ эди?

Ҳалиги кимса қисқагина жавоб берди:

- Бу кеча "Қадр" эди.

Тумай бей тушунмади:

- Нима, Қодирий, Қадр ким?

- Мусулмон ўлкасида яшаб туриб, шу ёшгача "Қадр" кечасини билмасанг, айб-ку!

Қадр... Қадр... бу исм жуда ёқимли эди. Йўловчи Тумайнинг бу тушунчага бегона эканини қаердан билсин? Шу боис:

"Қадр" дейиш билан кифояланди. "Қадр кечаси эди", демасдан. Агар шундай деса тушунармиди?

Жавоб берди:

- Айб бўлса ҳам билмайман.
- Эҳ, нима қиласай билмасанг. Майхона ўрнига масжидга борсанг билардинг, -деб узоклашди.

Учинчи бир кишидан сўрашга журъати етмади. Фақат "Қадр" кечаси бошқа кечалардан фарқ қилишини англади, холос.

Тумай бей ўзини абгор этган бу даврадан кетишга қарор қилди. Бу давра эшигига катта қора қулф осди ва борлигини бироз аввал англаб етган Аллоҳга: "Ё Раббим, мен бу эшикни ёпдим. Қайта очмаслигим учун менга ёрдам бер!" дея ёлворди.

Жуда ҳам уятли, фазилатларга асло алоқаси бўлмаган бир ҳаёт Сал аввал Тумай бейга янгича ҳаёт таклифи қилинса, у таклифни қаҳқаҳа билан кутиб олиши ва айтган кишига бир қадаҳ май узатиб, улфатчиликни тавсия этиши аниқ эди. Бир муддат аввал у ҳаёти ва ўз ишончидан фуурланарди, энди эса юзи қизариб уялиб турибди.

Уйга бориб, аввало ичкиликни эслатадиган ҳамма нарсани бир жойга тўплади. Уларни чилпарчин қилиб, ҳаммасини ахлат кутисига ташлади. Яқин ўтмиш хотиралари пешонасидан совуқ тер бўлиб чиқди.

Бутун вужудига, қон-қонига сингиган ичкилик энди асло ичилмайди. Энди бу уй эшиги барча улфатлар учун ҳам ёпилди.

Унинг руҳи, қалби ҳақиқий инсон бўлиб Тумай бейга айланади. Ичиде ёниб туташган, мен Раббимга нима деб жавоб бераман, дея фарёд қилаётган кўнгил ўз ишини анча аввал бошлаган эди...

Тумай бей уйдаги ишларини битириб, тўғри ҳаммомга йўл олди. Яхшилаб ювинди. Бор гуноҳини албатта, бу қисқа вақтда кеткиза олмасди.

Ҳаммомдан чиқди. Тоза кийимларини кийди. Эски кийимларини ёқиб юборишни ҳаммомчига илтимос қилиб, ташлаб кетди.

Пешин намозига айтилган аzonни эшитиб, масжид эшигига борди. Ичкарига кириш керак эди. Ҳамма унга қараётгандек. Бу ҳолат уни терга ботирди. Бир ўйи ортига қайтмоқчи ҳам бўлди. Тўхтади. Аммо ичидан: "Сен наҳотки эски йўлингни тарк этолмадинг, Тумай!" деган овоз келди . Бугунги тонгда уйқудан уйғонган шу савол уни олдинга юргизди. Ичкарида нима қиласди? Ҳеч нарсани билмайди. Бошқалар нима қиласа, шуни қилишга қарор берди. Оёқ кийимини ечиб ичкари кирди. Жамоатга бориб қўшилди. Уларга эргашди. Унинг ҳар бир ҳаракатидан бегоналиги сезилиб турарди.

Намоздан сўнг ҳовлида имомни кута бошлади. Сўнг унга юзланиб:

- Менинг саволларимга жавоб берадиган, мушкулларимни осон қиладиган бир уламо топиб беришингизни илтимос қиласман,-деди.

Ином афанди Тумай бейга шаҳар муфтиси ёнига боришликни тавсия қилди.

* * *

Муфти афанди Тумай бейнинг ичкари кирганини кўриб, қўлидаги китоб орасига бўш бир қофоз қўйиб ёпди: "Кел ўғлим", деди.

Юзлари нурли бир одам. Тумай бей илк маротаба кекса одамнинг юзи шунчалик фариштали бўлишига, соқол ҳам инсонга ўзгача бир салобат в 1 латофат беришига гувоҳ бўлди. Тумай унга ҳурмат кўрсатди. Кейин икки қадам ортга чекиниб:

- Вақтингиз бўлса сизга дардимни айтмоқчиман,-деди.

Муфти афанди индамади. Ёнидаги ходимига:

- Бизни ҳоли қолдиринг, - деди.

Ходим чиқиб кетгач, муфти меҳмонга жой кўрсатди ва:

- Эшитаман, ўғлим, - деди.

Тумай бей гапни нимадан бошлашни билмас эди. Айтадиган гаплари жуда кўп. Аммо нима дейиши керак. Бир муддат ерга қараб тургач:

-Афандим! Гапларим айб бўлса ҳам, илтимос, эшитинг, - деди. - Мен ҳаётда гуноҳнинг ҳаммасини қилдим. Жуда кўп ёмон ишлар қилган бир одамман, ишонаверинг.

Муфти афанди Тумайга қизиқиб қолди.

Рўпарасида бутун ёмонликларни ўзида жамлаган бир ёш йигит ўтиради.

Тумай бей болалигидан то ҳозиргacha бўлган ҳаётини, қандай тарбия топганини сўзлади. Муфти Афандини ҳайратта солди.

Сўнгра ботинидаги ғалаёнлардан гапирди ва сўзини шундай тамомлади:

-Кўриб турганингиздек, мен сиз ўйлагандан ҳам разилман. Шундай ҳаёт кечирдим. Хўш, мен учун најот чораси борми? Шунча оғир гуноҳим билан Яратган эгам мени афв этиши мумкинми? Аллоҳ мени бандам дейдими?

Муфти Тумай бейнинг гапларини қизиқиш ва ҳаяжон билан эшитди. Унинг ҳақиқатан ҳам жуда тубан яшаганини ва гуноҳи кўплигини англаб етди. Бироқ умид билан келган бу йигитнинг кўксидан итариш тўғри эмасди:

-Ўғлим, гапларингдан жуда оғир гуноҳга ботганингни тушундим. Аммо Аллоҳ марҳаматли, меҳрибон зот. Гуноҳкор бўлсангиз ҳам самимият билан дуо қилиб, ёлворсангиз ва қайтиб бу ёмонликларни

Қилмасангиз кечирилишингиз мумкин, - дея муфти афанди ўрнидан туриб жавондан бир китоб олди.

- Қара, ўғлим, - деди у. - Бу китоб Аллоҳнинг сўнгги Пайғамбари (с.а.в.) воситасида инсониятга юборган шарафли китобининг бизнинг тилимизга қилинган таржимаси. Сен ва сенинг ҳолингдагилар учун Аллоҳнинг амрини ўзинг кўр! - Қани, бу ёққа кел! Тумай бей Аллоҳнинг китобини ўқишига даъват қилинганда ичиди аллақандай бир титроқ пайдо бўлди. Юраги қинидан чиқиб кетгудек тез ура бошлади.

Сўнгра ўқиди:

"...Эй нафсларига қарши ҳаддан зиёд ҳаракат қилган қулларим! Аллоҳнинг раҳматидан ноумид бўлманг. Чунки Аллоҳ барча гуноҳларни кечиргувчиdir. Шубҳасиз, У жуда кечиримли, зиёда билан раҳмат қилгувчиdir".

Тумай бей нажотга умид қилди. Аллоҳнинг китобини такрор ўқиди. Ичи ёришди.

Сўнгра оятнинг давомини ўқиди:

"Сизга азоб етиб қелмасдан аввал Раббингизга қайting, унга бош эгинг..."

Бошини кўтариб:

- Хожам, мен Раббимга қайтиб, Унга бош эгяпман. Сиз гувоҳ бўлинг. Аммо Унга қандай бош эгиши менга ўргатинг, - деди.

Муфти афанди кўзидаги ёшли артиб:

- Ўғлим, - деди. - Аллоҳга бош эгиш - Унга ва У ишонишимизни буюрган нарсаларга ҳеч иккиланмай иймон келтириш, нимани буюрса имкон қадар ба-жариш, тақиқлаган нарсаларидан сақланиш ва уларга яқинлашмасликдир.

Шундан сўнг муфти афанди Тумай бейга шаҳодат калимасини дона-дона қилиб ўргатди:

"Мен гувоҳлик бераманки, Аллоҳдан бошқа илоҳ йўқдир. Муҳаммад соллаллоҳу алайҳи васаллам Унинг қули ва пайғамбаридир".

Тумай бей ўша куни муфтининг олдида узоқ вақт қолиб кетди. Қайтар маҳал қалбидаги хузур ва осойишталик ҳис қилди. Муфти афандининг сўzlари, кўрсатган инсонийлиги ва: "Истаган пайтингда келавер", дейиши Тумай бейда жуда яхши таассуротлар қолдирди.

Муфти афанди унга ибодатлар ва Ислом аҳлоқини ўргатувчи кичкина бир китоб ҳам совға қилди.

Аср намози вақтида масжидга борди. Бир неча киши таҳорат олаётганди. Ҳали аzon айтилишига вақт борлигига қарамай намозга тайёргарлик кўрилаётган эди. Намозхонлар имкони борича Аллоҳнинг уйида кўпроқ бўлишга интилишарди. Тумай бей эрталаб юзини ювган ҳовуз ёнига борди. Бўш ўринга ўтириб, ёнидаги одамнинг ҳаракатларини такрорлаб таҳорат ола бошлади. Сўнг уни кузатиб туришганларини ўйлади. Бироқ шунча йилдан бери итоат қилмагани учун Раббининг ҳузурида қай юз билан туришини ўйлаб баттар ҳаяжонланди.

Масжидга кирди. Оёқ кийимини ечиб бир четга кўйди. Жамоатга қаради.

Барчаси бошини эгиг ўтирас, улар қалбидаги са-мимият эвазига Аллоҳнинг лутфи карамидан умидвор кишилар эди. Булар дунёнинг ўткинчи эканини англаган, ўзларини алдамаган, нафслари орзусига қул бўлиб Раббиларини унумаган инсонлар эди. Орала-рида бой-бадавлат кимсалар ҳам, айни чоқда қорни-ни тўйдириш умидида юрган ночор ҳаммоллар ҳам бор эди. Дунё ва охират орасида турган соқоллари оппоқ қариялар ҳам, тоғни урса талқон қиласидаган ёш йигитлар ҳам бор. Юзлари, бўйлар, кийимлари,

давлатлари- ҳамма нарсалари фарқли, аммо ёлғиз Аллоҳнинг раҳматига муҳтоҷликлари, Ундан бошқа илоҳни танимасликлари жиҳатидан фарқланмайдиган Каъбага Ҳақ ризолиги учун юзланган инсонлар тўпланишганди бу ерга. Булар Яратганнинг турли хил неъматларини идрок этган ва шукр қилиб Аллоҳнинг уйига ошиқкан мўминлар эди. Булар дунёни охиратнинг бир даласи сифатида қабул қилиб, кунда беш маротаба масжидга келувчи инсонлар эди.

Тумай бей ҳозир шу инсонлар орасида. Бу масжид ичida ҳаёти уникига ўхшаган бошқа бирор кимса ҳам бормикан?

Шу қадар покиза бир жамоа орасига кириб, гулзорга отилган тикандек бу илоҳий жамоатни беҳузур қилмасликни ўлади. Бу ердан чиқиб кетиши керакми ё? Ичдан қандайдир овоз уни чиқиб кетишга мажбурларди:

-Чиқ, бу ердан Тумай! Бу ер сенга ўхшаганларнинг жойи эмас, чиқ! Чиқ, кет, бу ер шаробхўрлар жойи эмас. Онасини бирор марта она демаган, мусулмонларга душман бўлганларнинг жойи бу ерда эмас! Чиқ, бу ерда сенга ўхшаганлар йўқ. Тумай, бу ер сенга майхона эмас, чиқ, чиқ!

Қалбидан отилиб чиқаётган бу сўзларга бардош беролмади. Оёқ кийимини топиб кийди ва секин ташқарига чиқди.

Шу иши тўғрими? Шу тонг бу масжид ҳовлисига сархуш ҳолда келган ва қайта ичмасликка қарор қилиб кетмаганмиди?

Бир пайт рўпарасида муфти афандининг келаётганини кўрди. Миясида чақмоқ чаққандек бўлди. Унинг ёнида, унинг гувоҳлигига сўз берганди. Киши Аллоҳга берган сўзидан шунчалик тез қайтиши мумкини? Кейин ўқиган оятлари ёдига тушди: "Сизга

азоб келмасдан аввал Раббингизни танинг ва Унга бош эгинг".

Бу оятни эслаб изига қайтди. Ичкари кириб оппоқ, соқолли бир қариянинг ёнига ўтириди ва унинг юзига қаради. Қария ёнига ким келиб ўтирганига эътибор ҳам бермади. У ёнига ким келганини эмас, Кимнинг ҳузурида эканини ўйларди. Юзлари силлиқ, гўзал эмас. Бироқ, қариянинг юзи нурли, пешонаси кунда бир неча марта Яратганнинг ҳузурида саждага кўйилган нурафшон бир пешона эди. Бу юз шу даражада сокин эдикни, кўзлар бир нуқтага қадалган, нафас олиш пайтида ҳолсизгина кўтарилиб тушаётган елкалардаги ҳаракат бўлмаса, унинг тириклигини ҳам билиш мушкул эди.

Аммо бу қариянинг ички оламида нималар бўлаётганини ким айта олади? Аллоҳнинг шарафли ҳузурида туриб, эҳтимол, ибодатларини не қадар адо этаётганини ўйлаётгандир?

Бу юзда сунъийлик ва риёдан асар ҳам йўқ. Бу ҳаракатларда бирорларга тақвадордек кўринишнинг сохта аломатлари йўқ. Бу юз Яратганга қул бўлишдан бошқа барча нарсанинг ёз ёмғиридек ўткинчи эканига бўлган ишончнинг берган ҳузури билан сокин...

Раббига керагидек, У рози бўладиган тарзда ибодат қила олиш ёки қила олмаслик ўйи билан банд.

Бу жой Аллоҳнинг қули эканини ҳис қилиш осон бўлган жой. Бу ерда бой ҳам, камбағал ҳам баравар. Ҳеч ким бирорнинг амри билан олдинги сафда ўтирамайди. Ҳамма қаерда бўш жой топса, ўша ерга ўтиради. Ёнидагининг ёши, мавқеи ва бойлиги қизиқтирамайди. Бу жойда юксак самимият намунаси мужассам. Аллоҳнинг ҳузурида ҳамма бирдек ҳаққа эга, ҳар бир мўмин ниятига яраша савоб олади. Кимнингдир гўзаллиги, бўйи ёки мансаби инобатга олинмайди.

Тумай бей шу пайт ёнига яна кимдир келиб ўтирганини пайқади. Ўгирилиб қараса- муфти афанди. Унинг кўзлари дўстига салом бергандек енгилгина юмилиб очилди. Кейин эса бу томондаги қария каби хаёлга чўмди.

Тумай бей бу ҳолатдан жуда хурсанд эди. Шаҳарнинг диний бир олимни билан амал дафтарида биронта ҳам эзгулик бўлмаган икки инсон ёнма-ён ўтиради. Муфти афандининг ҳаракатлари ҳам ўта самимий эди. Агар Тумай кечаги аҳволида бўлса, шу ҳурматга лойиқ қўрилмас эди, албаттa.

Умрида отасига ҳам ҳурмат кўрсатмаган Тумай атрофида яхши инсонлар борлигини билиб, буни бир хайрли бошланишга йўйди. Кейин у ҳам коинотнинг ягона Соҳибига "Мени шу икки инсон ҳурмати афв эт, шуларнинг ҳурмати мени ҳам севганларинг қаторига кўш, Аллоҳим! дея илтижо этди. Бу ёлворишини азон айтилгунча давом эттиради.

Намозидан чиқиб, зўр ҳаяжон билан уйига қайтди. Бироздан сўнг онасиға бу хушхабарни айтади. Онаси беҳад хурсанд бўлади. Бу хаста аёл ўғлиниң тавбасини эшишиб, ким билади қай аҳволга тушади? Тумай бей шуларни ўйлаб ҳаяжонланар, қадамини янада тезлаштиради.

Ёш боладек югуриб онасининг хонасиға борди. Эшикни тақилятди, ичкари кирди. Онасининг кўксисда Куръони Карим очиқ қолганди. "Ўқиб ухлаб қолган бўлса керак", деб ўйлади.

У онасини уйғотмоқчи бўлиб:

-Лаилаҳа иллаллоҳ, Мұхаммадур Расулуллоҳ, дея бақирди. Аммо Саодат хоним эшифтади. Тумай бей яна баландроқ овозда айтди. Онасининг уйғонишини ва бу муборак сўзларни эшишиб, завқланишини истарди. Аммо Саодат хоним қимирламай ётарди.

Ўғли онасига яқин келди. Онасининг лабларида майин табассум, юзларида хузур. Кўзлари ярим очиқ. Эгилиб: "Она, она", -деди. Онаси қимирилмади. Кўлини пешонасига кўйди ҳали иссиқ эди. Кейин юрагига қулоқ тутиб кўрди. Юрак тўхтаган эди. Шу пайт Тумай даҳшатли воқеани англаб етди ва жойида карахт бўлиб қолди.

Саодат хоним ўлганди. Ўғлининг ҳидоятга эришганини эшитмасдан, бу хушхабардан кўзлари намланмасдан ўлганди. Эшитса, балки умрида илк ва сўнгги марта саодатга эришган бўлармиди?... У сўнгти муродига ҳам етолмасдан кетди. Яна беш дақиқа яшаса, бу маҳзун қалбига малҳам бўлувчи сўзни эшитармади? Аммо унинг юзидағи майин табассум гёёки гўзал бир манзарани томоша қилаётган кишиларга хос мамнуният, унинг охиратдаги ҳаёти гўзал бўлишидан дарак берарди.

Тумай бей онасининг устида очиқ қолган Куръони Каримни олди, уч марта ўпди ва кўксига босди. Кейин токчага қўйди. Онасининг кўлларини ўпиб: "Бечора онам, бечора онам", -дерди нукул. Чидай олмади. Томогига нимадир тиқилиб гапиролмай қолди.

Саодат хоним ҳам, Сурури бей ҳам ўғлининг "она", "ота" деган сўзларини эшитолмасдан кетди. Уларга бу баҳт насиб қилмади. Эҳ, Тумай бей...

Хонадан чиқди. Кўшни хотинга ахволни тушунтирди. Кейин ўз тўғри муфти афандининг хузурига йўл олди.

Йўл кўзига кўринмади. Ким дуч келса, хабар бериб кетафедри.

Муфти афанди дағнга бош бўладиган киши йўқлигини билгач, ўзи оиласини олиб боришини ва лозим бўлган ишларни аёли қилишини айтди. Ҳамдардлик билдириб, фотиҳа ўқиди.

Маййит ювилди. Сўнгти маротаба тўшагига ётқизилди. Бир нечта маҳалла аёллари қўлларида Қуръон билан ўтириб, "Ёсин" ўқий бошладилар. Саодат хоним ювилиб, янада гўзалланиши унинг саодат муждасини олганлигидан нишона эди.

Тумай бей ҳеч нарса ўқишни билмасди. Фақат, бир неча соат аввал муфти афанди ўргатган "Laилаҳа иллаллоҳ, Муҳаммадур Расулуллоҳ" жумласини такрорлар ва ёнидаги хонада ётган онаси учун Аллоҳнинг раҳматини тиларди.

Юраги замдан қовурилаётган бир пайтда эшик тақиллади. Бориб очди. Майхонадаги улфатлардан бири эди.

-Бўл, кийин, кетамиз.

-Қаерга?

-Қаерга деганинг нимаси? Ичамиз.

-Мен энди ичмайман.

-Тушунмадим. Нега?

-Тавба қилдим. Мени тинч қўйинглар. Онам ўлди, -деди ва унинг жавобини кутмасдан ичкарига кириб кетди. Гаплашадиган аҳволда эмасди.

Уч кун ичида бир уйдан иккита ўлик чиқди. Аммо Сурури бей билан Саодат хоним мутлақо бошқа-бошқа одамлар эди. Йўллари ҳам, ҳаётлари ҳам ҳеч қачон бир-бириникига ўхшамаган икки инсон - эр ва хотин шунчалик қисқа вақт ичида олдинма-кейин охиратга йўл олиши кам учрайдиган ҳодисалардан эди.

Тумай бей отасининг жанозасида маданиятли киши сифатида четдан томоша қилиб турганди. Онаси ўлганда эса жаноза намозини ўқиётганлар сафига қўшилди. Аммо бу намоз ҳақида ҳеч нарса билмас эди. Жамоа ичида виждони энг кўп қийналаётган, Аллоҳдан онасига раҳмат тилаётган ҳам у эди.

Шу пайт намозда нималар ўқилишини жуда-жуда билишни истарди.

Тўғриси, ёнидагиларга кўз қири билан қарай-қарай уларнинг ҳаракатларини такрорлашдан бошқа илож топа олмади.

Сурури бейнинг ёнидан қазилган қабр- Саодат хонимнинг жойи эди. Тумай бейнинг дунёга келишига сабабчи бўлган икки яқин инсон уч кун ичидашу жойга қўйилди. Онасининг устига тупроқ тортиларкан, муфти афанди уч ҳовуч тупроқ ташлади. Тумай бей бунинг маъносини билмаса ҳам такрорлади.

Маҳалла қариялари қабристонгача келишган эди. Бу Сурури бей ёки унинг ўғли хурмати учун эмасди. Улар фақат ҳеч кими бўлмаган кишининг жанозаси қўшниларга юклатилганини яхши билишарди.

Маҳалла аҳлининг наздида бу дунёда Саодат хонимдек ёлғиз инсон кам бўлса керак. Сурури ва Тумай бейдек эр ва ўғлининг боридан йўғи яхшилиги барчага аён. Мазлум бу аёлга қўшниларидан бошқа яна ким ҳам ачинсин? Ё шу пайтгача кимдир ҳолидан хабар олдимикин? Сурури бей ва Тумай бейга ўхшаш маданиятли кишилардан буни кутиб бўлмайди.

Сурури бей ва Саодат хонимдек мутлақо бир-бираiga зид бўлган икки инсон ёнма-ён кўмилди. Бири золимлиги билан машхур, иккинчиси мазлум... Ўлгач, иккиси ҳам тупроқ бўлади... Бири қўлмишларининг жазосини тортади, иккинчиси эса тортганларининг мукофотини... Яхши ҳам, ёмон ҳам бирдек сўроқ қилинади. Нақадар одил тушунча! Тумай бей буни шу пайтгача нега англаб етмади экан.

Бошқа ўликлар каби Саодат хоним ҳам қабрга қўйилди. Бир ҳовуч тупроқдан яратилганди, яна тупроқقا қайтди. Тупроқдан яратилган вужудга бир муддатга юборилган руҳ вужуддан айрилди. У ҳали сал

кейинрок. Қиёмат дәб атапган улуг бир кунда жа-
бир марта келади ва ўша нужудни ятган тутади. Ҳаст-
нинг ҳисобини бериб, имтиyonининг жазо ёки му-
кофотини кўради.

Чириган ва тупроқда айланган суннёт қардай
қилиб тирилади? Бу факатини йўқдан бор қолган ва
коинотнинг яратилиши учун "Бўл" дейинчи кифоз
бўлган Аллоҳнинг қурдати...

Саодат хонимнинг онасининг қабрига қарб ту-
риб Тумай бейнинг инждони азобланди. Отасининг
ҳам қабрига қаради. Яқингинада қўнгли беҳеболиги
хаёлидан ўтди. Кейин ушлаганидан кўзларини кимб
олди. Пушаймонлидан оқтароди.

Аллоҳга тонширдим сен, эй, онажон! Сен ҳастнинг
давомида кулгум, сенинч кимдан ким бешарий мана-
динг... Энди сен ҳузур на саодатни саворади ташсан,
онажон, Аллоҳга тонширдими...

Тумай бей онасини тупроққа қўйганининг учинчи куни ҳайт байрами эди. Факат унинг учун жуда кариббайрам.

Сўнгти бир ҳифта ичиди ҳам ота, ҳам онасини шўғлиган кинни учун байрам байрамдек бўлармиди?...

Ҳайт намозини ўқини учун у катта масжидга борди. Бир чотминга ўтириш. Бу ҳасти давомида биринчи марта ўқистаги байрам намози эди. Бугун у ўз истаги билан келди. Бундан иккى йил аввал онаси: "Үелим, тур, бугун байрам. Байрам намозини ўқиб кел!" - деганда юзига қарамай, сўкиниб кўрпага ўраниб олган эди. Ўна кунни эслаб краги сиқиди.

Масжиддан чиқиб оқиғаланди. Кейин уйига бориб сиди.

Эски дўстлари билан кўришишни истамасди. Янги дўстлари эса йўқ эди. Кариндошлари бор, аммо улар хам коз ўтирган. Бетонадан фарқи йўқ. Неча йиллардин бўйи на узар келинади, на булар боришади. Ноңиганина қариндош... Шундай экан, Тумай бейнинг стиб ухлинидан бониша қўладиган иши қолмаганди.

Ҳар куни оқилем бўлади. Чиқкан қуёш, албатта, ботади. Феңғат кусининг нақдадар куйдиришини унинг олонида көрурмаганинагина билади.

Байрам аслида шодик дарзиклар. Факат унинг шодлигини, байрам мъносини англаганларгина ҳис крабади.

Имконият бўла туриб оила курмаган, фарзандлари ўйнаб курмаган кишилар учун дунё бир киши зўрга сиғадиган даражада тордир. Етимлари билан ёлғиз қояган тул хотиндан узимасдан байрамнинг мъносини сўрасангиз, слюсарини қисиб, лабини бургани-

ни кўрасиз. У берадиган ягона жавоб: "Бунинг маъносими... Эсимда йўқ, эслолмаяпман. Биладиганлардан сўраб кўринг".

Тумай бейнинг бу ҳайит кунидаги аҳволини англаш учун юқоридаги изоҳлар етарлидир.

Фам, қайғу ва ҳасрат... Булар заиф инсонларни узоқ вақт ўз ҳукмига солади. Фам-қайғу уларни бирор майхонага бошлайди. У ердан эса қиморхонага...

Тумай бей ҳеч нарсани эшитмаслик ва кўрмаслик учун пардаларни яхшилаб ёпиб олди.

Агар байрам бир ҳафта, балки ўн кун аввал бўлганда эди, Тумай бей уйда боғланиб ўтирмасди. Ким билади, нималар қилиб юрган бўларди. Аммо, энди борса қайтмас бир йўлга кирганди. Бу йўлда охиригача юриш кераклигини тушунган, қабул қилган эди. Аммо бу байрамнинг маъноси нима экан? Ёлғизлигига қарамай қандай чора топса экан?

Эшик тақиллади. Бориб очди. Эски дўстларидан бири эди.

-Уйда ёлғиз ўзинг нима қилиб ўтирибсан?

-Ётибман, ухлаётган эдим.

-Мен сени уйғотишга келдим. Юр, шу уйда отангнинг руҳи тинчлансин. Неча кундир кўчага чиққанинг йўқ.

-Мен ичишни ташладим.

-Кўйсанг-чи, оғайни, шу сафсатангни.

-Сафсата айттаётганим йўқ.

-Сўфи бўлганинг тўғри! Ишонмагандик. Меҳмон бўлиб келдик. Меҳмонни ҳам шундай кутиб оладиларми?

-Уйимнинг тўри сизларники. Аммо ичқилик деган гап бўлмайди. Ота-онам ўлганинига ҳали бир ҳафта ҳам бўлгани йўқ.

-Жўра. Отанг ўлганининг эртаси кун қабри бошида ичгандинг-ку! У ерда ичган бошқа бирорниди ё?

-Биз эдик.

-Ха, шундай экан бу нима деганинг?

-Энди пушаймонман. Энди қайтиб бу ишни қилмайман. Сенинг ҳам ташлашингни истайман. Кел, покиза бир ҳаёт кечираильик.

-Бу ҳозир ўйладиган масала эмас. Билишимча, байрамни бурнимиздан чиқармоқчисан, шекилли. Бир кун келиб ақлинг кириб қолса, дунёning лаззатини тутиш, ўйин-кулги қилишни истасанг, кел, бизни ўша ердан топасан! Гапларимни ўйлаб кўр, кейин пушаймон бўлиб юрма. Сенга ўхшаганларнинг кўпини кўрганмиз. Тавба қилдим, деб, аҳдини бузиб юрганларни.

-Менинг қарорим қатъий. Асло пушаймон эмасман ва бундай бўлмайди ҳам.

-Яхши, уйда ёлғиз сиқилмаяпсанми? Чиқиб кешишни истамайсанми?

-Истайман, аммо мени эски ва жирканч ҳаётга қайтармайсан.

-Ундай бўлса, хайрлашамиз, Тумай. Боя айтганимдек, ақлинг кириб қолса, сени яна кутиб оладиган дўстларинг борлигини унутма. Бўлти, яхши қол.

-Яхши бор...

Ўртоғи кетгач, эшикни ёпди. Кетган ҳам, қолган ҳам хафа эди. Кетган кимса ўртоғидан ажраганига, ёш бўла туриб дунё завқини, лаззатини бир тарафга йиғиштириб кўйганига хафа эди. Қолган эса...

Бир газетада ўзгартирилган исм ҳақида эълон берилди. Эълонда Тумай исмининг Мурод исми билан ўзгартирилгани айтилган эди.

Мурод бейнинг эски исми, унчалик ёмон эмас эди. Аммо у янгидан дунёга келгандек бўлиб, бун-

Муроджонларни сабакларда сабаклар

Муроджонларни унинг исми Муроджо ўзига ишлаб берилади. "Тусай дигинда ишт бер отаевинг саруши бир фарзандини кўз олинига келтирилади. Жуда яхши қолибди. Бени ўн кундан бўлашганда тарзидан тарзига ўйлаб, Имамнинг эдди тўғри муроджонларини", дейлади.

Муроджонлар исходидан жуда османли. Гарчи бу исм оғирдиги унни ташаббусиданор бароқ билди сандарни бўлашади, эзотерик художникага улуғларб, энди тафсилатидар эса шу исми билди. Муроджон ўйнаб жамиун бўлади. Вонг ўшан сари муроджон-хўй бу исмига ўрнаниб изолиди. Мурод бей борлан сари бу художникага тони билди. Кроносорса, бу художникага кўн художникларни ўйнаб кранидиди. Энди ҳар кун кирсанчидан иштади. Форсий токсилинича ҳизмат ёўқ. Яшнишини бу кирсанчидан курағанни сади. Муроджон ағомни буришларни тасдиличи ишлайди. Маскадин чирб, нур изгиб, саломидан кўраб ишлайди. Кўнишини унга сўзимни билди. Сабакларни сандарни ташаббусиданор ҳам кранидиди.

Кўнфуциус сўзарини эннинг ташаббусиданор бўлади. Унга сабакларни бор рузраний музунга кирди.

**Ахмадик - шарифин исеби. Ватанын мактабаларында
бу исебине олук барынан фарзандарнын күрүшенин көз-
тукшылуу бу шарифин исеби болуп.**

**Ватанын мактабаларынан фарзандарнын үзүбүн
курулган түшүнүү.**

**Ахмадик - шарифин хөхчүлгүүрдөйлөнген бириншүү
жасолук жаңынан көзтүмсүм томончуларынын музейине
тушумбадык наа Ўрганчды. Осмондан көркөндер ах-
мадик - шарифин көзтүмсүм, мунайым бүлүшбүлөнгөнди.
Енисеяда олардын түшүмбүлөгүзүнүү үзүбүнчөөнүн бүлүшбүлөнгөнди.**

**Бир други Шарифин сүйгү Мурод бей хана ахмадик -
шарифин жүзүнүү.**

**Мурод угуз хана ахмадик - шарифин түшүмбүлөгүйдөй. Мирим
Сабитовдин түшүмбүлөгүйдөй Сарханадык Ахмадик -
шарифин көзтүмсүм, солчуктардын сапарчысын дүйнештерүү
бүлүшбүлөгүйдөй Сархан. Анын уураалында бүлүшбүлөгүйдөй,
бүлүш сапарчы, дүйнештерүүнүү түшүнүү.**

**Солчуктардын түшүнүү, түрбөлүстүрүлүп көрүүнүү
бүлүшбүлөгүйдөй хана берэлик. Көнчигидер түрбөлүстүрүү
бүлүшбүлөгүйдөй хана берэлик сүрөттөнүү, эле Сархан
ээз ээз хана хана хана берэлик хүчкүүнүү. Хана
бүлүшбүлөгүйдөй, ахмадик - шарифин түшүнүү түшүнүү
бүлүшбүлөгүйдөй хана бер.**

Мурод дүркүүдүүлүштүрүрдөй.

**Күрүшүнен Башкыр, Фороскаган, Ахмадик - шарифин
түшүнүү, Барынан бүлүшбүлөгүйдөй Сарханадык Ахмадик -
шарифин түшүнүү береси кийин... Шүсбөбүлөгүйдөй
ээз ээз учи бүлүш сапарчы көрүк, дүйнештерүү. Көнчиги
үзүбүнүү Муродин күдүмбүлөгүйдөй Ахмадик - шарифин
бүлүшбүлөгүйдөй берэлик.**

Аскарликка келганидан буён биронга ёмон сўз гапирмаганди. Ёмон йигитларга қўшилмади. Ўзича хаёлга берилди. Баъзан уни гапиртириш учун аскарлар ҳазиллашиб:

-Мурод, нега сен оғзига талқон согандек жим ўтирасан, гапирсанг-чи!-дейишади.

Мурод эса:

-Кечирасизлар, мен жимгина дам олишни яхши кўраман,-дея жавоб беради.

Аслида у дам олмасди.

Ҳа, Мурод кўпинча жим ўтиради. Гапирганда ҳам жуда оз ва ўринли сўзларди.

У кўпроқ тинглашни афзал биларди.

Бошқа аскарлар унинг кўз олдида бемаъни ҳазиллар қилишарди. Булар қишлоқларда, шаҳарларнинг тарбиясиз кўчаларида етилган, шу пайтгача гўзал ахлоқ деган тушунчадан йироқ йигитлар эди. Улар қоматлари келишган, кучлари ортган бир кўринишга эга. Бироқ руҳий жиҳатдан ноҳорэди.

Бу гавҳар йигитлар, ким билади қайси Сурури бейларнинг кўлида шўҳолга келган экан? Улар покиза қалбли, юксак ахлоқли йигитлар бўлиб улғайишлари мумкин эди-ку! Мурод бу муҳитда сиқилиб кетар, гўё эски ҳаётига мажбуrlаб қайтариладигандек бўлиб туюларди. Шунда у кунгилда дуоларни тақорорлаб, нахот топишни орзу киларди.

Килиш зарур бўлган вазифани бажаришга ошикарди:

-Менга сув келтиринг!

Командирнинг берган умумий буиругини бажара-диган киши борми, дея атрофга кўз учидагандарни кутмасдан, Мурод сакраб туриб сув келтирарди: "Марҳамат, командир!"

Овқат вақтида командир кўнгилли икки кишини чақиради. Дарҳол Мурод турарди. Дўсти билан бориб, вазифани бажаарди.

Мақсади: шу пайтгача унга ҳеч ким буйруқ бермасди. У нафсини бироз юмшатиш, аслида бир инсонга итоат қилиб, ўзини буйруқларни бажаришга ўргатаётганди. Бутун оламни яратган Аллоҳга шунча йил бўйин эгмаган нафсини, Аллоҳнинг ожиз бир кулининг хизматчиси бўлиш билан тарбиялашга ҳаракат қилаётганди.

Вақти келиб, яна кўнгилли бўлиб Мурод ўрнидан турганида командир:

-Мурод, сен ўтири. Ҳар доим сен бажарасан. Сен тур, Жоҳид!-деди.

-Ўртоқ командир, менга шу иш ёқади. Завқланиб бажараман.

-Бошқалар ҳам завқлансан.

Аслида завқланиб бажариладиган иш эмасди. Фақат бир вақтлар бурни осмонда бўлган, бирорвинг амрини бажаришни хаёлига ҳам келтирмаган нафсининг бугун хамирдек юмшоқ бўлиб қолиши ҳақиқатан ҳам унга завқ берарди.

* * *

Аскарлик Муродга маъқул келди. Ҳар кун тонгда туриб югуриш, спорт билан шуғулланиш, кейин ўкув ишлари...

Танаси ҳам бақувват бўлиб, жигарлари ҳам тузалётганини ҳис қиласди.

Аввалига жуда ҳолдан тойиб қолди. Буни ёшлигининг қадрини билмаганининг жазоси деб қабул қилди. Аммо энди бу ҳолдан тойишлар камайди. Эрталаб туриб бомдод намозини ўқигач, вужудида енгиллик ҳис қилди.

Вақти келиб, якшанба кунлари шаҳарга чиқишига рухсат берилди. Ҳамма қатори у ҳам чиқди, томоша қилди. Фақат ёлғиз ўзи, якка...

Бирор киши билан дўст тугинмаганди... Тўғрироғи, ҳар томонлама пок ва тўғри бирор кишини топмагунча дўст тутиш фикрида эмасди. Дуч келган билан дўстлашиб, кейин афсус чекишини истамас, ўрнак бўладиган, ҳақ йўлида юришига ёрдам берадиган киши билан дўст тутинишга қарор қилганди. У билмасдан ёмонлар билан дўстлашиб қолишдан кўрқарди. Шунинг учун дўстсиз бўлса ҳам, шу тарзда ҳаёт кечириш унга малол келмасди.

Шаҳарни билмагани учун тўғри келган бир кўчага бурилди. Бу кўчада нима қиласди? Ҳеч нарса. Бошқаларида ҳам ҳеч нарса қиласди.

Томоша қиласдими?... Юрди, юрди...

Шу пайт наридан ёшгина бир қизнинг юриб кетаётганини кўрди. Ортида икки йигит ҳам. Йигитлар қизга тобора яқинлашмоқда. Қизнинг устида бир пальто, бошида рўмол. Кўринишидан унча гўзалга ўхшамасди, аммо жуда ҳам гўзал ўранганди. Юзлари қизарган. Бунинг сабаби тез юрганидан эмас, балки ортидан келаётган йигитларнинг одобсизликлари эди.

Хаёлида нимадир ярақлаб ўтди. Ақли шошди. Нрафрат қилган Тумайнинг шахси кўз олдида жонланди.

Орадаги масофа оз қолганди. Уч-тўрт сониядан сўнг рўпара келадилар.

Мурод уларнинг йўлини тўсди ва:

-Бир дақиқа. Сизлардан бир нарса сўрамоқчи эдим,-деди.

Йигитлар афтларини бужмайтирди. Уларга малол келгани кўриниб турарди. Мурод сезмагандек сўради:

-Бу кетаётган хонимга қандай алоқаларинг бор?...

Кутилмаган савол. Икки йигит бу аскар биздан: "йўлга қайси кўчадан чиқлади, деб сўраса керак", деб ўйлашганди. Улардан бири:

-Сени нега қизиқтириб қолди?-деди.

Мурод:

-Шу шилқимликни мен сингилларингга қилсам нима қиласардинглар?

Йигитлар фазабланди. Бири жавоб берди:

-Бу ёфи энди ортиқча.

-Нимаси ортиқча экан? Бир маъсума қизга шилқимлик қилиш ортиқча эмасми?

Шу пайт улардан бири атрофга аланглади. Бу ҳаратат яхшилик аломати эмас.

Мурод қатъий равишда уларга танбех берди.

Йигитларга бу гап ботиб кетганди. Дарҳол Муроднинг ёқасидан олишди. Мурод жанжаллашмоқчи эмас. Мурод жанжал, муштлашув нималигини яхши билади. Бу борада унинг маҳорати зўр.

Учови жанжал кўтарди. Уларни ажратиб қўйишга ҳеч ким йўқ эди. Уларнинг бу шовқинларини деразадан кўрган аёллар бақириб берди.

Кўчадан ўтаётган бир аскар югуриб келди. Икки йигит дарҳол қочишга тушди.

Мурод вазифасини бажарганди. Унинг вазифаси миллатининг ҳамма нарсасини душмандан ҳимоя қилиш эмасми? Маъсума бир қизни ҳайвоний ҳисларга асир бўлган икки безоридан асраш ҳар бир асли ўғлоннинг вазифаси.

Мурод тўғри иш қилди.

Бир нечта мушт еди. Зарари йўқ. Ҳаётда ҳамма ҳам мушт ейди... Аммо бу муштларнинг маъноси бор. Ҳар битта еган мушти аввал қилған одобсизликларининг жазоси...

Мурод ўша кеча қуриётган бир ниҳолга сув қуяётганини туш кўрди. Ёнида бир қария: "Офарин, болажоним, мени бу заҳматдан қутқардинг", -дея мамнунлигини билдираётганди. Уйғониб кетгач, бу туши яхшиликка эканини ҳис қилди. Кечаги жанжал ёдига тушди. Ҳайвон табиатли икки разилнинг номусли бир қизга қилган қилифи унинг қалбida чукур яра очганди. Кўча-кўйда ярим-яланғоч бўлиб, маҳрам жойларини фуур билан очиб юрадиган беҳаёлар йўқми? Ҳаёсизлар кўп. Бу бечора қиздан нима исташди?...

Яхши инсон бўлиш, инсонийлик бошқалар номусини ҳам ўз номусидек муқаддас ва муборак ҳисоблашдан бошланади. Ҳар бир киши аввало, ўз акаси, синглиси ёки турмуш ўртоғини ўйлаши лозим. Бунақа одобсизларга сабоқ бериб қўйиш керак, токи қўлмишларига тавба қилишсин. Мурод ана шуларни ўйлаган эди.

VIII

Дам олиш соати эди. Ўн бир кишидан иборат гуруҳ дам олиб ўтиришарди. Бунака пайтда бир бордан, бир тоғдан гап кетади. Гуруҳда энг паст бўйли Шароф бугун жуда фамгин эди. Унинг кайфияти бутун гуруҳга таъсир қилди. Унга мактуб келганди. Шароф амакисининг қизига телбалардек ошиқ эди. Мактубда энди у ҳақда ўйламаслиги ёзилган эди.

Шароф аскарликка келганидан буён дардини бирорвга айтмаганди. Ўз ёғига ўзи қовурилиб ётарди. Унинг бундай оҳ чекишлари, ҳатто ора-сира яширинча йиғлашлари бошқаларнинг диққатини тортган, унинг дардини билишга ҳаракатлар бошланган эди. Натижада зўрға чидаб юрган Шароф, ҳеч кимга айтмаслик шарти билан энг яқин дўсти Солиҳга кўнглини амакисининг қизига ташлаб келганлигини айтди. Унинг энг катта дарди шу эди. Оҳҳ, қанийди унга ўйланса, бошқа ҳеч бир тилаги йўқ Шароф усиз баҳти ҳаёт кечиришини тасаввур ҳам қилолмасди. Севги кўзларини шунчалик кўр қилиб кўйганди.

Солиҳ унинг бу дардига қачонгача ўртоқ бўла оларди? Эгасининг юрагида сақланмаган сир, бошқа бирорвнинг юрагида қанча туриши мумкин?

Солиҳ билган ишқ можаросини бошқаларга айтган эди. Орадан уч кун ўтиб, Шароффдан сўраб қолишиди:

-Амакингнинг қизидан нима хабар бор?...

Шароф ҳайрон бўлди.

-Гапирсанг-чи, нима гап?!

Шароф жаҳли чиқиб:

-Сен буни кимдан эшитдинг?-деди.

-Умардан.

-У-чи?

-Комилдан.

Шароф бошқа сўрамади. Сўраса, ким билади унинг кимдан эшиганини... Ўртоғининг саволига жавоб бермасдан бошини эгди. Энг жиддий масала - ўртоқларига масхаралаш учун эрмак бўлгани. Демак, ҳеч кимга айтмаслик шарти билан очилган сирдан ҳамма воқиф бўлибди-да. Энг аввал Солиҳни топиб, унга омонат сирни бошқаларга айтиш инсофдан эмаслигини, "Буни ҳеч кимга айта кўрма, Солиҳ!" деганда, унинг: "Жиннимисан, Шароф, мен сенга ёш боламанми",-деган гапини эслатиб, юзига тупурмоқчи бўлди... Аммо, бундан не наф? Энди фишт қолипдан кўчиб бўлган эди.

Оёқ товуши эшигилди. Бошини кўтарди. Бир ўртоғи келарди:

-Оооо! Машааллоҳ, нимани гаплашяпсизлар? Ўша масалами, Жалил?

Буниси ортиқча эди. Номуси беш чақалик бўлганди. Ё жанжал чиқариш ёки сабр қилиш керак. Шундай қилди. Индамай туриб кета бошлади. Ҳозир келган ўртоғи йўлини тўсди:

-Қаёқقا? Биз бегонамизми, гапни тўхтатдиларинг. Бугун олам эшилса майли-ю, биз айрилиб қолдикми?

Шароф индамасдан кета бошлади. Ортидан гуррос кулги кўтарилди.

Командир уларни койиб, Шарофга:

-Бу нима юриш? Биз ҳам севамиз. Дунёда ошиқ бўлган бир сенмисан, аҳмоқ! Мен сенинг ўша қизингнинг юзтасига бир нишонимни алишмайман. Бўлдида энди... - деди.

Аммо ўртоқлари уни саволга тутар, мазах қилиб кулишарди. Бу гаплар овқатга солинган ортиқча туздек эди. Ўртоқларининг масхараомуз сўзлари Шарофнинг қалбига санчилиб, уни ранжитди.

Гаплар Шарофни буткул умидсизликка туширди. Аммо у амакисининг қизини жуда-жуда севарди, унинг хаёли билан овунарди. Охирги келган мактубда амакиси норизо эканини маълум қилгач, девонага айланди қолди.

Мурод Шарофнинг ҳолига ачинди. Ўнгга бурил дейишса, чапга бурилар, ўзини буткул йўқотиб кўйганди. Унинг аҳволига командир жаҳл қилмади, ҳазил оҳангидаги:

-Ошиқ! Чапгамас ўнгга бурил,-деди. Шароф эса ўнг билан чапнинг нима фарқи бор дегандек бепарво қараб турарди.

Шароф иродасини қўлдан бой бериб, ишқ денгизига фарқ бўлди; ҳаётга қизиқиши қолмаганди.

Дунёда ягона умиди шу эди. Унга энди барибир. Ҳаёт билан ўлимнинг фарқи йўқ...

Унинг ягона саодати бўлиб кўринган амакисининг қизи шу даражада бебаҳоми? Бирор киши унга уйланса ютадими? Ёки бирор нарса йўқотадими?

Ишқ дардига гирифтор бўлғанлар севгилисини ҳеч бир нуқсонсиз тасаввур қилишади, турмуш қургач эса хаёллар тўзғиб кетади. Ҳақиқат зоҳир бўлади. Нуқсонсиз кўринган севгилисининг нуқсонларга тўла эканини, фазилат унда ватан тутмаганини кўриб ҳайратланади. Баъзан пешонага мушт тушади, гоҳида сочлар узилгудек тортилади. Бу дунёни гўзал қилиб кўрсатган нафсини айблайди. Инсонни фаришта қилиб кўрсатган, "севганинг ҳам фаришта эмас, инсон", демаган ақли ва виждонини айблайди.

Аммо энди бундан не фойда?..

Ишқ шундай бир селдирки, баъзан унда Мажнун Лайлонинг изидан оқади, баъзида Фарҳод Ширинни топиш учун бир қирғоқдан иккинчи қирғоқча ўзини уради; баъзида эса Тоҳир Зухраси йўлида чўкиб жон беради.

Ана шуларни ўйлаган Мурод Шарофнинг ёнига борди. Унинг дардини дўстона тинглади. Ниҳоят:

-Мен ҳеч кимнинг шахсий ҳаётига аралашишни истамайман. Аммо сен бу аҳволдасан. Бу ишинг тўғри эмас. Масалан, ўша қиз дунёга келмаганида қандай яшардинг? Ёки унга ошиқ бўлмасдан аввал-чи?

Хўп, бугун унга эришдинг ҳам дейлик, эртага у сендан олдин ўлиб кетса нима қиласан? Кўнишига мажбур бўласан-ку, сенинг ягона Аллоҳ олдида бурчларинг бор, уларни бажариш мажбурийдир.

Ҳаётингни бошқа бир аёл билан ўтказишинг мумкин, аммо Аллоҳнинг буйруқларини бажармаслик мумкин эмас.

Ҳа, Шароф ҳам Аллоҳнинг қули эди. Бу томонларини ҳеч ўйлаб кўрмаган экан. Гарчанд бу кўнгил масаласи бўлса ҳам, ақл тарозусига тортиб кўрилиши шарт. Эҳтимол, пухта ўйлаб кўрилмагани учун шу вазият юзага келгандир? Қолаверса, қариндошлар ўргасидаги никоҳ носоғлом фарзандлар дунёга келишига олиб келмайдими?..

Мурод бу ишқ ҳикоясини бошдан-оёқ таҳлил қилиб беролмасди. Ўз харобасини таъмирлаб олмаган киши, бошқаларнинг ишига қандай қилиб аралашибин? У фақат инсонийлик юзасидан виждан буюрганини айтди, холос.

Шароф Муроднинг бу сўзларига қулоқ соладими? Эҳтимол...

Аммо қулоқ солмаса ҳам, хафа бўлмайди. Инсоннинг сўзига инсоннинг кирмаслиги- бу ранжийдиган ҳолат эмас. Ўшанда унга насиҳат қилганлар ҳақ эди. Фақат бу сархуш эди.

Кунлар ўтиб борарди. Шароф хизмати тугашини кутарди.

Аскарликка келган йигитларнинг қўпчилиги мактабда ўқишмаганди.

Ўқишишни билмайдиганлар бу ишни Муроддан илтимос қилардилар. Мактубларни ёздиришиб, дуо қилишарди.

У доимо ўртоқларига самимият билан кўмаклашарди. Бир куни улар узоқ сафарга чиқишиди. Ёнидаги шериги тобора ҳолсизланиб борарди. Пешонаси қора терга ботди. Мурод унинг юкларини олди. Шериги миннатдор бўлди.

Йўл борган сари узаяр, сув ҳам тугаб борарди. Шеригининг сув идиши бироз аввал бўшаганди. Мурод ўзиникини унга берди.. Бир ичгулик сув бор.

Шериги эътиroz билдириди:

-Ўзинг чанқасанг нима қиласан?

-Мен сувсагунча бирор чацма учраб қолар. Ол, сен ич, Аллоҳдан онамга раҳмат тила.

* * *

Мурод хизматга кетаётиб, уйини ижарага қўйган эди. Ҳар ой унга ижара ҳақи келиб туради. Шу сабаб Муроднинг қўлида доим бир-икки куруш бўларди. Кетадиган ёки пули тугаган ўртоқлари Муродни тошишар ва қарз олиб эҳтиёжларига ишлатишарди.

Шундай кунларнинг бирида бир чақасиз қолган ўртоғи ундан пул сўради. Етиб борган заҳоти пулни тўлашини айтди ва юз лира олиб кетди. Аммо бир ҳафта ўтди ҳамки, дарак йўқ. Орадан бир неча ой ўтди, пул келмади. Мурод унинг имкони бўлмаётгани сабаб муҳлат сўралган хатини кутди. Бу ҳам йўқ.

У пулнинг қайтишидан кўра берилган ваъдани ўлади. Инсон ўзини юз лирага сотмаслиги керак эди. Пулга қул бўлган киши инсонийлигини йўқотади. Шу сабаб у ўртоғининг пулни юборишини ёки бирор узрини кўрсатган мактуб жўнатилишини кутарди, пул деб инсонийлик оёқ ости бўлишини истамасди.

Унинг юрагини кемириб виждонини роҳатсиз қилаётган масала шу эди.

Аллоҳ адолатли, У ўша пулни ортиғи билан энг эҳтиёжли кунда қайтаради. Мурод шу сабаб хотиржам эди. Унинг ортидан гапирмади. Пулни жўнатган, жўнатмаганини сўраганларга эса:

-Пул йўқолмайди, эртага оларман. Сен бекорга гуноҳга ботма,-дея жавоб берди.

-Эртага уни қаердан топасан?

-Охиратда.

-Жуда узоқ эмасми?

-Узоқ бўлса ҳам, келишига ишонаман. Ҳам ўша кунда менинг эҳтиёжим кўпроқ бўлади.

Шу зайлда масала ёпилди.

Яна бир йигит бирордан эллик лира олибди, қайтиб жўнатмабди. Унинг кетидан турли ёмон сўзлар айтилди. "Инсонийлик бундай бўлмайди-да. Бирга нонтуз егандик", дейилди. Қарз берган йигитни бир четга тортиб:

-Салимга берган қарзингни олишни истайсанми?-деди.

Йигит тушунмади.

-Нима демоқчисан?

-Айтмоқчиманки, мен сенга Салимнинг қарзини тўлайман. Салим мендан қарздор бўлади.

-Яхши, аммо сен уни қандай топиб оласан?

-Бу ёгини менга қўйиб бер.

-Яхши, розиман.

Рози бўлмасликка сабаб ҳам йўқ. Мурод давом этди:

-Аммо иккита шартим бор. Биринчиси, Салим ҳақидаги фийбатни бас қилиб, Салимнинг пулни юборганини бошқаларга айтасан.

-Яхши, иккинчиси?

-Иккинчиси, бу гапимиздан учинчи бир киши ха-

бар топмасин. Ўртамизда қолсин. Менга эркакча сўз берасанми?

-Хўп.

Мурод чўнтағидан эллик лира чиқариб узатди. Йигит тушунмай пулни олди ва чўнтағига жойлади. Бирордан кейин у сигарет тутатганча бу масалани ўйлаб ўтиради. Мурод Салим билан ҳамشاҳар ҳам, яқин дўст ҳам эмас. Буни қандай изоҳлаш мумкин?

Бир соатдан кейин яна Муроднинг ёнига борди:

-Мурод!

-Лаббай, дўстим.

-Боя қилган ищингни менга тушунтиранг. Тушунолмадим, нега бундай қилдинг?

-Масалани ёпдик-ку?

-Тушундим, аммо ҳеч ким эшитмайди, нега сен бу пулни бердинг?

-Менинг гуноҳларим жуда кўп.

-Яхши, қандай гуноҳ?

-Ҳозир сен пулингни қайтиб олдинг. Энди Салим ҳақида ёмон гаплар айтиб гуноҳга ботмайсан. Менга келсак, Аллоҳ буни қайтаришига ишонаман. Шу сабаб гуноҳларимни кечиради. Фақат илтимос, бу ҳақда бошқа сўрама.

* * *

Командир бир куни уни четга чақириб дедики:

-Мурод! Шу кунгача бирга хизматдамиз. Мана айрилиш дамлари ҳам яқинлашиб қолди. Биринчи келган кунларингда сени, тўғриси, ёқтиргмагандим. Безори йигитлардан бўлса керак, деб ўйлагандим. Аммо аҳлокинг гўзал экан. Мана бугун, энди сендек дўстдан ажраламанми, деб юрагим эзилияпти. Сен билан шахсий яқинлигимиз йўқ эди. Тўғрироғи, сен ҳеч ким билан яқин дўст тутинмадинг. Аммо, бўлимда сени ҳамма яхши кўради, ҳамма дўст деб билади.

Муроднинг кўзлари ёшланди. Кучоқлашдилар. Муроднинг қалбида фуурга ўхаш бир туйғу пайдо бўлди. Кейин бундай меҳр ва илтифот сабабини ўйлади: оғир, босиқлиги, бироннинг шахсий ҳаётига аралашмаслиги, ҳар ишга бурнини суқмаслиги, керак бўлганда гапириши, имкон қадар бошқаларга кўмаклашиши шундай хурмат ва эҳтиромга сабаб бўлганди.

Мурод ҳаммани оға-инидек хурмат қиласарди. У гапирганда ҳамма тинглар, унинг ёнида туришни шарап деб билишарди.

У оқшомгача яна-да яхшироқ бўлиш учун нималар қилиш ҳақида узоқ ўйлади.

Мурод ётогига ётганида ҳам ҳаяжони босилмади. Ухлаш учун у ёқдан - бу ёққа ағдарилиб ётди. Атрофига хуррак овозлари эшитилди.

Тунда у навбатчилик қилишни керак эди. Туриб кийинди. Секин юриб айлана бошлади. Ухлаётган ўзу инсонлар бехатарлиги учун уйқусидан воз кечди. Усти очилиб қолган йигитларнинг устини ёпиб қўйди.

Мурод навбатчиликни икки соат уйғоқ туришлик деб тушунмасди. У миллатнинг ишонч ва эътиқодига доғ туширмасликка ҳаракат қиласарди. Доим навбатчилигини чин кўнгилдан бажарар ва бундан қалби хузурланарди.

У айланиб юаркан бир ўртоғининг уйғонганини сезди. Ўртоғи туриб ташқарига чиқди. Бироздан сўнг оёқ товушлари яқинлашди. Мурод ёнидаги йигитнинг устини ёпаётгандек атайнин эгилди. Келган йигит уни кўрганига ишонч ҳосил қилгач, қаддини ростлади ва айланишда давом этди. Аскар йигит унданги инсонийликни кўриб, миннатдор оҳангда:

-Соф бўл! Мурод! Қанийди биз ҳам сендеқ бўлолсак,-деди.

Соат учга беш дақиқа қолганди. Кейинги навбат-

чини уйғотди. Навбатчиликни унга топишириб жой-
ига ётди.

Эрталабки нонуштада тунги навбатчиликдаги ин-
сонийлик ҳақида сўз борарди.

Шу ҳақда сўз бораркан Муроднинг пешонасини
тер қоплади.

Холбуки, бу совуқ тер. Бу терлар нафсининг риё-
корлиги учун пешонасига чиққан эди. Бу йўлда ёлғон-
чилик ва риёкорликни қўллаган нафсга алданишнинг
жазоси эди. Яратганинг билганига қаноат қилмай,
инсонларнинг ҳам билиши учун ҳаракат этган, чек-
сиз қудрат Соҳибини қўйиб, Унинг ожиз қулларига
эътибор берган Муродга бу оғир бир сабоқ бўлди.

Кўп кутуб туролмади. "Баттар бўл, Мурод, ўртоқ-
ларингнинг мақтовларига эришдинг, аммо Раббинг
олдида разил бўлдинг, тур. Тургин-да бу ахлоқсиз
нафсингни тарбияла, тизгинини қўлга ол!"

Мурод ўрнидан турди. Қорни ҳали тўймаганди.

Ўз-ўзини одам қилишга уринган Мурод шу пайт-
гача яхши кўринишда бўлганлиги табиий ҳол. Бу ин-
соний ҳаракатлар билан бир йилдирки, ҳаммани ал-
даб келди. Ҳатто Мурод ўзини ҳам алдаганди. Аллоҳ
риё билан қилинган ишни қабул қилиш мумкинми?

Ўша куни командирнинг мақтовларига қулоқ со-
лгани учун ўзини айблади. У иккинчи бундай ўз-ўзини
яхши кўриш ва мақтовларга эrimасликка қарор бер-
ди. Бу хатосини такрорламаслиги лозим. Бу фикрида
собит туриши учун Раббининг улуф қароргоҳига юз
туғди.

Унинг кўмагига муҳтожлигини чин дилдан айтиб
илтижо қилди.

* * *

Икки йиллик хизмат тугади.

IX

У ота юртига қайтди. Тўғри бир меҳмонхонага тушди. Ижарада тургандарга уйини бир ой ичидан бўшатишлари ҳақида хат ёзди. Мурод шу дақиқада у уйининг бўш ёки бўш эмаслигини билолмасди. Эртаси кун борганида эса икки кун аввал бўшатилганлиги ни билди. Уйига жойлашди.

* * *

Орадан бир ойча вақт ўтди. Бироқ Мурод ҳали ҳам бирор ишнинг бошини тутмаган эди. Қўлидаги бир неча қуруш кундан-кун камайиб борар ва бу ҳол уни жиддий ўйга соглан эди.

Ёшликнинг табиий бир эҳтиёжи бўлган уйланиш хаёли ҳам унинг тинчини бузган эди. Аммо қўлида бир иши бўлмаган киши қандай қилиб оиласини боқади? Шу боис, аввал бирор иш топиши, кейин уйланиш ҳаракатига тушиши керак.

Суури бейдан фақат шу уй қолганди. Аммо бу уй мероснинг моддий томони эди. Мероснинг маънавий жиҳати эса...

Шу вақт оралиғида Мурод ҳар қачонгидан ҳам кўпроқ эзилди. "Қўлимда бирор хунарим бўлсайди", дерди ўзига-ўзи. Чунки хунар қорин тўйдиради. Ҳозирги ақли бундан саккиз-үн йил аввал бўлсайди, албатта яхши ўқирди, ёки қийналиб бўлса-да, бирор хунарнинг бошини тутарди.

Муҳтожлик эшик қоқа бошлади.

Тиланчилик ҳам, ўғирлик ҳам қилолмайди. Ҳаммоллик, чиптачилик, бекатларда аравакашлик - бундай ишларга кўнгли бўлмади. Яна бирор магазинга кириш, бир-икки савдогарнинг ҳисоб-китобини ба-

жариш каби ишлар бўлса киради. Аммо шу иш ва иш берувчи қаерда?

Орадан яна бир ҳафта ўтди. Бу бир ҳафта Мурод учун жуда оғир бўлди. Дунё шу қадар тор келгандики... Мурод bemalol нафас олишдан маҳрум бўлиб қолгандек эди. Қалби қафасдаги күшдек..., фақат кутулиш имконига эга эмаслигини англаш етишдан бошқа бир ишга ярамасди.

Чўнтағида атиги эллик лира бор. Битта нон бир лира туради. Аммо фақат нон билан кун ўтмайди. Қаерда ўша эски қунлар?... Қаерда - ўша эллик лиранинг бир оилани бир ой бокқанлари?...

Эллик лира бир неча қунга етиши мумкин, холос.

Мурод аскарликдаги ҳузурини кўмсади.

Шанба куни эди. Истамайгина ўрнидан турди. Эрталабдан бошланган кайфиятсизлик ким билади оқшомгача қай ҳолга келади?

Пешин вақти у кўчада кезиб юради. Бирор мақсади йўқ эди. Ҳолбуки, инсоннинг ҳар битта қўйган қадами мақсадли бўлиши керак эмасми? У нима қилаётганини билмасди. У ёқдан - бу ёққа бориб келарди.

* * *

Мурод умуман нима қилаётганини, нима қилишини билмай қолди.

Кўллари чўнтағида, хонани камида йигирма марта айланиб чиқди. Бирдан тўхтади: Онаси ёдига тушганди. Ажабо, сандигида нима бор? Балки сотиб бир неча курушга эга бўлар... Дарҳол у хонага ўтди. Сандикни очди. Онасининг ҳиди келгандек бўлди. Ичидаги нарсаларга икки йилдан бўён кўл тегмаган - ўзи қандай тахлаб кетган бўлса, худди шундай, турган эди.

Сандикнинг бир бурчагида бир жуфт зирақка кўзи тушди. Ёнида бир тилла узук ҳам бор эди. Севиниб

кетди. Кейин сандиқдаги бўғчаларни кўзига суртди, кўзларига ёш келиб, кўнгли паришон бўлди. Фарзандидан турли ёмонликлар кўрган, қиймати ўлгандан кейин билинган, ўлгандан кейин севилган онанинг хаёли кўз олдига келди. Кулокларида онасининг овози жаранглади:

- "Демак", ўғлим, буларни хотира сифатида сақлай олмайсан...

Мурод жойига қайтиб қўймоқчи бўлди. Кейин буларнинг ўлган онасига алоқаси йўқлигини ўйлади.

Заргар келган йигитга яхшилаб қарагач:

-Булар онангникими, ўғлим?-деди.

-Ҳа, онамники, аммо қаердан билдингиз?

-Кўрмаяпсанми, буларнинг эскилигини? Албатта, аёлингники бўлмаса керак.

Кейин яна давом этди:

-Буларни нега сотмоқчисан? Онанг буларни сотишингга розими?

-Онам икки йил аввал қазо қилган.

-Яхци, нега шу пайтгача сотмадинг?

Заргарнинг саволлари тугай демасди.

-Нега буларни сўраяпсиз, амаки?

-Кўп савол бериб қўйдингиз, демоқчимисан, ўғлим??

Мурод одоб доирасидан чиққанини тушуниб:

-Кечирасиз, амаки. Унақа демоқчи эмасдим,-деди.

-Зарари йўқ. Шундай десанг ҳам ҳақлисан. Аслида, биз энди дунёда ёшларга ўрин беришимиз керак. Аммо на ора дунёда қолиш ёки кетиш ўз кўлимиизда эмас-да.

Заргар бироз ўлланиб туриб яна давом этди:

-Нега сотмоқчисан?

-Пул керак.

-Сотмасанг-чи?

-Унда қорин тўйдириш, ҳаёт кечиришнинг бошқа

чорасини топиш керак, лекин буни ҳам билмайман.

-Хунаринг?

-Хунарим йўқ. Вақтида ҳеч бир хунар ўрганмаганман.

-Бирор иш топилса ишлашни хоҳлайсанми?

-Албатта.

-Яхши. Менга бир ҳафтадан кейин учраш. Унгача бирор иш қидириб кўраман. Буларни сотма. Уйингга олиб бор. Ҳар кўрганингда онанг учун дуо қил. Сенга бир ҳафтага етгулик пул бераман. Ишга кирганингдан кейин қайтарасан.

Шундан сўнг у ю~~л~~ира узатди. Муроднинг қўли пулни олиш учун узанмасди. Кўзлари ерга қадалиб қолганди. Заргар унинг уялганини кўриб:

-Ол, бу - садақа эмас. Ҳақ ризоси учун берилган қарздир, уялишга ҳожат йўқ.

Мурод пулни олди. Раҳмат айтиб кетди.

Бир инсонийлик сабобини кўрди. Бундай инсофли, ўзгалар ҳаки ва фойдасини ўйладиган қанча киши қолган экан-а, ер юзида? Бу Аллоҳнинг бир лутфу карами эди. Бу тасодиф эмас. Мурод уйга озиқовқат олиб қайтди.

* * *

Орадан беш кун ўтди. Уйда ўтириб суҳбатлашадиган кишиси бўлмаганидан Мурод ҳам кечгача кўча кезиб юришга мажбур эди.

Соат ўн бир яримга яқинлашиб қолганди.

Мурод уйга қайтишга шошилмади.

Дўконларни томоша қилас, аммо нима учун қараётганини билмасди. Дўкондаги нарсаларнинг гўзалиги, нархи, нимага ишлатилиши - ҳеч бирига эътибор бермади. Биридан чиқиб бошқасига киар, яна ўша лоқайдлик... Баъзан бинолар тагида туриб деразаларни томоша қиласди.

Мурод ўйлаётганди.

Орадан, тахминан бир ярим, икки соат ўтди. Кўчаларда ҳеч ким йўқ. Шовқинлар тинган. Бу сокинликни ора-сира хўроллар қичқириғигина бузиб турарди.

Тун ярмида кўча кезиб юрганларга назоратчилар яхши кўз билан қарамайди.

Бирор нимани режалаштириб қўйганларгина бундай вақтда уйғоқ бўлишади.

Мурод уйга қайта бошлади. У яна ўн соат кезса ҳам бефойдалигини тушунди. Шундай бўлса-да, ҳеч шошилмасдан кета бошлади. Оёқлари юмшоқ алланарсани босиб ўтгандек бўлди. Уч-тўрт қадам ташлағач, нималигини билишга қизиқди ва ортига қайтди. Қоронфида базўр топди, бир ҳамён экан. Аввалига ўз моли бўлмагани учун олмасликни ўйлади. Ташлаши керак эди. Аммо бирор ёмоннинг қўлига тушса-чи, деб олиб, ички чўнтағига солди.

Бу ҳамён ҳалол билан ҳаромнинг фарқига бормайдиган бирор кишининг қўлига тушса, севиниб ишлатиб юборарди. Аммо Мурод пулга муҳтож бўлиб турган бўлса-да, севинмаганди.

Чунки эгаси пулни йўлда йўқотиши ва бошқалар олиши учун ишлаб топмаганлиги аниқ.

Пул балки бадавлат бирор кишига тегишилдири. Балки бутун давлати шу ҳамёндан иборат бўлган киши тушуриб қолдиргандир. Ўидаги бирор беморга ишлатмоқчи бўлгандир, балки кеча-кумдуз қора терга ботиб ишлайдиган бирор ишчининг пулидир. Эҳтимол, бир неча ойлаб боқсан ҳўқизларини сотган бирор одам йўқотган бу ҳамёнини излаб кўчага чиққандир... Бирор ўғри ёки чўнтақкесарга тегишли эмасмикин?

Ҳақиқат шуки, бу ҳамён Муродга тегишли эмас.

Уйга етиб эшикни очгунга қадар хаёл сурди. Би-

рор муҳтоҷ туширган бўлса, уни тополмаса-чи... Энг аламли, энг ўйлантираётгани шу эди.

Ҳамённи столнинг устига кўйди. Кичик бир қоғозга: "Топиб олинди. Эгаси топиб берилсин", деб ёзди ва ҳамённинг ичига солди. Ётди.

Уйғонганида қўёш анча баланд кўтарилиганди. Бомдод намозини ўқиши учун камида уч соат авваж туриши керак эди. Афсус билан соатта қаради.

Соат жиринглагану уйғонмаган. Демак, айб соатда эмас, ярим тунгача кўча кезиб чарчаган Муроднинг ўзида эди...

X

Акиф Бейнинг хотини эрталаб чўнтагини ковланган эрининг бирдан ранги ўзгарганини кўриб ҳайрон бўлди. "Йўқми?... Йўқми?" дея сўради.

Акиф Бей дарҳол бошқа чўнтакларини излади. Ниҳоят шалвираганча:

-Ҳа, йўқ... Тушириб қўйибман, шекилли, - деди. Пешонасидан совуқ тер чиқди. Кўзлар бир муддат тўқнашди. Ажабо? Аёл ҳайрон, эр ўйчан.

Акиф Бей ҳалол яшашнинг тарафдори эди. Умуман, ҳар бир ишида ақли билан виждонини тенг юритади.

У ҳалол пул топади. Шу сабаб ҳамёнидан умиди бор эди. Аммо ҳозир замон бошқача. Ҳозирги одамлар фурсатни бой беришмайди, бошқаларнинг ҳам ўзидек бир инсон эканлигини ўйлаб ачинмайди. Вижданан иш кўрадиган даврлар ўтиб кетди.

Ҳолбуки, Акиф Бей унақалардан эмас.

У шу хаёллар билан дўконини очди. Дўконда унуби қолдирганманми, дея стол устларини кўздан кечирди. Тополмади. Сабр билан кутишдан бошқа чораси йўқ эди. Бирор ҳалол инсоннинг қўлига тушган бўлсин-да, ишқилиб, дея ишга киришди.

Орадан икки соатча вақт ўтди. Эшиқдан бир йигит кириб келди. Узун бўйли, қорамагиз, киприклари узун, қора қош, қора кўзли... Бир қараашда ёмон йигитта ўхшамасди.

Эгнидаги кўйлак икки, уч йил аввал тикилгани билиниб турарди.

-Ассалому алайкум.

Акиф Бей ажабланди. Бунақа йигитнинг салом берриб келиши, ҳайратланарли эди.

- Ва алайкум ассалом, марҳамат.

- Акиф Бей билан танишмоқчиман?
- Марҳамат, афандим.
- Йигит бир четга ўтириди.
- Кеча бирор нимангиж йўқолдими?
- Ҳа, бир ҳамён йўқотдим.
- Ҳамённинг ранги ва ичидаи пулнинг миқдорини айта оласизми?

- Қора рангли, ичиди тахминан тўққиз юз эллик, тўққиз юз йигирма лира пул бор эди. Истанбулга тегишли икки адрес ва менга юборилган бир табрик карточкаси.

Мурод чўнтағидан ҳамённи чиқариб узатди:

- Марҳамат, ҳамёningизни олинг.

Акиф Бей ҳамёнини олиб, ташаккур билдириди ва:

- Бу инсонийлигингиз учун сиздан миннатдорман. Агар мана шуни тўғрилигингиз мукофоти сифатида олсангиз, мамнун бўлардим,-деди ва ҳамёндан эллик лира чиқариб Муродга узатди.

Мурод пулга қарамасдан:

- Агар кам берганим учун олмади, дея ўйлаб ранжимасангиз, олмайман,-деди.

- Нега?

- Тўғрилигимнинг мукофотини Ўзидан олайин.

Акиф Бейнинг ҳайрати ошиди. Ёрдамчисига буюрди:

- Бизга чой келтиринг.

Кейин Муродга:

- Сиз билан яқиндан танишишни истайман,-деди.

- Мени танишингизга арзидиган бирор иш им йўқ.

- Маълумотингиз?

- Ўрта мактабнинг учинчи синфидан чиққанман.

- Отангиз нима иш қиласидилар?

- Нафакаҳур маъмур эди. Кўп шароб ичардилар. Балки танирсиз. Сурури Бей дейишарди. Икки йил аввал вафот этдилар.

-Яхши, ҳозир нима иш қиласиз?

-Ҳеч қандай ишим йўқ. Бирор ҳунарим ҳам йўқ, тўғрироғи отам ҳаётлигига мен бирор ишнинг бошини тутиш ҳақида ўйлайдиган аҳволда эмасдим. У ҳам аввалига ўйламасди, кейин эса менга уқтира олмади. Ўлимидан кейин қисқа вақт ичидаги ҳарбий хизматга кетдим.

-Отангиздан мерос қолганми?

-Отамдан мерос - уй, бир неча кишини инсонийликдан чиқарадиган даражада кўп гуноҳ ва шу дамда кимнинг ёнига борсам, бир чақага олмайдиган нафрати бор, шу қолди.

-Бирор ишда ишлашни истайсизми?

-Топа олсан, ишлайман.

-Масалан, бирор магазинда ишлашни хоҳлайсизми?

-Албатта.

Яна бироз сұхбатлашдилар. Мурод беш-үн дақиқа ичидаги ҳаёти ҳақида қисқача гапириб берди. Ҳақиқатни борича айтди. Кейин Акиф Бейга:

-Бироз аввал айтган гапингизни қайтиб олишингиз мумкин. Ўтмишимни кўз олдингизга келтириб иш бериш-бермасликни ўйлаб кўринг. Кейин пушаймон бўлищингизни истамайман. Бундан ташқари, намозларимни вақтида адо этишимга ижозат берасиз. Ишимга қараб, ҳақ тўлайсиз. Мен ҳам чин кўнгилдан ишлашга ҳаракат қиласман. Агар бирор ножӯя иш қилгудек бўлсан, ўша куниёқ бўшатишингиз мумкин,-деди.

Ҳар куни турли хил одамларни кўравериб, яхши ёмоннинг фарқига борадиган бўлиб кетган Акиф Бей бундай ажойиб йигитга биринчи маротаба дуч келаётганди.

Мурод дўконга ишчи бўлиб кирди.

Акиф Бей ўша оқшом уйидагиларга бугунги ҳоди-

сани бутун тафсилоти билан сўзлаб берди. "Аллоҳ-нинг қудратини қаранг", дея сўзини битирди.

Ҳафта охирида Мурод кўлида бир неча куруш билан заргарнинг ёнига борди. Юз лира олган қарзининг бир қисмини тўлади ва иш топганини айтди.

У жуда хурсанд эди. Кечалари китоб ўқиб завқланар, шу пайтгача нега ўқимаганлигига ажабланиб, ўзини-ўзи койирди. Нимани ўқишим керак деб ўйлай бошлади. Тўғри келган китобни ўқигандан кўра, бирор биладиган кишининг ёрдамида яхши китобларни ўқиш хаёли уни банд қилганди.

Бир куни дўконга келган одамнинг кўлидаги китобга кўзи тушиб. Қаради. "Гулистон" экан. Муаллифи Шайх Саъдий Шерозий. Сўради:

-Сиз бу китобни ўқидингизми?

-Ҳали тугатмадим, ўқияпман.

-Қаердан олганингизни сўрамоқчи эдим?

-Ўқишини яхши кўрсангиз, албатта ўқинг. Ҳар ҳарфи олтиндан қиммат. Асрлар давомида қийматини йўқотмаган бир китоб, дейишим мумкин. Шундай китобнинг борлигини била туриб, ўқимасдан ўлсам, кўзларим очиқ кетарди.

Мурод ўша куни бир китобчига учраб "Гулистон" ни олди. Кечкурун китобни ўқий-ўқий, бояги кишининг гаплари ҳақлигига икрор бўлди. Озроқ ўқигач эса, уни бир четга ташлаб қўймаслик, вақти-вақти билан ичидаги ҳикматларга кўз югуртириб туриш кераклиги ҳақида ўйлади.

Бу муаллифнинг "Бўстон" номли бошқа бир асари ҳам борлигини билди. Уни ҳам топиб, ўқиб чиқди. Китоблар ҳақиқатан ҳам шоҳ асарлар эди.

Мурод бундан кейин ҳам кўплаб асарлар ўқиди. У дўкондаги тижоратчилар билан ора-сира адабий сұхбатлар қилишни ҳам бошлаганди. Уларга ўқиган ки-

тобларини сўзлаб берар ва уларда ҳам китобга ҳавас уйғотарди. Акиф Бей Мурод билан суҳбатлашишни ёқтиар ва ёнида ўтириб, сўзларидан завқланарди. Муродда бошқаларга ўхшамайдиган яхши хулқлар, фазилатлар мавжуд эди. Гаплари ҳам жуда маъноли. Тўғри сўзли эди.

* * *

Мурод ишга кириб, қўли пул қўргач, энг аввал заргарнинг қарзини тўлади. Заргар ҳам ночор аҳволда қолган инсонга ёрдам беришнинг моддий ўлчовга сифмайдиган мукофотини олганди.

Вақт ўтиб, Мурод ва заргар ўртасида ёш фарқи бўлишига қарамай, дўстлик пайдо бўлди.

Орадан уч ойча вақт ўтди: Акиф Бей Муродни ишга олгани учун асло афсус чекмади. Мурод ищчилардек эмас, дўкон эгасидек ишлар, ишини чин дилдан ба-жараар, вақтини бўш кеткизмасди.

Тижоратчилар орасида унга ўхшаб ишлайдиган, вазифасига содик киши деярли йўқ эди. Унингдек ўзини хокисор ва гуноҳкор ҳисоблайдигани ҳам йўқ эди. Ичидаги бир қайғуси бордек, ҳазингина жилмаяр, яна дарҳол, кулиш менинг ишим эмас, дегандек жиддий тортиб қоларди.

Ора-сира харидорлар ичидаги эски улфатларига ҳам дуч келди. Уларни кўпдан бўён кўрмаган, суҳбатлашмаган, кўриш ва суҳбатлашиш исталмайдиган кишилар эди. Аммо улар дўстларини ўз давраларига қайта-риш, шу ёшда дунёнинг завқ ва лаззатидан бегона бўлиш ҳолидан кутқаришга ҳарақат қилишарди. Ақлингни йиғ, дея уқтиришарди. Шунча ҳарақатла-рига рад жавобини олгач эса, чиқиб кетишарди,

Дўконда Муроддан бошқа яна учта ўртоғи ҳам бор эди: Мустафо, Нихат, Бакир. Уларнинг ҳаммаси Муродни яхши қўрарди,

Бир кун Мустафо:

- Машааллоҳ Мурод, қандай яхши яшайсан-а! Кўлинг ишда, қалбинг ва қулоғинг аzonда. Самимий гапирасан. Сенга ўхшаши истайман. Аммо бизларни ҳам сендеқ вояга етказадиган ота-она қаерда?..

- Мени отам айтгани учун намоз ўқиди, деб ўйла-япсанми? Янглищасан, азизим. Янглишяпсан. Чунки бу шаҳарда менинг отамдек намозга ва намоз ўқидиганларга душман бошқа бирор инсоннинг яшаганига ишонмайман. Мен ҳам худди отамдек эдим. Факат Аллоҳ ёрдам қилди, кутулдим.

Мустафо ҳайрон бўлди.

Мурод давом этди:

- Ўтмишни гапирганимдан фойда йўқ. Ҳаммаси қора.. Айтмоқчиманки, менга ўхшаб вояга етмаган-сизлар. Истасангиз, жуда яхши, пўкиза мусулмон бўласиз. Шундай бўлишга тавсия қиласман. Кўрасиз, ўшанда катта ҳузурга эришасиз ва ичингиздаги бекарорлик ҳам йўқолади.

- Ичимда бекарорлик борлигини қаердан биласан?

Мурод кулимсираб:

- Бу йўлда ҳаётимнинг энг азиз йилларини сарфлаганман, - деди.

Эшиқдан кириб келган киши суҳбатни бўлди.

Оқшом дўкондан чиқиб ўйлаб кетди. Мустафога, балки бу дарбадар ҳаётдан кутулишига бирор ёрдамим керакдир.

Беихтиёр кимгадир тўқнашди. Қаршисида мункиллаган бир қария. Беллари букчайган. Бу қария бегона эмас эди.

Юраги тез-тез ура бошлади. Кўзлари катта-катта очилиб кетди. Шу маҳал қабристондаги қарияни эслади. Кулокларида: "Бу ер - дунё эмас, бу ерда дунёниг қонунлари ўтмайди...", деган гаплари жаранглай бошлади.

Шубҳасиз, бу ўша чол эди.

Муроднинг тўгри йўлни топиши учун илк туртки берган одам эди бу...

Изидан тушли. Қария анча тетик юрар, аммо аввалгиға нисбатан анча кексайған эди. Афтидан тез юриш учун кўп куч сарфлаётгани билиниб турарди. Шу ёшида елкасида беш-олти килолик юкни ташиш осон эмасди.

Ниҳоят, ўзидек вайронга бир ҳароба олдида тўхтади. Бу ернинг ягона кусури бойқушнинг йўқдиги. Уй билан уйнинг эгаси кексалик ва эскилиқда эгизак эди.

Мурод қариянинг: "Я арҳамар роҳимиин, я арҳамар роҳимиийин", деганини эшитди.

Мурод уни дуо қилиб узоқлашди.

* * *

Мурод бир ҳафтадан кейин қариянинг нон оладиган жойини аниқлади.

Пулни узатган қария нон билан бирга пулининг ҳам узатилганлигини кўриб ажабланди. Сотувчидан жавоб кутгандек қаради:

- Ажабланма, қария. Узумини е, бοғини суриштирма!..

- Бοғини билмасдан узум еганимни эслолмайман.

Сотувчи қариянинг юзига диққат билан қаради. Бу юздаги чизиқлар ҳаётнинг аччиқ-ширин ҳодисаларини сабр ва мардлик билан қаршилашга азм қилган бир инсоннинг руҳ қаламида чизилганга ўхшарди.

Сотувчи аҳволни тушунтириди:

- Вақтида сиздан яхшилик кўрган бир йигит...

Қария бошқа нарса сўрамади. Ҳақ ризотиги учун қилган ва Ҳаққа ҳавола қилган бир қанча яхшиликларидан қай бири эканини суриштириб ўтирамади. Нонни олди: "Салом айтинг, Аллоҳ рози бўлсин", - дея узоқлашди.

Мурод кейинги ҳафта бир ҳафтага етгулик пул ташлаш мақсадида сотувчига учраганда, қариянинг ўшандан буён келмаётганини эшилди.

Маҳалласидаги баққолдан сўради:

- Ҳаа, Иброҳим бобоми? - деди баққол. - У киши маҳалланинг отахони. Бирорвга юк бўлишни истамайди.

Мурод кетди. Назарида қария анча кексайганди.

* * *

Мурод билан суҳбатда ўтган кунлар Мустафога маънавиятини ошириш лозимлигини билдиради. Мустафо руҳида бир бўшлиқ борлигини ҳис этди.

Ора-сира: "Дунёга фақат еб-ичиш учун келмадинг. Қара, Мурод ҳам, сен ҳам инсонсан", деган овозни эшилгандек бўларди. Ё ўз ҳаёти, уники тўғри эди.

Вақт ўтиб, Мустафо нуқсон ўзи томонда эканлигини ҳис этди. Кунлар тарозининг бошқа палласини оғирлаштиради, ўзи томондаги паллага гўё пахта солингандек эди.

Бир куни жума намозига тайёргарлик кўраётган Муродга, бирга бориши истагини айтди. Мурод онаси тирилиб келгандек севиниб кетганди.

Таклиф хурсандчилик ва мамнуният билан қабул қилинганди. Мустафо учун энг мушкул бўлган биринчи қадам босилди.

Бир инсонни тўғри йўлга солиш, ўлаётган фалокат қурбонини кутқариш... Буларни моддий ўлчовда баҳолаш тўғри ёмас. Чунки булар моддий соҳага дахлсиздир.

Инсониятнинг тенгсиз йўлбошчиси, Аллоҳнинг бутун оламга юборган раҳмат ва ҳидоят Пайғамбари (с.а.в.) бу вазифанинг мукофотини шундай марҳамат қиласидилар: "Аллоҳнинг сенинг воситангда бир

кишига ҳидоят юбориши, сен учун дунёдан ва дунёдаги ҳамма нарсадан хайрлидир".

Ўша кеча тушида бир курбонлик сўйганини кўрди... Курбонлик сўйиларкан, қай тарафдан келганини билмади, бир овоз: "Бу сенинг қутулиш курбонингдир, қутулдинг, кечирилдинг", деди. Атрофга қаради. Ҳеч ким йўқ. Уйғониб кетди. Юраги тез-тез урди. Ҳаяжонланаётгани аниқ эди. Ҳис қилган маънавий завқ ва ҳузур натижаси эди бу...

Уйкуси қочди. Ўрнидан туриб таҳорат олди...

* * *

Акиф Бей Муроднинг ёлғиз, бўйдоқ яшаётганига рози эмас. Ҳалол бир йигитнинг ҳалол ва покиза ҳаёт кечириши учун уйланиши, оила қуриши зарур деб ҳисобларди. Шанба куни Муродни чақирди ва:

- Эртага сени уйда кутаман. Бирга тушлик қиласиз, - деди.

Мурод эртасига Акиф Бейнинг уйига борди. Ҳолаҳвол сўралди. Яхши тилаклар билдирилди. Бироз у ёқ - бу ёқдан гаплашилди. Кейин Акиф Бей уйланиш тўғрисида гап очди. Бўйдоқ яшашнинг яхши эмаслигини тушунтириди. Бу масалада унинг ҳам фикрини сўради.

Мурод бироз уйланиб:

- Нима ҳам дердим, Акиф амаки, бўйдоқ ва ёлғиз яшаш осон десам, ёлғон гапирган бўламан. Қийин ҳам деёлмайман. Кучим етса уйланаман. Бошқа чорам йўқ, - деди.

Акиф Бей сўради:

- Яхши, масалан, қўлингда уйланишга етадиган пулинг бор... Кимни олардинг? Бирор ўйлаб юрганинг борми?!

- Ўйлаганим йўқ... Аммо...

- Ҳа, аммо?..

Мурод бироз жим бўлиб қолди. Кўзлари ерда эди.

Давом этди:

- Бирор ночор, етимлари билан қолган бирор тул аёлга уйланиб, уни ва болаларини ночорликдан кутқаришни истардим.

- Нималар деяпсан, Мурод!.. - дейишдан ўзини тўхтатолмади Акиф бей.

Мурод кўзларини Акиф Бейга тикди:

- Носамимий гапни айтмаган яхши деб биламан.

- Яхши, нега бундай бўлишини истаяпсан?

Мурод бу саволга жавоб бермасликни афзал кўриб жим бўлиб қолди.

Акиф Бей такрор сўради:

- Мурод, ёшсан, келишгансан! Ишлаб бир оиласни гуллатишга кучинг етади. Устига-устак кимнинг қизини истасанг оладиган даражадасан. Нега бу йўлни афзал кўряпсан?

- Шу ерда бир нарсани унутяпсиз, амаки!..

- Нима экан?!.

- Менинг ота-онам вафот этган...

- Бу ишнинг ота-онангнинг ўлимига нима алоқаси бор?

- Демоқчиманки, сиз айтаётган бу ёшлик ва келишганлик ўтиб кетади. Аслида ҳаёт ҳам ўткинчи. Мен учун ҳаётнинг ўткинчи эканига энг ёрқин мисол-уч кун ичидаги ҳам ота, ҳам онадан айрилдим. Ҳозир суюклари ҳам чириб ётган қанчадан-қанча ёш ва келишган инсонлар ўтиб кетишган. Фикрим шуки, киши ёшлигига ишониб, осмонга кўз тикиш ўрнига, пок ва ҳалол бирор фақирни топиб, унга кўмаклашгани яхши. Бундай яхшиликнинг боқийлигига, зое кетмаслигига ишонаман. Шояд шу айтганларимни бажаролсам, гуноҳларимнинг бир қисмини Аллоҳ

кечиришига, шу етимлар ҳурмати, мени кечиришига умид қиласан.

Акиф Бей мағлуб бўлганини инкор қилолмасди. Бир ёш йигитки, ўз ўғли тенги... Тасдиқлашдан бошқа чораси қолмади. Шу дамда бўйи етган бир қизи бўлса Муродни куёв қилса... Аммо, афсуски, бу имкониятдан маҳрум эди.

Бу ишга Акиф Бей бош бўлиши қарори билан сухбат тамомланди. Атрофдан суриштириладиган, аҳли номус бир фақир бўлиши керак эди.

Акиф Бей Муродга базўр албатта тул аёл бўлиши шарт эмаслигини, яхши аҳлоқ ва фақир бўлиши лозимлигини тушунтириди ва қабул қилдирди.

Бу вазифани Акиф Бейнинг аёли ўз зиммасига олди.

* * *

Орадан йигирма кун ўтди. Шанба куни Муродни ёнига чақирган Акиф Бей аёлининг бир қиз билан келишини айтди:

- Ишлар изга тушяпти, Мурод. Бир бечора етим қиз экан. Онаси бор экан, отаси бир неча йил аввал вафот этган. Жуда камбағал эмиш. Янганг, чиройли қиз экан, деди. Агар сен рози бўлсанг, бу ёғига файрат қиласиз.

Мурод ҳайратда эди. Бу масала гаплашишлари билан дарҳол жиддийлашганди.

Тушликдан сўнг Акиф Бейнинг хотини икки аёл билан дўконга келди.

Акиф Бей билан бир муддат гаплашдилар. Мурод келганлар кимлигини билди. Бир қаращда ночор кимсалар эканини англаш қийин эмас эди. Кексарофининг эгнидаги кўйлакда ямоқ бор. Қизнинг бошидаги рўмол, эгнидаги кўйлакнинг ўз ранги уриниб қолган.

Қиз узун бўйли, оппоқ эди. Соchlари кўринмайдиган қилиб ўралганди. Чиройли ва юzlари нурли эди.

Аслида улардан муҳтожроқ киши йўқ бўлса ҳам, қийинчиликдан асло зорланган эмас.

Кудрати чексиз бўлган Аллоҳ баъзан бир-бирига севдиришни истаган кишиларига бирдек хулқ беради. Бир томонда руҳлар севишади. Қалблар бир-бирига боғланади. Ер юзининг бутун бойлиги билан ҳам қўлга киритиб бўлмайдиган бир натижа ҳосил бўлади. Бу буюк Аллоҳнинг хоҳишидирки, билмаганлар буни илк кўришда ошиқ бўлиш, дейишдан бошқа гапни айтотмайдилар.

Алия магазинда ишлайдиган бир сотувчи томонидан сўралганини билди. У онаси ва Акиф Бейнинг аёлига қўшилиб, ҳаяжонланганча дўконга келган эди. Аллоҳ тақдир қилган бўлса... Ичкарига кирганида юzlари қизариб кетди. Кўз қири билан тўрт йигитдан қай бири ўша экан, дегандек қаради. Муродга кўзи тушгач, қанийди шу бўлса, дея ўйлади. Мурод ҳам бир кўришда ҳаяжонга тушди.

Акиф Бей улар билан бироз суҳбатлашгач, Муродни чақирди ва қўшни дўконга бир иш билан юборди. Аёллар ҳам ишлари битгач, чиқишиди. Акиф Бейнинг аёли уйга боргач, уларнинг фикрларини сўраганида Алия уялиб ерга қаради. Бу ҳол унинг розилигини билдиарди.

Энди Алияни Муродга олиб берадилар. Ҳар иккала томоннинг аҳволини ҳисобга олган ҳолда тўйни ортиқча сарф-харажатларсиз ўtkазишга келишиб олинди. Келинга иккита кўйлак ва бошқа зарур нарсалар...

Кўшнилар айтишдики:

**- Вой, Фарида Хоним, шунақаси ҳам бўладими?
Ёшгина қиз-а! Келинлик сепи ҳам бўлмайдими?
Бечорагина...**

- Бу бечора ҳам хурсанд бўлсин-да. Бошқа қизлардек келинлик сарполарини кийишга ҳаққи бор-ку, синглим!

- Сен қизингни яхши кўрмайсан. Мен бўлганим-да нималар қилдирадим. Бирорга қулоқ солмасдим, қарзга бўлса ҳам қилсин, дердим.

Она ҳаммасига сукут билан жавоб берди. Булардан ҳеч бири инсонга саодат келтирмаслигини яхши биларди. У ҳаёти давомида қайси нарса инсон учун керак, қайсиси кераксиз эканини яхши тушуниб етганди.

Ҳаётида гуллаган даврлар ҳам бўлди. Истаганини дарҳол оларди. Бунинг кетидан кундузни таъқиб қилган тундек қора кунлар ҳам келди. Аввалги танишлари, уйигача келиб ҳол-аҳвол сўрайдиганлар кўчада кўрса кўрмасликка олиб кетади. Инсон кийган кийимининг баҳосига кўра саодат топадиган бўлса, бойларнинг қизлари умри давомида баҳтиёр ўтарди. Нега уларнинг ҳам боши дардан чиқмайди?

Фарида Хоним қизи Алияга шуларни уқтира-уқтира тарбиялади. Инсонлар кўпинча пул, давлат, манфаатга қул бўлишларини, инсонийликни қадрламасликларини қизининг зеҳнига қўйди. Ипак кўйлак кийиб иймонсиз бўлгандан кўра, ямоқ кўйлакда нур юзли бўлиш яхши.

Кўшниларининг гапларини эшитди, аммо жавоб бермади. Гапираверишгач эса:

- Кошки, келинлик сарпосини кийган қизларнинг ҳаммаси баҳтли бўлишса. Бугун мен бу ҳолга тушмасдим. Бугун маҳкамаларда ажрашиш дағ воларини қилиб юрганлар ҳам келинлик сарпосини кийганлардир, - деди ва ўрнидан туриб сандигидан ранги сарфайиб кетган келинлик сарпосини чиқариб уларга кўрсатди ва:

- Буни умрим давомида икки марта кийдим. Бу йил май ойида менинг келин бўлганимга йигирма беш йил тўлади. Сандиқда сақланишдан бошқа нарсага ярамаслигини билганимда эди, бунинг ўрнига уйимга бошқа бирор нарса олган бўлардим. Ақлсизлик қилиб, келинлик сарпосини оламан, демасдим, - деди.

Масала шу тарзда ёпилди.

Орадан бир ҳафта ўтди.

Улар тўй тарафдудини кўришарди.

Ўша куни оқшом Акиф Бей уйига қайтаётганди. Йўлдан ўтаётганда, бир автобусни кўриб тўхтади. Йўл бермоқчи бўлди. Аммо автобуснинг изидан келаётган иккинчи бир ҳайдовчи сабрсизлик билан ундан ўтиб кетмоқчи бўлди. Қаттиқ сигнал эшитилди. Оёғида қаттиқ оғриқни ҳис этди. Кейин нима бўлганини билмайди.

Ҳайдовчи шошиб қолганди...

Акиф Бейни дарҳол шифохонага олиб боришиди. Текширувлар натижасида шифокор кайфиятидан, бир оёғини йўқотгани англашилди.

Уйга хабар жўнатилганда Ҳадича Хоним ўзини йўқотиб қўйди. Эшитган ҳамма қариндош-уруг шифохонага югорди.

Акиф Бей ҳурматли инсон эди. Ёнида бирга қолишини истаганлар бўлди. Аммо Мурод:

- Менинг бу ерда қолишим билан уйга боришимнинг фарқи йўқ. Уйга боришимни кутиб ўтирадиган кишим йўқ. Сизлар бу ишни менга қолдиринг, - дея уларни хотиржам қилди. Келганлар қайтиб кетишли. Унга ачиндилар. "Унинг оёғи фақат ўзининг эмас, ўз-ўзини боқолмайдиган ночорларнинг ҳам оёғи эди", дедилар. Дуо қилиб, унга Аллоҳдан шифо сўрадилар.

Акиф Бей фалокатдан сўнг икки кун ўтиб ўзига келди.

Қай ҳолга тушганини англаб етмаган эди. Аммо вужудидаги кучли оғриқ ва оғирликни ҳис этди. Кўзларини очганида мутлақо бегона бир хонада ётарди.

Фамгин ўтирган Муродга кўзи тушди:

- Қаердамиз, Мурод?..
- Ҳавотирланадиган жой эмас, амаки!..
- Бу ерни танимаяпман. Оёғим жуда қаттиқ оғрияпти.

- Фалокат, амаки. Шифохонадамиз. Иншааллоҳ тузалиб кетасиз.

Акиф Бей оғриқнинг зўридан яна ҳушидан кетди.

* * *

Акиф Бей бир оёғидан ажралди. Аммо ақли, иймони, виждони, давлати жойида эди. Ҳаётда бир кун бор, бир кун йўқ бўлишини тушуниб етганди. Эрталаб соппа-соғ, ўзи юриб чиққан уйидан оқшом замбилга солиниб шифохонага бориши, иймони заифлар учун жуда аламли, катта бир фалокатдир. Аммо Акиф Бей учун бундай эмас. Бугун оламларнинг Эгаси бўлган Аллоҳ қулининг бир оёғини олиб имтиҳон қилаётганди.

Акиф Бей шифохонада ўн икки кун ётди. Аввалги тўрт кечада Мурод унинг ёнида бўлди. Бу кечалар Мурод учун жуда қайфули кечди.

Оқшомлари шифохонага аллақандай бир гариблик чўкарди... Аслида бу бино, дардлар билан тўла эди.

Туннинг ҳар бир соатида тоқатсиз, мажолсиз инсонларнинг инграшлари эшигилади.

Юзлари сўлғин, кўзлари нурсиз, кўнгиллари маҳзун, қалблари умидсиз bemорлар...

Мурод уларга - сабр қилсалар бу азоблари гуноҳлари учун кечиришга сабаб бўлиши мумкинлигини айтиб далда берарди.

Бешинчи кун Мурод Акиф Бейнинг мажбурашлари билан зўрға уйига келди.

Акиф Бейни ўн учинчи куни уйга олиб келишди. Унинг аравадан туширилиб кўтариб уйга киргизилиши жуда аламли ҳол эди. Бу нур юзли, ҳалол ва поиза инсон энди аввалгидек юролмасди.

Акиф Бейнинг ҳам, Ҳадича Хонимнинг ҳам кўзла-ри намланди.

Акиф Бей бу аҳволда дўконни бошқара олмасди. Хотини билан маслаҳатлашиб Муродни ишбоши қилиб тайинлашга қарор қилди.

Муродни чақириб вазифани тушунтирилар. Дўконнинг ҳамма ишларини унга айтди. Шунда да-ромаднинг учдан бири Муродга тегарди.

Мурод зўрға қабул қилди. Аввал олиб юрган ҳақи эвазига бу ишларни чин дилдан қилишини, бу инсо-нийлик вазифаси эканини қайта-қайта айтди. Аммо Акиф Бей:

-Мен уйимда bemalol ўтиришим ва виждоним қийналмаслиги учун бошқа йўл йўқ, - дея кескин гапирди.

Шундан сўнг Акиф Бей истаган вақтида дўконга бориб, кўшнилари ва таниш-билишлар билан суҳбат қилиб қайтадиган бўлди.

Дўконни Мурод бошқара бошлади. Таниш-билишлари, дўстлари Акиф Бейга тўғри иш қилганини айтишди.

XI

Иброҳим Ота текин нон олган кунидан бошлаб, қайта ўша дўконга яқин йўламади.

Аммо ўн беш кун ўтмасдан - эрталаб уйдан чиқаётib оёғи бир нарсага тегди. Эгилиб олди ва очиб қарди. Эллик лира... Ҳайрон бўлиб қолди. Ичкарига кириб аёлига айтди. Қисқа бир музокарадан кейин яхшилик аломати деб қабул қилишди.

Иккинчи ой ҳам Иброҳим Ота йўлдан эллик лира топиб олгач, тушунолмай қолди. Шу пайтгача бунақа аҳволга тушмаган эди. Ҳаётининг сўнгти икки ойида бунақа ҳодисаларга учрашининг маъноси нима бўлиши мумкин?

Тинмай шу ҳақда ўйлай бошлади. Бирор чора топиб, буни ким, нима сабабдан қилаётганини билиш керак эди.

Келаси ойнинг биринчи кечасини ухламасдан ўтказишга қарор қилди.

Ўша кеча чироқларни вақтлироқ ўчирди. Кўча эшик ортига бир шолча тўшади ва исмсиз меҳмонни ҳаяжон билан кута бошлади. Эшикнинг ипи қўлида эди.

Ниҳоят, ҳовли девори устидан бир тош келиб тушди. Тошнинг тушиши билан ипнинг тортилиши ва эшикнинг очилиши бир вақтда бўлди. Беш-олти қадам нарида бир одам кетарди.

Иброҳим Отанинг:

- Аллоҳ учун тўхта! Кетма!.. - дейиши билан у турган жойида михдек қотди.

Қария яқинлашди. Коронгулиқда таниб бўлмайдиган кимсага синчиклаб қаради. Танимади. Сўради:

- Ҳовлига тошни сен отдингми?

- Ҳа.

- Кимсан? Сени танимаяпман.
 - Ким эканимни билдиримоқчи бўлсам, бу пайтда келмасдим.
 - Кимлигингни билмасдан бу отганингни ололмайман.
 - Адашасиз. Ҳақ ризоси учун берилган нарса олиниади. Миннатга қолмайсиз. Чунки мени умр бўйи таний олмайсиз.
 - Нега бундай қиляпсан ахир? Тушунтири!
 - Буёғи менинг ишим. Сизнинг вазифангиз бу ҳадяни олишдир.
- Иброҳим Ота осонликча қўйиб юборадиганга ўхшамасди:
- Аллоҳ ҳаққи. Менга тушунтири!..
 - Бегона кишининг боши эгилди. Истамайгина:
 - У ҳолда уйингизга кирайлик, - деди.
 - Бирин-кетин уйга кирдилар. Чироқлар ёнди. Бегона кишига яхшилаб қаради. Барибир танимади. У киши сўради:
 - Ҳаётингизда сизни энг қўп ҳайратлантирган ҳодисани эслай оласизми?
 - Ҳа.
 - Қайси? Менга айтиб беринг.
 - Ҳозирги ҳодиса. Танимаган бир киши менга ўзини кўрсатмасдан пул ташлаб кетса...
 - Йўқ, бу эмас. Сизни хафа қилган, қайфуга соганидан бўлсин.
 - Қария ўйлай бошлади:
 - Шу қадар қўпки...
 - Бегона киши:
 - Масалан, қабристондаги...
 - Иброҳим Отанинг кўзлари катта-катта очилди:
 - Бўлди, - деди. - Ҳа, бир куни шундай воқеага дуч келдимки, ҳеч ким кўрмаган. Бир кун аввал ўлган

одамнинг мозорида қабр тошларига қадаҳ уриштириб ичаётган икки одобсизга учрагандим. Улардан сўрадим. Бу ерда ётган ким, дедим. Бири, отам эди, деб жавоб берди. Энг ачинарлиси, уларга шу ерга келиб ичишни оталари васият қилган экан. Бир қадаҳ менинг мозоримга ҳам тўкинг, дебди. Улардан бири шаробни мозорга тўкди...

- Ўша ҳодисани мен ҳам кўрганман.

- Тўғрисини айтяпсанми, ўғлим?

- Ҳа, тўғри гапиряпман. Сиз унугибсиз, мен сўрагач, эсладингиз. Ҳолбуки, мен ўша ҳодисани хотирамдан чиқара олганим йўқ. Ўша даҳшатли воқеа кўз ўнгимдан кетмайди. Сизни ҳам шу сабаб танидим. Чунки мен ўша ерда ичкилик ичаётганлардан бириман. Ўша ўлган одамнинг ўғлиман.

Иброҳим Ота унга ҳайрат ва даҳшат билан қаради:

- Нима демоқчи эканингни тушунолмадим, - деди.

- Ўша ерда ичаётганлардан бири мен эдим. Мозорда ётганинг ўғли... - деди.

- У ҳол билан бу ҳолат орасидаги муносабат? Мени ҳайрат ва даҳшатта солган икки ҳодисанинг иштирокчиси сен... Мурувват соҳиби ҳам, ўша чиркин ўғил ҳам сенмисан!..

- Ҳа... Ўша куни айтган насиҳатларингиз ҳамон қулоғим остида жаранглайди. Балки, сиз ўша пайт нима деганларингизни унугандирсиз. Аммо ҳаммаси менинг ёдимда. У ердан қўрқув ва даҳшат ичида кетдик. Аввалига сизни топиб яхшилаб калтакламоқчи бўлдик. Кейин бу фикримиздан қайтдик. Ўша куни юрагимга бир қўрқув тушди. Нима қилаётганимни, нима қилишимни билмай қолдим. Қайтиб ичмайдиган бўлиб, тавба қилдим. Шу бугунгача сўзимда туриб келяпман. Намоз ўқияпман. Куръон ўқишни ўргандим. Ҳар кун сизга соғлиқ тилаб дуо қиласман. Икки

оидан буён қўлимга пул туша бошлади. Бир дўконда ишлайман. Ҳар ой ортадиган эллик лирани менинг тўғри йўлга киришимга сабаб бўлган муборак қариянинг эҳтиёжлари учун ажратдим, аммо сиз қабул қилмадингиз. Мана, масаланинг асоси шу, ота...

Иброҳим Ота диққат билан тинглаганди:

- Исмингни ҳамон билмаяпман, болам! - деди.
- Ўша пайтдаги исмим Тумай эди. Ҳозир эса Мурод.

Кейин яна давом этди:

- Менга отам қилмаган яхшиликни қилдингиз.

Менинг ёрдамимни қабул қилмасангиз бўлмайди. Хотиржам юролмайман.

- Майли. Сен айтганча бўла қолсин.

Орада бироз суҳбат бўлди.

Мурод ҳеч кими йўқлигини айтди. Шу ҳафта унаштирилганини, яхши ҳаёт кечиришлари учун дуо қилишини сўраб илтимос этди.

Шундан сўнг қариянинг кўнгли тинчланди. Орасира Муроднинг дўконига борадиган бўлди. Мурод билан қария дўст тутинди.

Мурод уйга қайтиб, Куръони Карим таржимасидан бир неча саҳифа ўқиди. Нимадандир сиқилса, дарҳол Куръонни қўлига оларди. Қиблага қараб ўтириди. Бир соатларча ўқиди.

Кўнгли хотиржам бўлиб, жойига ётди. Ўқиган оятларини ўйлаб ухлаб қолди.

* * *

Тўй куни, буни аслида тўй дейиш унчалик тўғри бўлмаса керак, Акиф Бейнинг хоними таом тайёрлади. Бу йиғинга Акиф Бей, Иброҳим Ота ва Заргар катнашди.

Маҳалла имоми ва яна тўрт-бешта меҳмон...

Таомлар ейилди. Куръон ўқилди. Дуодан сўнг, Мурод келиннинг ёнига жўнатилди.

Бир оила вужудга келаётган эди. Бу оиланинг та-
мал тоши Аллоҳ ризолиги учун самимият ва ҳурмат-
га таянади.

Куёв оила бошлиғи, келин уйнинг шарафли но-
мус қўриқчиси бўлади.

Ўша кеча Мурод Алияга - унга уйланганидан
жуда-жуда мамнунлигини билдириди. Шу кундан
эътиборан унга ва онасига қўмаклаша олса, буни
ўзи учун Аллоҳнинг қатта лутфу карами деб қабул
қилишини айтди.

Кунлар шу тарзда ўта бошлади. Уч кишидан таш-
кил топган оиланинг ҳар бир аъзоси ҳаётидан мам-
нун эди.

* * *

Тўйдан сўнг бир ярим ой ўтмасдан Алиянинг юзига
қон югурди. Уйида тўйиб овқатланиш тушдаги ҳоди-
са эди. Алия энди овқат масаласида ташвишланмасди.
Пок аҳлоқ эгаси бўлган инсоннинг пешона тери би-
лан топиб келганини пишириш унга завқ берарди.

Мурод ва Алиялар оиласи шу тарзда ҳаёт кечира
бошлади. Мурод оила бошлиғи бўлишни аёлига зўра-
вонлик билан буйруқ бериш деб тушунмади. Алия ҳам
унга итоатни бир зиллат деб қабул қилмади. Қисқа
вақт ичида уларга қўшнилар ҳавас билан қарайдиган
бўлди. Ҳолбуки, бир вақтлар бу уйда Саодат хоним
исмли бир мазлума аёл саодат юзини кўрмасдан ўтиб
кетганди. Ўшанда бу уйнинг деворлари шароб ҳиди
билан тўла эди. Ҳозир эса Аллоҳнинг инояти билан
нурга тўлди.

* * *

Бир куни Иброҳим Отанинг юзидаги рангизлилк
Муродга бошқача кўринди. Аҳвол сўради:

- Бироз толиқдим, шекилли, - деган жавобни эшилди.

Қария турадиган аҳволда эмас. Уйига кетмоқчи бўлди. Мурод уни табибга кўрсатмоқчи бўлди ва ёнига келиб:

- Сиз билан бироз сайр қилмоқчиман, - деди.

- Сайр қилишга қувват қолмаган, болам.

Иброҳим Ота қўлидан тутган Муроднинг юзига қараб:

- Майли, розиман. Аслида уйга кетмоқчи эдим.

Мурод биргалашиб дўкондан чиқди. Тўғри шифохонага қараб йўл олди. Иброҳим Ота унинг ниyatини шунда англаб етди ва:

- Нима қилмоқчисан? - дея сўради.

- Сизни табибга кўрсатмоқчиман.

- Қандай бўларкан, болам? Табибга бориш одатим йўқ.

- Одатингиз бўлмаса, энди борасиз. Ўргада соғлиқ масаласи бор, одатни бир четга қўя туинг.

- Табибга борадиган даражада касал эмасман.

- Яхши, бир кўринасиз, холос.

- Бу одамлар биздан дунё пулини кутишади, болам. Аслида қўлларидан бир иш келмайди.

- Мен олиб бормоқчи бўлган табиб унақалардан эмас. Бошқалар олганининг ўндан бирини берсангиз ҳам даволайверади.

- Бунақасини билмайман.

- Табибга бориш одати бўлмаган одам буни қаердан билиши мумкин? Бу шифокор камбағал bemorлардан пул олмайди.

- Аллоҳ, Аллоҳ! Яна нималарни эшитамиш-а?!. Шу ёшга кириб бунақа вижданли табибни эшитмаган эканман...

Муроднинг гаплари муболага эмас эди.

Уларни табиб очиқ юз билан кутйб олди. Шикоятини эшитиб, зарурий тавсиялар ёзиб берди.

Табиб уларни ота-ўғил дея ўйлади ва Муродга:

- Тўғриси, сиздан хафаман. Чунки отангизга қарамабсиз. Яхши қарамассангиз, касаллиги зўрайиб кетади, - деди.

Мурод жавоб бермасликни афзал билди. Аммо Иброҳим Ота эътиroz билдири:

- Табиб бей! Мурод менинг ўғлим эмас.

- У ҳолда амакиси бўлсангиз керак.

- Йўқ, амакиси ҳам эмасман. Орамизда қариндошлик риштаси йўқ.

- Ажойиб...

- Нимаси ажойиб?!

- Ажойиблиги шундаки, отахон, ҳозирги замонда отанинг ўғлидан хурмат кўриши катта иш. Ҳолбуки, бу йигитнинг сизга бўлган хурматини кўрдим ва ўзимга-ўзим: "Қандай баҳтли инсон-а!" дедим. Ачинарли аҳволдамиз. Шифоси йўқ дардга мубтало бўлганмиз. Фарзанд отасига итоат қилмайди. Бунинг сабаби нима? Ким уларга итоатсизлик буйруғини беряпти? Оила тарбияси яхши эмасми, йўқса мактабларда керагича аҳлоқ дарслари ўқитилмаяптими? Ёки буларни жамият бузяптими?

Буларни ўрганиш ва чорасини топиш керак. Турли инсонлар билан мулоқотда бўламиз. Ҳеч биридан умид йўқ. Бундан уч йил аввал бир шифокор ўртоғим ўта аянчли бир вскеани гапириб берганди. Бир хастанинг уйига борса, ўғли ароқ ичишга пулим қолмади, деб уни ҳайдаб солибди. Турли баҳоналар билан табибни кетказмоқчи бўлибди. Ва шунчаки ҳақ олмаслик шарти билан касални кўришга рози бўлса, кўришини айтибди. Натижада бемор ўша пайтнинг ўзида вафот этибди.

Табиб гапини тугатганида Муроднинг пешонасидан совуқ тер чиқди.

- Нега бунча терлаб кетдингиз?..

- Ҳикоянгиз жуда таъсирли экан...

- Ҳақсиз. Мен ҳам уч йилдан бўён хотирамдан чиқаролмайман. Жамиятимизда шундайлар ҳам, сизга ўхшаганлар ҳам бор. Сизни шу инсонийлигингиз билан табриклайман.

Шифокор тавсия этган дорилар рўйхатини олиб кўчага чиқдилар. Табиб пул олмади. "Бу пулга керакли дориларни олинглар" деди.

Иброҳим Ота хурсанд эди. Гўё касаллигини унуганди.

- Шифокор жуда яхши одам экан-а, болам. Айтганингдан ҳам зиёда экан. Менга жуда маъкул бўлди. Аммо сен нега ҳаммомдагидек терга ботдинг?

Мурод:

- Шифокор айтган ўша йигит мен эдим-да, отахон, - деди қизариб.

* * *

Алия онаси билан бирга ящаётганидан бениҳоя хурсанд эди. Уларнинг эски уйларини Мурод таъмирлатиб, ижарага берди. Кейин Мурод Алия ва онаси-нинг рухсатини олиб ижара ҳақини бир-икки муҳтожга бўлиб беришга қарор қилди. Кечагина она ва қиз бирорлар кўмагида ҳаёт кечиришарди, бугун эса бошқаларга кўмаклашмоқда. Фақир, аммо, мурувватли кишилар ан ү шунақа бўлади.

Улар бу ишларини фақат Аллоҳ ризолиги учун қилмоқда эди.

Уларнинг бирдан-бир тилаклари Аллоҳ ҳузурига ёруф юз билан, мол-давлатнинг эмас, Аллоҳнинг қули бўлиб ҳаёт кечирган инсон сифатида боришдир. Улар

учун қўлга киритилиши мумкин бўлган бундан-да аълороқ мукофот йўқ...

Бир куни Мурод уйга қайтаётганди.

Йўл четида баҳслашаётган таниш савдогар билан бир киши дикқатини тортди. Чунки бири эски қадр-донларидан эди. У билан отасининг қабрида бирга майхўрлик қилганди.

Эски қадрдони савдогарга ёлворарди:

- Болаларим ҳаққи. Агар бор бўла туриб бермаётган бўлсам... Яна ўн беш кун муҳлат бер...

Савдогар эътиroz билдириди:

- Бу биринчи ўн беш кун сўрашинг эмас. Биринчи, иккинчи, ҳатто, учинчиси ҳам эмас...

- Мен ҳозир кимга, кимнинг эшигига бориб ёлвoramан?

- Буниси мени қизиқтиrmайди.

Мурод яқинлашди ва сўради:

- Кечирасиз, нимани тортишаяпсизлар? Билсам бўладими?

Савдогар тушунтира бошлади:

- Бу кишига қишилик кўмир учун қарз берган эдим. Бошқа нарсага ишлатиб юборди. Ичди, еди, тугатди. Оиласи қишини зўрға ўтказди. Қарзини ҳали ҳам бергани йўқ. Мана, энди яна ўн беш кун кутишимни сўрайти.

Муроднинг юраги эзилди:

- Мен бу одамга кафиллик берсам, яна ўн беш кун кута оласизми?

- Аслида кафилликка ҳожат йўқ. Чунки бу одам менинг кўшним. Жуда яхши танийман. Аммо бу қўлига тушган пулинини ичади.

- Яхши, бу сафар мен учун муҳлат беринг. Сизга манзилимни бераман.

- Манзилингизни беришга ҳожат йўқ. Сизни танийман. Дўконингизни ҳам биламан.

Кейин ўша одамга қараб:

- Менга қара, Ражаб. Сенга ўн беш кун эмас, бир ой муҳлат. Агар яна шундай қилсанг, Аллоҳ сендан икки баробар сўрасин. Бор, энди кет, -деди.

Муродга қараб:

- Сиз ҳам танбех бериб қўйинг. Уйида болалари қай аҳволда ўтиришганини, балки билмассиз. Ачиниб кетади киши. Бунинг эса парвойи фалак. Оч қоладими, совуқдан қотадими, бунинг иши йўқ, - деб кетди.

Мурод ўртоғига қаради:

- Қалайсан, Ражаб, нималар қилиб юрибсан?

Ражаб қўлини силкиганча жавоб берди:

- Кўриб турганингдек...

Мурод у билан бирга бир ошхонага кирди.

Мурод таом буюрди ва:

- Демак, ҳали ҳам ичяпсан, тўғрими?! - деди.

Ражаб ажабланганча:

- Ҳаётнинг мазасини бошқача татиб бўладими? -

деди.

- Бояги одамнинг гапларини унутдингми? Уйингда болаларинг қай аҳволда? Қарзингни тўлашни ўйласанг-чи? Шуми ҳаёт лаззати? Бирорларга ялинмаслик учун дунёнинг бутун завқидан кечишга рози бўлардим. Сен кайф учун ичасан, оиласанг, болалингни ўйламайсан...

Ражаб эътиroz билдиrolмади.

Таомлар келтирилди. Жимгина едилар. Кейин

Мурод:

- Кечқуунга борганингда болаларинг қўлингга қарамайдими? - деди.

- Қарашибди, албатта қарашибди, аммо нима қилай?..

- Юрагинг эзилмайдими?

- Эзилмай бўладими, Тумай? Албатта эзиламан.

Аммо қўлимдан нима ҳам келарди. Кўрдинг-ку, қарзга ботганман.

- Кўлингдан кўп нарса келади. Аввал ароқни ташлашинг керак. Менга қара. Қабристонда майхўрлик қилганимиз ёдингдами? Мен ташладим-ку. Ҳамон ўша кунни эсласам, қора терга ботаман, Ражаб.

Бу ердан чиқиб бир чойхонага бордилар:

- Ичмасанг, пулинг ёнингда қолади. Фарзандларинг ҳам яхши одамнинг болалари эканидан хурсанд бўлишади, рўзгорингга барака киради, Ражаб. Ҳозир мен қандай яшайдиганимни тасаввур ҳам қиломайсан.

- Тумай, ишонсанг, мен ҳам бу ҳаётдан бездим. Нима қилай? Пушаймон бўламан. Бегуноҳ болаларимни калтаклайман, хотиним чеккан азобларни-ку, қўявер. Кеча радиодан бир шеърни эшитдим:

Кўй-кўзилар маърашар,
Ҳамма кулиб яирашар,
Менинг бахтим қорадир,
Тилдан-тилга кўчиб юрадир.

Қарасам хотиним йиглаляпти. Нега йиглаляпсан, дедим.

"Нега йиглаётганимни билмайдиган ҳолга келганингиз учун. Онам мени шу кўйларга тушишим ва шу азобларни чекишим учун тукқанини ўйлаб йиглаляпман. Келин бўлиб келганимдан буён бир бурда нонни ўйнаб-кулиб еганим йўқ, калтак емаган куним йўқ. Қўшнилар эрларининг яхшиликларини айтиб гапиришади, менинг эса бирор бамаъни гапим йўқ. Сиз тирик бўла туриб, болаларим етимдек бўйинларини эгиб юришади. Ана шуларни кўзларим билан кўриб турганим учун йиглаляпман", дейди.

Менинг ҳам кўзларимга ёш тўлди. Болаларим ҳар доимгидек бурчакда қўрқув билан томоша қилиб туришарди. Лаблари титрарди. Чидолмадим:

"Бўлди, бас. Етар, хотин, мени ғамга ботирдинг", дедим.

Хотини эса:

"Аллоҳга миғ маротаба шукрлар бўлсинки, сиз ҳам бир марта ғамга ботдингиз. Сиз менинг дардими билмайсиз. Мен шунча йилдан бўён азоб чекаман, бирор марта ҳол сўрадингизми, бирор марта бошимни силадингизми?"

Хотиним йиғлаган кўйи давом этди:

"Ўзингиз яхши биласиз, мен чеккан азоблар маҳалланинг бутун аёлига етади. Мени йиғлатиб, ўзи завқланадиган эрнинг қўлига тушгандан кўра, туғилмаганим яхши эди.

Аллоҳдан қўрқмайсиз, одамлардан уялмайсиз. Мен ҳақимда заррача қайғурмайсиз, нега уйландингиз? Мақсадингиз мени азоблаш, ҳаётимни заҳарлаш эдими? Мен сизга нима ёмонлик қилдим? Бирор марта сизга қарши чикдимми? Ёки оиласдан бирор ёмонлик қўрдингизми? Қасос оляпсизми? Одам душманига ҳам бу қадар зулм қилмайди-ку..."

Тўғри гапираётганди. Бундай дейишга хотинимнинг тўла ҳаққи бор эди. Мен аҳлоқизлиқ қилиб завқланардим. Аммо уни гапиртиргани қўймасдим. Ўша куни қандайдир инсонийлигим тутиб қолган эди.

Шу пайт эшик тақиллади. Бориб очди. Очди-ю, келган одамни ҳақоратлаб қувиб солди. Ажабо, ким экан, дея қарадим. Ўзимизнинг Содиқ эди. Шунда хотиним:

"Даф бўл, бу ердан. Яна бир марта келганингни кўрсам, ўлдираман. Шунча аҳмоқликларинг етмайдими?!"-дея бақира бошлади. Бор кучим билан бир тарсаки туширдим юзига. Кейин яна, Менга тикилиб:

"Ур, бор кучинг билан ур. Нафсини тиёлмаган бир ноинсофнинг кўлида ўлсам, балки Аллоҳ гуноҳларимни кечирар", - деди.

Бурнидан оқаётган қон оғзини, иякларини қоплади. Ичимда бироз пушаймон бўлдим. Болаларим ҳовлига қочиб чиқишган эди. Уларнинг ёнига бориб, бирма-бир ўпди. Кейин: "Э Аллоҳим етимларимни Сенга омонат қолдираман, мени бу золимнинг кўлидан кутқар" - деди. Кейин ёнимга келиб:

"Қани ур, ўлгунимча ур. Шундай урки, нафсинг ором олсин, разил", дея ҳайқирди.

Кўл-оёғим карахт бўлиб қолган эди.

Оналарининг фарёдига қўшилиб болаларим ҳам йиғлади. Гангид қолдим. Авваллари уни урганимда болаларим йиғласа, завқланардим, яна-да илҳомланардим. Шу алфозда уйдан чиқиб кетдим.

Оқшомгача тентираб кўча кездим. Яна уйга қайтиб, уни яхшилаб калтакламоқчи бўлдим. Аммо, у ҳақ, мен эса ноҳақ эдим. Оқшом уйга кеч қайтдим. Ҳеч нарса демасдан жойимга ётдим.

Ҳамон аҳволим шу. Кўрганингдек бояги одам ҳам мени айблади...

Мурод уни бу ҳолатдан кутқаришнинг айни вақти эканини ўйлади. Чойларини ичишгач:

- Кел, бироз айланамиз, - деди.

Кўчага чиқиши.

Бу йўл тўғри қабристонга олиб борарди. Ражаб ҳам ҳеч эътиroz билдирумади. Яқинлашгач:

- Ўтганлар руҳига бир фотиҳа ўқийлик, Ражаб!.. - деди Мурод.

Ражаб эътиroz билдириди:

- Мен фотиҳа ўқиши билмайман-ку, Тумай!..

- Билмасанг, Аллоҳ раҳмат қилсин, дейсан. Мен ўқийман, сен "омин" дейсан. Яна, менинг исмим

Тумай эмас энди. Муродман мен. Иссимини ўзгартирдим.

- Ааа! Нима мажбур қилди бунга?

- Чунки бу исм менга эски ҳаётни эслатади. Ўша ҳаётда яшаётгандек бўламан. Отанг ўлдими, Ражаб?..

- Сенинг отангдан тўрт ой кейин...

- Аллоҳ раҳмат қилсин. Ўлгач нима қилдинг?

- Агар ўша қарияга дуч келиш кўркуви бўлмаганда эди, келиб мозорида шароб ичардим. Бўлмади. Аммо дўстларим билан уйда базм қилдик.

- Кел, ундаи бўлса ўқиймиз.

Қабристонга кирдилар. Мурод:

- Қара, Ражаб, бу ерда ётгандарнинг ҳар бири турлича ҳаёт кечиришган. Ораларида золимлари ҳам, мазлумлари ҳам бор. Шундай, яшагач, ҳаммаси тугайди. Зулм кўрган сен бўлганингда ҳаққингни талаб қиласмидинг?- деди.

Ражаб бу саволга жавоб беролмади. Аммо қалбida нимадир жўш ураётганини ҳис қилиб турарди.

У ердан чиқаркан, ичида нимадир уни ҳаётини ўзгартиришга мажбулларди. Ўтган умри унга жаҳолатдек туюла бошлади... Қайтиш, бу жирканч йўлдан қайтиш керак. Фарзандларини, отасининг уйга келишини истамайдиган фарзандларини севинтириши керак.

Бирдан Муродга қаради:

- Мени ўз йўлингга ҳамроҳ қиласанми, Мурод?

Муроднинг кўзлари чақнаб кетди:

- Албатта. Ўлчунча...

Сўнг икки дўст қучоқлашдилар. Улар ҳали бир-биралидан ажралмасдан аzon саси эшитилди:

- Аллоҳу Акбар, Аллоҳу Акбар...

* * *

Эртаси куни Мурод дўконга келган дўстини очиқ юз билан кутиб олди. Жой кўрсатди. Бироз суҳбатлашди. Шунда Иброҳим Отадан гап очилиб қолди. Мурод у киши билан дўстлашганини айтди. Беморлигини, уч-тўрт кундан буён боролмаганини гапирди. "Бугун бориб кўрмоқчиман, истасанг, юр, бирга борамиз", - деди.

Биргалиқда йўлга тушдилар. Қариянинг аҳволи анча оғирлашган эди. Ўзига келгандек бўлди. Ёнида Муроднинг ўтирганини кўрди:

- Келдингми, болам?
- Ҳа, келдим, ота.
- Ўқи! Аҳволим ёмон.

Яна ўзини йўқотди. Мурод ўқий бошлади. Қария бироз енгиллашгандек бўлди. Балки бу сўнгти нафасдан олдин, bemornining тавба қилиши учун берилган охирги фурсатдир. Қария Муроддан ёнидаги кимсанни сўради.

Мурод қисқача тушунтириб берди.

Қария севиниб:

-Алҳамдулилаҳ... - деди.

Қабристонда неча йиллар аввал экилган тухум, ҳаётининг сўнгти лаҳзаларида ўз мевасини берганди. Ҳаёт ҳисобини беришга кетаётганда:

-Сенинг ризолигинг учун насиҳат қилгандим ва икки кимсанинг ҳаётини кутқардим! Гуноҳ билан ўтган умримни шу икки ёш журмати кечир, эй Раббим - деди кулимсираб қария.

Кейин бирдан оғирлашди. Зўрға:

-Я арҳамар Роҳимийин, я арҳамар Роҳимиийин... Эй марҳаматлиларнинг энг марҳаматлиси бўлган Аллоҳим, - дея тақрорлади.

Пешонаси енгил терлади. Шу пайтда кампири

келтирган замзам сувини оғзига томиздилар. Ни-
ҳоят қария сўнгти маротаба бир марта:

"Аллоҳ", - деди. Шу сўз билан умр дафтарининг
сўнгти саҳифасини муҳрлади...

Икки ёш йигит бир-бирларига алам ва қайгу билан қарадилар. Мурод:

-Аллоҳ раҳмат этсин, - деди.

Бу ердан кетаркан Ражабнинг юрагига кўркув тушди. Ичидагу дуо қилди:

"Аллоҳ раҳмат этсин..."

* * *

Орадан йиллар ўтди. Мурод инсонийлик йўлида
собит қолди. Аллоҳ эҳсон этган фарзандини яхши тар-
биялашга ҳаракат қилди. Бола баъзан отаси билан мас-
жидда кўриниб қолар, ихлосли ибодати билан кўрган-
ларни ҳайратга солар ва дуоларини оларди. Баъзида
Акиф Бей бобосининг қучогида эркаланар ва унинг:

-Гапир, болам, сени ким яратди? - деган саволига:

-Сизни кексайтириб, соchlарингизни оқартирган
Аллоҳ яратди, - дея жавоб бериб, уни беҳад мамнун
қилар эди.

9 апрел, 1972 йил.
Чорум.

Дунё адабиёти хазинасидан

Аҳмад Лутфий Қозончи

БИР ВИЖДОН УЙГОНУР
(роман)

Түркчадан
Роҳила РЎЗМОНОВА
таржимаси

Сўзбоши муаллифи:
филология фанлари доктори, профессор
Абдугафур РАСУЛОВ

Муҳаррир:
филология фанлари доктори
Баҳодир КАРИМОВ

Рассом:
Олим ОДИЛОВ

**«Fikr-media» масъулияти чекланган жамияти матбаа бўлимида
чоп этилди. Босишга 2006 йил 28 апрелда ружсат этилди. Босма-
хонага 2006 йил 15 майда топширилди. Бичими 84X60 ¼.
Адади 2000 нусха. Офсет босма қозоги. 56-сон буюртма.
Шартнома Г-33**

"Истиқлол" нашриёти. Тошкент шаҳар,
Навоий кўчаси, 30-уй.

Тошкент шаҳри, Комил Ёрматов кўчаси, 14-уй.